


INFO



CENTAR ZA KULTURU,
SPORT I INFORMISANJE
BUŽIM

Info-bilten općine Bužim | Broj: 5 | januar - decembar, 2017. | www.ckbuzim.ba



ZAVRŠENI RADOVI NA
IZGRADNJI SPORTSKE DVORANE

OBILJEŽENO 25 GODINA
HORA "GAZIJA"

25 GODINA RADA
BZK "PREPOROD" BUŽIM



UVOD

Uvaženi građani Općine Bužim, izuzetno nam je zadovoljstvo predstaviti Vam peto izdanje Info-biltena Općine Bužim.

Podsjetimo da je ratno Predsjedništvo R BiH status Općine potvrdilo odlukom od 20. februara 1995. godine, kada je Bužim i zvanično postao općina u Bosni i Hercegovini.

Intencija ovog Info-biltena je ukratko Vas informirati o najznačajnijim događajima koji su zabilježeni u Općini Bužim u 2017. godini. Bilten donosi pregled aktivnosti načelnika, općinskog vijeća, započetih i završenih infrastrukturnih projekata, privrednih aktivnosti, obrazovnih, kulturnih i sportskih događanja kao i prisjećanja na događaje iz naše bliže, ali i dalje, historije.

Posebno nas raduje činjenica da su ove godine domaće firme i nekoliko udruženja iz dijaspore podržalo izradu Info-biltena gdje im je data mogućnost da u ovom petom broju predstave svoju firmu kroz historiju firme, današnje poslovanje firme i usluge koje firma nudi. Iskreno se nadamo da će u sljedećem broju i ostale firme i udruženja prepoznati značaj izrade Info-biltena i na taj način isti podržati i svakako se naći u šestom izdanju.

Info-bilten Općine Bužim je dostupan svim građanima na Info-pultu Općine Bužim i na službenim web stranicama www.ckbuzim.ba i www.opcinabuzim.ba. Na ovaj način svi građani Općine Bužim, posebno naši sugrađani iz dijaspore, imaju mogućnost da na najbolji način budu upoznati sa svim aktivnostima koje su obilježile 2017. godinu.

Kao što smo i do sada radili nastaviti ćemo putem službenih stranica, Javne ustanove “Centar za kulturu, sport i informisanje” i Općine Bužim, obaviještavati javnost o svim značajnijim projektima, inicijativama kao i događanjima koji se dešavaju na području Općine Bužim. Možete nas pratiti i putem društvene mreže Facebook: “JU Centar za kulturu, sport i informisanje Bužim” i “Općina Bužim”, putem koje građani imaju priliku komunicirati s općinskim načelnikom, ali i komentirati, predlagati, pohvaliti, odnosno kritizirati rad općinskog organa uprave, općinskog vijeća, stručnih službi, javnih preduzeća i ustanova.

Cijenimo da će pravovremenost i raznovrsnost informacija koje dolaze iz Javne ustanove “Centar za kulturu, sport i informisanje” i Općine Bužim dati jasniju sliku svim našim građanima o aktivnostima koje su završene ili koje čekaju svoju realizaciju.



INFOBILTEN



CENTAR ZA KULTURU,
SPORT I INFORMISANJE
BUŽIM

| | |
|----|-------------------|
| 4 | OPĆINSKO VIJEĆE |
| 12 | KABINET NAČELNIKA |
| 24 | KULTURA |
| 42 | SPORT |
| 53 | INFRASTRUKTURA |
| 63 | PRIVREDA |
| 67 | OBRAZOVANJE |
| 73 | OBILJEŽAVANJA |
| 91 | OSTALE VIJESTI |

IZDAVAČ:

JU "Centar za kulturu, sport i infomrisanje"
505. Viteške brigade bb / 77245 Bužim

Tel / fax: +387 37 410 332
E-mail: jucksi@hotmail.com
jucksi.buzim@bih.net.ba
www.ckbuzim.ba

VII SAZIV OPĆINSKOG VIJEĆA OPĆINE BUŽIM MANDATNI PERIOD 2016 - 2020

IZVOD IZ USTAVA USK
("Službeni glasnik USK", broj: 1/04 i 11/04)

VI – OPĆINSKE VLASTI
Član 9.

(1) Krivični postupak ili građanska parnica ne mogu biti pokrenuti protiv člana općinskog vijeća niti član općinskog vijeća može biti zadržan u pritvoru ili kažnjen na bilo koji drugi način zbog izraženog mišljenja i datog glasa u općinskom vijeću.

(2) Članovi općinskog vijeća ne podliježu krivično – pravnoj ni građansko – pravnoj odgovornosti za radnje koje čine u okviru svojih dužnosti u općinskom vijeću.



SAFET LJUBIJANKIĆ
PREDSJEDAVAJUĆI OV
Nezavisna lista Za bolji Bužim 3



INDIRA BOSNIĆ
Zamjenica predsjedavajućeg
SBB



VAHID MULALIĆ
Sekretar Općinskog vijeća



ABID DURAKOVIĆ
Nezavisna lista Za bolji Bužim Jedan



ADMIR BEGOVIĆ
Nezavisna lista Za bolji Bužim 2



AGAN ELKASOVIĆ
SDA



ARMIN VELIĆ
SDP



BAJRO HANDANOVIĆ
Nezavisna lista Za bolji Bužim 2



ERMIN VELADŽIĆ
A SDA



HASAN HILIĆ
SDA



HAŠIM LIVAKOVIĆ
SDA



NEZIR TAHIĆ
SDA



NIJAZ ALDŽIĆ
A SDA



REMZIJA PAJALIĆ
Nezavisna lista Za bolji Bužim 5



RIFET ŠAHINOVIĆ
SDA



SAMIR DURANOVIĆ
A SDA



SUVAD VELADŽIĆ
SDA



ŠEFIK VELADŽIĆ
S BiH

ODRŽANA KONSTITUIRAJUĆA SJEDNICA SEDMOG SAZIVA OPĆINSKOG VIJEĆA OPĆINE BUŽIM



14. novembar 2016.

U Vijećnici Općinskog vijeća Općine Bužim održana je konstituirajuća sjednica Sedmog saziva Općinskog vijeća Općine Bužim za mandatni period 2016.-2020. godina. Osim novoizabranih vijećnika i Općinskog načelnika Općine Bužim Zikrije Durakovića svečanoj Konstituirajućoj sjednici prisustvovala su brojne zvanice kako iz političkog tako i kulturnog, društvenog i vjerskog života Općine Bužim. Obzirom na činjenicu da je Općinsko vijeće Općine Bužim prvo održalo konstituirajuću sjednicu novog saziva na teritoriji cijele Bosne i Hercegovine i izabralo rukovodstvo ovog predstavničkog tijela, za očekivati je da novi saziv Općinskog vijeća želi ozbiljno raditi od samog početka mandata i stvarati novu i povoljniju klimu na prostoru naše općine.

Prije samog početka sjednice dosadašnji predsjedavajući Općinskog vijeća Safet Ljubijankić pozvao je glavnog imama MIZ Bužim, Mehmeda ef. Harčevića da se učenjem Fatihe prisjete svih boraca-šehida 505. Vbbr. Kako je to propisano Poslovníkom Općinskog vijeća Općine Bužim, konstituirajućom sjednicom je otvorio Safet Ljubijankić, predsjedavajući dosadašnjeg saziva Općinskog vijeća, da bi u nastavku u skladu sa Poslovníkom Općinskog vijeća Općine Bužim predsjedavanje preuzeo Agan Elkasović kao najstariji novoizabrani vijećnik u novom sazivu do konačnog izbora i imenovanja predsjedavajućeg. Tako je na početku sjednice izvršena verifikacija mandata vijećnika Općinskog vijeća Općine Bužim koji su izabrani na Lokalnim izborima. Novoizabrani vijećnici su ovom prigodom zajedno sa Općinskim načelnikom Zikrijom Durakovićem dali svečanu izjavu. Imenovana je Komisija za izbor i imenovanja, nakon čega se prešlo na postupak im-

enovanja predsjedavajućeg i zamjenika predsjedavajućeg Općinskog vijeća. Općinsko vijeće je sa 11 glasova izabralo Safeta Ljubijankića (Nezavisna lista Za bolji Bužim 3) za novog predsjedavajućeg Općinskog vijeća, dok je dr. Indira Bosnić (SBB) imenovana za zamjenika predsjedavajućeg. Na kraju je ostavljena mogućnost da se obrate i zvanice, predstavnici Općine Bužim na višim nivoima vlasti, ali i drugi.



Tako su se obratili zastupnik u Državnom parlamentu BiH Jasmin Emrić, zastupnici u kantonalnoj Skupštini USK-a Nisvet Jusić, Samir Veladžić i Samir Abazović, predsjednik Koordinacije boračkih udruženja na području općine Bužim Edhem Eminić, koji su u svojim obraćanjima dali punu podršku novoizabranom rukovodstvu Općinskog vijeća i Općinskom načelniku te se dali na raspolaganje da svako u skladu sa svojim mogućnostima uradi maksimum na obezbjeđivanju potrebnih sredstava i rješavanju nago-milanih problema koji svakodnevno muče našu općinu i njene građane.



USVOJEN BUDŽET OPĆINE BUŽIM ZA 2017. GODINU



30. decembar 2016.

Sedmi saziv Općinskog vijeća Općine Bužim na svojoj III redovnoj sjednici usvojio je budžet Općine Bužim za 2017. godinu, čime je izbjegnuta potreba za privremenim financiranjem, te se ovim Bužim svrstava u red rijetkih općina koje imaju usvojen budžet za sljedeću godinu prije isteka tekuće kalendarske godine. Pored ove odluke na dnevnom redu našlo se ukupno 16 tačaka o kojima se raspravljalo.

Odluka o izmjenama Odluke o prodaji nekretnine neposrednom pogodbom, Odluka o izmjenama Odluke o prodaji metalnih kontejnera u vlasništvu općine Bužim, Odluka o izmjenama Odluke o utvrđivanju visine zakupnine, Odluka o utvrđivanju javnog interesa za potpunu eksproprijaciju u svrhu izgradnje djela Regionalne ceste RP 401 Otoka-Bužim-Velika Kladuša, Odluka o utvrđivanju javnog interesa za nepotpunu eksproprijaciju u svrhu izgradnje djela NN mreže „Polje“ u naseljenom mjestu Polje, MZ Vrhovska, Odluke o utvrđivanju javnog interesa za nepotpunu eksproprijaciju u svrhu izgradnje priključnog kablovskog voda, u naselju Polje, MZ Vrhovska su dobile potrebnu većinu.

Pored toga usvojeno je i Rješenje o izmjeni i dopuni Rješenja o imenovanju Organizacionog odbora za obilježavanje događaja i datuma iz perioda odbrambeno-oslobodilačkog rata 1992-1995. godine, od značaja za Općinu Bužim, kao i Rješenja o imenovanjima komisija za Ljudska prava, obrazovanje, kulturu, sport i mlade, Komisija za lokalnu samoupravu, Komisija za prostorno uređenje, te Rješenje o imenovanju Etičkog odbora.

Dosta polemike izazvala je i odluka o davanju saglasnosti na sporazum o načinu izmirenja dugova Mjesnih zajednica prema firmi „Kov-Grad“ Bužim. Naime 4 mjesne zajednice imale su blokirane žiro-račune na osnovu izvršne presude za dug nastao u 2008. godini prema navedenoj firmi. Odluka je usvojena većinom glasova, a dug će se sporazumno plaćati iz Budžeta Općine Bužim za 2017. i 2018. godinu, te bi na osnovu usvojene odluke mjesne zajednice trebale moći normalno funkcionirati. Prema riječima predsjedavajućeg Općinskog vijeća Safeta Ljubijankića, „U 6-milionskom budžetu našlo se mjesta za sve grupe stanovnika naše općine od boračkih kategorija pa do kapitalnih projekata vodeći se ciljem da niko ne bude zapostavljen niti se osjeća zapostavljeno, jer ovo je budžet svih građana Općine i svi imaju pravo biti dijelom istog“.

AKTIVNOSTI OPĆINSKOG VIJEĆA OPĆINE BUŽIM ZA 2017. GODINU



Općinsko vijeće je predstavnički organ građana, odnosno organ lokalne samouprave Općine Bužim, izabran demokratskim putem, na temelju općeg biračkog prava na neposrednim izborima, tajnim glasanjem, na način i po postupku koji je utvrđen Izbornim zakonom Bosne i Hercegovine. Općinsko vijeće Općine Bužim u skladu sa Statutom Općine, a na osnovu zakonom utvrđenih kriterija, broji 17 vijećnika. Sastav Općinskog vijeća u mandatnom periodu 2016-2020.godina, VII Saziv Općinskog vijeća, odnosno od održavanja lokalnih izbora 2016. godine, čine predstavnici pet političkih stranaka i nezavisni vijećnici čiji je rad u Vijeću trenutno organiziran kroz slijedeće Klubove vijećnika, i to:

- Klub vijećnika SDA Bužim (6) šest vijećnika,
- Klub nezavisnih vijećnika za „Bolji Bužim“ (6) vijećnika
- Klub vijećnika A SDA Bužim (3) vijećnika
- Mješoviti klub (SDP I S BIH) (2) vijećnika

SEDMI (VII) SAZIV OPĆINSKOG VIJEĆA OPĆINE BUŽIM

VII Saziv Općinskog vijeća Općine Bužim konstituisan je na I redovnoj sjednici općinskog vijeća održanoj dana 14.11.2016.godine, na kojoj su pored članova Komisije za izbor i imenovanja imenovani predsjedavajući općinskog vijeća Safet Ljubijankić i zamjenica predsjedavajućeg općinskog vijeća Indira Bosnić. Nakon konstituisanja VII saziva Općinskog vijeća u toku 2016. godine održane su još dvije redovne sjednice i jedna vanredna, na kojima su usvojene sve predložene odluke od strane ovlaštenih predlagача, a posebno treba istaći da je vijeće na prijedlog Općinskog načelnika usvojilo budžet općine Bužim za 2017. godinu, u propisanom roku u iznosu od 5.988.566,00 KM. Općinsko vijeće i njegova radna tijela, rad i aktivnost u izvještajnom periodu zasnivali su na svojim Ustavnim, zakonskim, Statutarnim i Poslovničkim obavezama i ovlaštenjima, te programskim zadacima iz svoje nadležnosti, kao i na potrebama aktuelnih društveno-ekonomskih zbivanja na području Općine Bužim. Na sjednice Vijeća redovno su, bez izuzetka, pozivani predstavnici sredstava javnog informisanja koji su putem elektronskih i printanih medija, obavještavali građane o najznačajnijim pitanjima koja su razmatrana na sjednicama Općinskog vijeća. Općinsko vijeće svoju aktivnost u izvještajnom periodu prvenstveno je zasnivalo na tačkama dnevnog reda koje su uglavnom utvrđivane u skladu sa Programom rada za

2017. godinu i prethodno usaglašavane na sjednicama Kolegija Vijeća. Kolegij Vijeća u skladu sa odredbama Poslovnika Općinskog vijeća Općine Bužim čine predsjedavajući Vijeća, zamjenik predsjedavajućeg Vijeća, predsjednici klubova vijećnika i sekretar Vijeća.

U toku izvještajnog perioda održano je ukupno 16 sjednica Kolegija općinskog vijeća na kojima je, u prvom redu, utvrđivan dnevni red i način organizovanja sjednica Vijeća, ali isto tako razmatrana su i druga pitanja koja su bila od značaja za rad Vijeća i njegovih radnih tijela tako da je Kolegij u izvještajnom periodu imao aktivnu ulogu u organizovanju tekućeg rada Vijeća i značajno je pomogao predsjedavajućem u pripremi dnevnog reda za sjednice Vijeća, kao i u drugim pitanjima u vezi sa organizovanjem sjednica i rada Vijeća, kao i njegovih radnih tijela. U toku 2017. godine Općinsko vijeće održalo je ukupno 13 sjednica i to: 9 redovnih, 3 vanredne i 1 svečanu sjednicu. U navedenom periodu Općinsko vijeće usvojilo je ukupno 121 akt koji su predlagani od ovlaštenih predlagача i to: 57 odluka, 16 rješenja, 39 zaključaka, 9 ostalih akata,

Vijeće je u skladu sa usvojenim Programom, na prigodan način, obilježilo Dan Općine Bužim i tom prilikom na svojoj svečanoj sjednici, između ostalog, dodijelilo i najviša općinska javna priznanja najzaslužnijim pojedincima i pravnim licima, i to: Nagradu 20 Februar, pet Plaketa Općine i devet Zahvalnica Općine Bužim. U pogledu prisustva na sjednicama Općinskog vijeća izvještajni period, sa izuzetkom nekoliko opravdanih slučajeva, karakteriše uglavnom odgovoran odnos i redovno prisustvo vijećnika na sjednicama Vijeća. U protekloj godini vijećnici Općinskog vijeća Općine Bužim su u obavljanju svoje dužnosti na koju su izabrani, pokazali visok stepen odgovornosti, tako da je na svim sjednicama bio obezbijeđen kvorum potreban za zakonit i nesmetan rad Vijeća. Može se, također, konstatovati da su se vijećnici u principu pridržavali i odredaba Poslovnika Općinskog vijeća, te su u svakom pojedinačnom slučaju blagovremeno vršili najavu svoga odsustva sa sjednica Vijeća. Vijećnička pitanja, kao specifičan instrument kontrole nad radom općinskog izvršnog organa, kao i drugih institucija sistema, omogućavaju vijećnicima neposredan način iznošenja određenih problema ili nejasnoća s ciljem efikasnog i brzog dobijanja odgovora.



Stručna služba Općinskog vijeća u izvještajnom periodu obavljala je slijedeće poslove:

- vršila stručne i administrativno - tehničke poslove u pripremi nacрта i prijedloga propisa i drugih akata za potrebe Općinskog vijeća i njegovih radnih tijela,
- obezbjeđivala realizaciju Programa rada Općinskog vijeća i njegovih radnih tijela za 2017. godinu i ostvarivala saradnju sa općinskim načelnikom i službama Općinskog organa uprave, kako bi isti blagovremeno izvršavali zadatke iz svoje nadležnosti koji su predviđeni Programom rada Vijeća.
- obavljala vođenje zapisnika i stenograma sa sjednica Općinskog vijeća i druge stručno-operativne i tehničke poslove na sjednicama Vijeća,
- obavljala vođenje zapisnika i druge stručno-operativne i tehničke poslove za sva radna tijela i Kolegija vijeća,
- ostvarivala saradnju sa službama Općinskog organa uprave u vezi sa izradom propisa i drugih akata koje je donosilo Općinsko vijeće i samostalno izrađivala propise i druge akte,
- umnožavala materijale koje je razmatralo i donosilo Općinsko vijeće i blagovremeno ih dostavljala općinskim vijećnicima i radnim tijelima Vijeća,
- informisala javnost o radu Općinskog vijeća i njegovih radnih tijela putem zvanične web stranice Općine Bužim i JU "Centar za kulturu sport i informisanje",
- pružala stručnu i drugu pomoć klubovima vijećnika i vijećnicima u ostvarivanju njihovih prava i dužnosti,
- vodila evidencije i čuvala originale ("izvornike") propisa i drugih općih akata koje donosi Općinsko vijeće i Općinski načelnik i obezbjeđivala da se doneseni akti blagovremeno objave u "Službenom glasniku Općine Bužim".



S ciljem što kvalitetnije pripreme materijala za sjednice Općinskog vijeća i sjednice radnih tijela Vijeća, u izvještajnom periodu poduzimane su i druge potrebne i konkretne mjere kako bi se na vrijeme obezbijedila dostava informacija i izvještaja, pratila realizacija zaključaka Vijeća, te obavljali i drugi poslovi i zadaci.

Stručna služba Općinskog vijeća je u izvještajnom periodu izvršavala i druge poslove za potrebe Vijeća, vijećnika i radnih tijela Općinskog vijeća, što će i nastaviti u narednom periodu.



“ENEX“ d.o.o. Bužim je preduzeće registrovano za promet rezervnih dijelova za putnička vozila. Firma je počela sa radom 2000 godine i od tad teži da kupcima pruži najkvalitetnije rezervne dijelove automobila po prihvatljivim cijenama. Dugogodišnje iskustvo i stalna edukacija uposlenih daju za rezultat profesionalnost a s tim i kvalitet usluge. Početkom 2009. godine “ENEX“ d.o.o. Bužim otvara još jednu poslovnicu radi širenja asortimana rezervnih dijelova za marke vozila: Renault, Citroen , Peugeot , Ford , Fiat , Alfa Romeo, Lancia itd. Od 2014. godine nalazimo se na novoj adresi, Generala Izeta Nanića bb , gdje smo spojili obje prodavnice te smo i dodatno proširili asortiman.

Nakon dugogodišnjeg intenzivnog rada, firma “ENEX“ je u mogućnosti da vam ponudi širok asortiman proizvoda originalne kvalitete čiji proizvođači su zbog visoke kvalitete svojih proizvoda, stekli povjerenje renomiranih proizvođača za sve vrste automobila. Nakon svega napisanog, samo je jedan zaključak – “Enex“ autodijelovi Vam nudi apsolutno sve za Vašeg limenog ljubimca. Javite nam se putem telefona ili Facebooka i uvjerite se u uslužnost našeg osoblja, jer je kvalitet, tradicija i povjerenje spojeno sve na jednom mjestu.


1. Kvalitet

2. Pouzdana roba

3. Veliki izbor autodijelova

17 godina sa vama

Vaš ENEX d.o.o.



Kontakt telefoni: +387 37 410 - 204
+387 61 508 - 682

RADNO VRIJEME: Svakim danom od 08h do 17h
DRŽAVNIM PRAZNICIMA SE NERADI



D Ž E M A T
GAZI HUSREV-BEG
W I E N

f /GHBWIEN

ig /GHBWIEN

www.ghbwien.at

Jedan od osam egzistirajućih bošnjačkih džemata u Beču koji su u sastavu Islamske zajednice Austrije (IGGÖ) i Islamske zajednice Bošnjaka Austrije (IZBA) a pod patronatom Rijasetu Islamske zajednice u BiH jeste džemat pod imenom “Gazi Husrev-beg”. Njegova priča pod ovim imenom počinje još davne 1988. godine što ga svrstava u prve bošnjačke džemate u dijaspori a u Austriji posebno. Nije moguće početi priču o bilo kojem džematu u Beču a da se ne spomene uloga “Muslimanske Socijalne Službe” kao prvog organiziranog oblika okupljanja muslimana u Austriji uopšte i njenih prvih proponenata. “Muslimanska Socijalna Služba” osnovana je još 1962. godine, čiji su osnivači kao i njeni pioniri bili mahom sve Bošnjaci, na čelu sa dr. Smailom Balićem. On je bio njen idejni pokretač, osnivač i proponent, kao i njena žila kucavica dugi niz godina. Zahvaljujući dobro isplaniranom radu u odboru, “Muslimanska Socijalna Služba” je s vremenom postigla takav ugled da se smatrala jednim istinskim predstavništvom muslimana u Austriji. Upravo ova organizacija bila je prethodnica afirmaciji i osnivanju Islamske zajednice u Austriji (Islamische Glaubensgemeinschaft in Österreich) 1979. godine. Tih godina Austriju masovno naseljavaju gasterbajteri koji su dolazili različitih zemalja a najviše iz bivše Jugoslavije i Republike Turske. U tim imigracijama iznimno veliki broj ljudi je bio sa islamskom vjerskom pozadinom što će nakon osnivanja islamske vjerske zajednice a naročito krajem osamdesetih i početkom devedesetih godina prošlog stoljeća doprinijeti osnivaju mnogih vjerskih udruženja razvrstanih po nacionalnoj i regionalnoj osnovi. Prvo udruženje koje su osnovali Bošnjaci a oličeno u tradicionalne okvire onoga što mi oduvijek zovemo džemat bio je upravo Džemat “Gazi Husrev-beg”. Njegov prvi imam o čijim se istaknutim organizacijskim sposobnostima i danas sa uvažavanjem i pijetetom mnogi prisjećaju bio je Uzeir ef. Halilčević.

2018. godine navršava se jubilarnih 30 godina postojanja džemata pod imenom “Gazi Husrev-beg” u Beču. Osnovan davne 1988. godine Džemat “Gazi Husrev-beg” započeo je svoje prve aktivnosti u prostorijama koje su zadugo bile najpoznatija i najmiljenija destinacija svih bošnjačkih muslimana koji su se do tada obreli u Beču, u ulici Garbergasse 7, u šestom bečkom Bezirku. Kroz te prostorije koje je džemat koristio sve do svoga izmiještanja na današnjoj adresi Arndtstrasse 28 (12. bečki Bezirk), prodefilovalo je na hiljade vjernika kako bošnjačke, albanske, turske, arapske i drugih nacionalnosti. U toku agresije na BiH i za vrijeme velikog iseljništva bošnjačkog muslimanskog stanovništva džemat je u svojim prostorijama pružio utočište stotinama i hiljadama izbjeglica. Pored ambasade BiH u Beču dugo vremena služio je kao jedina adresa i predstavništvo IZ u BiH. Budući da je prvi osnovani bošnjački džemat u Beču i šire a čije su prostorije postale pretijesne za sve vjernike, krajnje tolerantno, rekli bismo roditeljski je podržao inici-



jativu i velikodušno se uključio u osnivanje novih džemata: “Ebu Hanife” u 10. bečkom Bezirku, “Tevhid” u 12. Bezirku, “El-Iman” u 2. bečkom Bezirku, džemat “Bosna” u 16. bečkom Bezirku itd.



Od 2007. godine džemat "Gazi Husrev-beg" se nalazi na adresi Arndtstrasse 28 u 12. bečkom Bezirku. Svojim velikodušnim izdvajanjima i bez ikakvih kreditnih zaduženja džematlije džemata "Gazi Husrev-beg" vrlo brzo su došle u posjed preko 600 kvadrata na istoimenoj adresi i time postali vlasnici gotovo polovine zgrade (oko 48 %). U vrijeme prelaska i značajan niz godina nakon toga, trenutne prostorije slovile su i ubrajale se u najreprezentativnije u Beču. Budući da se nalazi na svjetski poznatoj raskrsnici puteva a opet relativno blizu domovini BiH vrlo često je bio meta mnogim poznatim ličnostima iz vjerskog, kulturnog i političkog miljea.

Džemat danas broji između 300-400 redovnih članova što ga svrstava u red najvećih po članstvu u Austriji. Džemat naravno funkcionira slično kao i svaki drugi u dijaspori ili domovini, gdje su izražene mektebske aktivnosti, predavanja subotom, kursevi sufare-arapskog pisma i tedžvida za odrasle, česte tribine i promocije gostiju raznih intelektualnih profila i opredjeljenja. Trenutno džemat u administrativnom ili tehničkom smislu vode mladi i perspektivni ljudi na čijem čelu se nalazi hadži Fikret Bošnjak iz Velike Kladaše (predsjednik džemata) i hadži Dr. Demir Mulalić iz viteškog grada Bužima (zamjenik predsjednika). Imam džemata u zadnjih 11 godina je Mr. hfz. Adil ef. Makić, također zakleti krajišnik iz Bužima.



Nakon ove skromne retrospekcije najstarijeg bošnjačkog džemata u Austriji, a koji ove godine slavi svoj 30. rođendan, održaće se svečana proslava i manifestacija u povodu ovog jubileja, dana 28. 04. 2018. godine u jednoj od najpoznatijih i najvećih sportskih dvorana u Beču, HALLMANN DOME, na adresi Gutheil-Schoder-Gasse 9, 1100 Wien, s početkom u 18:00 sati.

Očekuje se veoma dobar odziv i lijepo druženje, kao što je to uvijek u ovom dijelu Austrije, te je ovo jedinstvena prilika da posjetite najstariji bošnjački džemat u Austriji i podijelite radost sa našim sugrađanima i uvjerite se u njihovo gostoprimstvo!

Bujrum!

NOVOIZABRANI NAČELNIK OPĆINE BUŽIM ZIKRIJA DURAKOVIĆ PREUZE DUŽNOST



09. novembar 2016.

Nakon što je jučer u Sarajevu Centralna izborna komisija u sali Parlamenta BiH uručila certifikate općinskim načelnicima i gradonačelnicima, te općinskim vijećnicima za mandatni period 2016.-2020. danas je svoj mandat otpočeo i općinski načelnik Zikrija Duraković. Svoj prvi radni dan kao novoizabrani načelnik općine Bužim Zikrija Duraković provodi radno, kako kaže uglavnom u sagledavanju činjeničnog stanja u Općinskom organu uprave, održavši sastanke sa šefovima službi po svim segmentima djelovanja i poslovanja.

Kako kaže svjestan je da je pred njim na čelu općine Bužim težak posao ali da vjeruje da će stanje u općini Bužim poći na viši nivo i poboljšati cjelokupnu situaciju. U svojoj izjavi kratko se osvrnuo i na jučerašnji događaj kada nije htio ući zajedno sa kolegama načelnicima i gradonačelnicima u salu Parlamenta gdje se nalazio osuđeni ratni zločinac Fikret Abdić. "Počeli smo raditi pred nama je težak posao ali ne sumnjam da ćemo svi ako Bog da svi zajedno uspjeti u namjerama da poboljšamo stanje. Svjestan sam ko mi je dao povjerenje, sve ono što se dešavalo u prošlosti se nemože zaboraviti. Po saznanju da će dotični prisustvovati dodjeli certifikata moje kolege gradonačelnici i načelnici smo se povukli iz sale i sačekali dok nije napustio zgradu da bi nakon toga kao posljednji preuzeli certifikate" kazao je načelnik Zikrija Duraković.

BIOGRAFIJA

Zikrija Duraković sin Hasana i majke Katke (Mustafić) rođen je u Bužimu 21.04.1975. godine. Osnovnu školu za-

vršio je na Konjodoru a poslije toga u Bos. Krupi srednju matematičko-programersku. 1996. godine završio je Višu ekonomsku školu u Bihaću, te nakon toga upisuje Ekonomski fakultet u Tuzli gdje je diplomirao 1999. godine i stekao zvanje diplomirani ekonomista.

1999. godine počeo je raditi u privatnom sektoru kao direktor firme "FIN – COM" d.o.o. Cazin. Krajem 1999. godine pripravnički staž odrađuje u Kantonalnom poreznom uredu Bihać.

U periodu 2000.-2003. obavljao poslove Federalnog poreznog inspektora i kraći period šefa porezne ispostave Bužim u Kantonalnom poreznom uredu Bihać.

2003. godine imenovan je za Federalnog poreznog inspektora u Središnjem uredu Porezne uprave F BiH Sarajevo – Sektor za obavještajno istražne poslove – odjeljenje Bihać gdje je ostao do 2012. godine.

Od 2012. do 2014. obavlja funkciju direktora JU "Kantonalni fond za pomoć u stambenom zbrinjavanju i zapošljavanju boračkih populacija, prognanih osoba i socijalno ugroženih kategorija" Bihać.

U 2015. godini obavlja funkciju ministra finansija u Vladi USK-a. do sredine 2016. godine. Tokom rada u Poreznoj upravi F BiH pohađao više specijalističkih obuka iz oblasti javnih finansija međunarodnih organizacija (CAFAO, USAID i dr.).

2003. završio školovanje i stekao certifikat za samostalnog računovođu. Sretno oženjen suprugom Irmom i otac kćerke Iman.

OPĆINSKI NAČELNIK ZIKRIJA DURAKOVIĆ NA SASTANKU SA AMBASADOROM EVROPSKE UNIJE U BIH



01. februar 2017.

Na poziv ambasadora Evropske unije u Bosni i Hercegovini Larsa-Gunnara Wigemarka u Sarajevu je jučer održan sastanak nezavisnih načelnika bosanskohercegovačkih općina i lokalnih zajednica kojem je prisustvovao i općinski načelnik Općine Bužim Zikrija Duraković. Sastanak je održan u rezidenciji Evropske unije u Sarajevu, a razgovaralo se o lokalnoj samoupravi,

mogućnosti razvoja i sistemskog uređenja lokalne samouprave u skladu sa Evropskom poveljom o lokalnoj samoupravi, aktuelnoj političkoj situaciji u Bosni i Hercegovini i reformskoj agendi. Wigemark iskazao je podršku nezavisnim načelnicima/gradonačelnicima iz FBiH.

“Danas smo prisustvovali veoma važnom sastanku na kojem smo otvoreno razgovarali o pitanjima o kojima do sada nismo imali priliku govoriti. Mi smo opredijeljeni za europski put Bosne i Hercegovine i svakako da ćemo dati svoj maksimum u onome što bude u našoj

moći da to i ubrzamo, jer u zadnje vrijeme smo dobili dosta upitnika koje smo morali popuniti i poslati prema određenim institucijama a sve u cilju ispunjavanja uvjeta i odgovora na pitanja koje traži EU od Bosne i Hercegovine. Svjesni smo da je proces pristupanja EU ne samo prilika za BiH nego i za naše lokalne zajednice” kazao je načelnik Zikrija Duraković.

U OPĆINI BUŽIM GRADIĆE SE 13 NOVIH PUTNIH PRAVACA



09. februar 2017.

Usali Općine Bužim su u prisustvu predsjednika građevinskih odbora, predstavnika izvođača radova, predsjednika klubova u Općinskom vijeću Općine Bužim i predsjedavajućeg Općinskog vijeća potpisani ugovori za izvođenje radova na rekonstrukciji i modernizaciji ulica i nekategorisanih puteva na području Općine Bužim. Riječ je o ukupno 13 putnih pravaca u ukupnoj dužini preko 3.200 metara, a ugovore su potpisali načelnik Općine Bužim Zikrija Duraković, predstavnik

izvođača radova “Kov-grad” doo Bužim, predstavnik izvođača radova “Hodurnik” doo Cazin i predsjednici građevinskih odbora za izgradnju puteva.

Većina sredstava, oko 300 hiljada konvertibilnih maraka su planirana odlukom Općinskog vijeća u budžetu Općine Bužim, dok su na određenim putnim pravcima učestvovali i mještani sa dijelom sredstava u ukupnom iznosu oko 38 hiljada konvertibilnih maraka. Radovi bi trebali početi kada se ispune svi potrebni uslovi za to i svakako kada počne sezona da se radovi nesmetano mogu izvoditi.

“Evo danas smo nakon okončanih procedura u postupku javnih nabavki za rekonstrukciju i modernizaciju putnih pravaca na području Općine Bužim izvršili potpisivanje konkretnih ugovora sa izvođačima radova na pojedinim dionicama, kao i sa građevinskim odborima građana koji

na određenim pravicima učestvuju sa svojim dijelom sredstava. Slijedi nam konkretna realizacija, odnosno uvođenje izvođača radova čim to vremenski uslovi dozvole na zadovoljstvo sviju nas” kazao je načelnik Zikrija Duraković.

KONKRETAN POTEZ: POTPISAN SPORAZUM O ZAJEDNIČKOM CENTRU ZA UPRAVLJANJE OTPADOM



09. februar 2017.

Načelnici općina Bosanska Krupa, Cazin i Bužim, te direktori javnih komunalnih preduzeća iz ovih općina potpisali su sporazum o uspostavljanju zajedničkog centra ili preduzeća za održivo upravljanje otpadom. U sklopu je to međuopćinskog projekta podržanog od strane Švicarske agencije za razvoj (SDC) i Razvojnog programa ujedinjenih nacija (UNDP). Prva faza projekta koja se završava polovinom ovog mjeseca podrazumijeva izradu investiciono-tehničke i okolinske dokumentacije za sanaciju i postepeno zatvaranje deponije Meždre-Vlaški Do, uređenje platoa za nabavku i montažu cestovne mostne vage, te potpisivanje sporazuma koji znači uspostavu i funkcionisanje zajedničkog centra.

U prvoj fazi centar će biti finansiran srazmjerno vlasničkoj strukturi putem uloženi sredstava osnivača i iz prihoda centra ostvarenih po osnovu odobrenih novčanih sredstava, grantova i donatora. Nakon investicijske faze centar će se finansirati također iz donatorskih sredstava i grantova, ali i iz prihoda naplaćenih pružanjem usluga.

“Već postojeća deponija služi sve tri općine i nju ćemo u skladu sa našim današnjim sporazumom profesionalizirati i dovesti u funkciju reciklažnog dvorišta. Vidjeli smo prezentaciju završenih aktivnosti u pripremljenoj fazi samog pro-

jekta. Danas smo potpisali sporazum kojim je predviđeno formiranje zajedničkog centra gdje bi naša komunalna preduzeća bili osnivači. U narednim fazama slijede saglasnosti na sporazume, osnivačke akte, te iznalaženje donatorskih i naših sredstava za finalizaciju projekta“, ističe načelnik Duraković.

Postojeća javna komunalna preduzeća otpad trenutno samo voze na deponiju. Zajednički centar će imati pretovarnu i reciklažnu stanicu, dakle bit će u mogućnosti izdvajati i iskorištavati, odnosno unovčavati otpad, a samo onaj potpuno beskoristan voziti na drugu deponiju.

Godišnja količina otpada u Cazinu je 15.978,76 m³, u Bosanskoj Krupi 7.204,20 m³, a u Bužimu 3.571,44 m³. Dovoljan je to razlog da ove tri općine krenu u zajedničko rješavanje problema odlaganja i tretiranja otpada, odnosno da prestanu čekati izgradnju regionalne deponije o čemu se priča više od desetljeća.

Prva faza projekta „Održivo upravljanje otpadom“ koja se završava potpisivanjem sporazuma o formiranju zajedničkog centra vrijedna je 159.600 KM. Finansirana je od strane SDC-a i UNDP-a (78.450 KM) i općina: Bosanska Krupa (34.377 KM), Cazin (34.377 KM) i Bužim (9.696 KM).

NAJMLAĐI BUŽIMLJANI POSJETILI OPĆINU BUŽIM

20. februar 2017.

Povodom obilježavanja Dana općine Bužim Jedinstveni općinski organ uprave posjetili su najmlađi sugrađani naše općine, djeca iz JU „Dječiji vrtić“ Bužim koji su kroz osmjeh učinili svim uposlenicima dan vedrijim i veselijim. Mališani su ovom prilikom Općinskom načelniku uručili poklone koje su pripremali za ovaj dan, ali i recitovali pjesmu koju su pripremili, te se na taj način zahvalili na pomoći koju Općina pruža ovoj ustanovi.



”Ovo je najljepši način na koji se može otpočeti obilježavanje Dana Općine Bužim. Vedra i nasmijana lica uz vašu recitaciju pjesme koju ste nam pripremili unijela su nam duh vedrine i dobrog raspoloženja. Zahvaljujemo se na vašem dolasku i poklonima koje ste nam pripremili, a da vam ovaj dan ostane u lijepom sjećanju i mi smo za vas pripremili skromne poklone”, rekao je načelnik Duraković.



NAČELNIK DURAKOVIĆ ODRŽAO RADNI SASTANAK SA RUKOVODSTVOM ASK “OTPIŠANI”

07. mart 2017.

Općinski načelnik Zikrija Duraković održao je radni sastanak sa rukovodstvom kluba ASK “Otpisani”. Predsjednik ASK “Otpisani”, Fuad Duraković prezentirao je rad udruženja, kao i najznačajnije dosadašnje aktivnosti koje su imali od osnivanja, sa posebnim osvrtom na Međunarodni 24h susret koji će se po drugi put organizirati u Općini Bužim, tačnije na lokaciji Brdarevac, a koji se jedini kao takav organizira u cijeloj Bosni i Hercegovini.

Naime, ovogodišnji 24h susret će biti drugi u organizaciji ASK “Otpisani” i četvrti Međunarodni susret koji je organizirao ovaj klub. Kao i do sada očekuje se velik broj airsoftera iz Slovenije, Hrvatske, Srbije i cijele Bosne i Hercegovine. Općinski načelnik Duraković zahvalio se na dolasku i načinu na koji ovaj klub predstavlja našu Općinu kako širom Bosne i Hercegovine tako i izvan njenih granica. Načelnik je dao punu podršku u radu i prezentiranim aktivnostima za naredni period.



Od samog početka osnivanja airsoft klub u Bužimu imao je podršku Općine Bužim koja će se nastaviti i u narednom periodu na obostrano zadovoljstvo zaključeno je na kraju sastanka.


“Općina Bužim i općinski načelnik će i ove godine biti generalni sponzor ovog susreta jer je ovo dobar primjer kako se predstavlja lokalna zajednica, svoj grad i kako se privlače ljudi i turisti u našu Općinu. Podržat ćemo svaki projekat koji je zdrav i koji ima svoju perspektivu u budućnosti”, kazao je načelnik Duraković.



AUTOSERVIS "TOPAL"

Odmah po osnivanju autoservisa Topal vlasnik je imao strateški cilj a to je bio da se visokim nivom usluge i korektnim odnosom prema klijentima na najbolji mogući način prezentira tržište, a ozbiljan pristup poslu mu je omogućio da bude prepoznat od strane tog istog tržišta. Tako da autoservis Topal ima zaista velik broj klijenata koji su mu ukazali svoje povjerenje. Pošten rad, korektne cijene kao već pomenuti visok nivo usluge omogućili su servisu da bude respektovan među privrednicima u cijeloj regiji.

Servis se bavi popravkom svih vrsta motornih vozila a u ponudi ima veliki izbor guma i feluga za ista. Prioritet poslovanja autoservisa je zadovoljan kupac, a dosljednost u poslu tačnost i odgovornost su odlike poslovanja. Autoservis topal se nalazi sa lijeve strane magistralanog puta Bužim- Velika Kladuša to jest tačno na granici ove dvije općine. Zbog visokoko propisanih standard poslovanja kao i maksimalne posvećenosti poslu autoservis topal će još dugo godina biti u društvu sa najpriznatijim privrednicima regije i ostaće visokopozicioniran u svojoj branši.



RADNO VRIJEME: Ponedjeljak - Četvrtaka od 08h - 18h
Subota i Nedjelja od 08h - 17h
PETAK, BAJRAMSKI I DRŽAVNI PRAZNICI NERADNI!

PREDSTAVNICI UDRUŽENJA MLADIH BUŽIM KOD NAČELNIKA DURAKOVIĆA

09. mart 2017.


Općinski načelnik Zikrija Duraković u svome kabinetu ugostio je i održao sastanak sa predstavnicima Udruženja mladih Bužim. Tema i povod održanog sastanka bila je inicijativa i projekt uređenja ekološkog parka "Borik" koji planiraju realizirati u narednom periodu. Pored ovog projekta i redovnih aktivnosti koje UMB provodi u Slobodarskim danima i Danima općine Bužim prezentirani su i drugi projekti koje mladi Bužima imaju u planu u narednom periodu realizirati.

Nakon održanog sastanka Općinski načelnik zajedno sa saradnicima i predstavnicima UMB obišli su prostor planiran za realizaciju projekta ekološki park "Borik" gdje je dogovorena dinamika i način uređenja. Projekat uređenja parka

financijski je podržao Institut za razvoj mladih KULT Sarajevo i Općina Bužim. Koordinator na projektu ispred UMB je Jasmina Krupić. Već u narednim danima članovi UMB će početi sa radovima na uređenju parka, što je za svaku pohvalu.



PRIJEM ZA MEDINA ŠABIĆA I PREDSTAVNIKE ŠAHOVSKOG KLUBA "BUŽIM"



21. mart 2017.

U prostorijama Općine Bužim općinski načelnik Zikrija Duraković upriličio je prijem za Medina Šabića, mladog šahistu koji je do sada bio najbolji u svojoj konkurenciji na svim takmičenjima na kojima je nastupao. Pored njega prijemu su prisustvovali i Hazim Mehić, predsjednik ŠK "Bužim", Zlatan Topić, rukovodilac šahovske sekcije u MSS "Bužim", i Semir Odošević, trener i čovjek koji je otkrio Medinov talenat. Tema razgovora na ovom prijemu bio je put do uspjeha kojim je išao Medin Šabić, ali je bilo govora i o aktivnostima šahovske sekcije u MSS "Bužim", mogućnosti saradnje između šahovskog kluba i sekcije te načinu i mogućnostima promovisanja šaha među mlađim generacija.


"Kada smo vidjeli da kod Medina postoji talenat za šah i kada je počeo da ostvaruje zapažene rezultate na svim takmičenjima na kojima je bio, da ima želju za napretkom, kada je osvojio visoko drugo mjesto u skupini kadeta do 20 godina na XXII kadetskom i juniorskom prvenstvu Federacije Bosne i Hercegovine, održanom u Kulen Vakufu,

gdje je učešće uzelo 54 igrača iz četrnaest klubova Federacije Bosne i Hercegovine, angažovali smo trenera Zorana Runića da ga pripremi za takmičenje", kazao je predsjednik ŠK "Bužim" Hazim Mehić.

Šabić je do sada nastupao na Međunarodnim šahovskim turnirima u Hrvatskoj gdje je također ostvario zapažene rezultate. "Do sada sam nastupao na više međunarodnih turnira kako bi stekao što bolja iskustva i kako bih napredovao jer želim da se usavršavam u šahu i to je ono što volim i što me ispunjava a sve kako bih postao majstor u šahu", kazao je Medin.

"Drago mi je da kod nas u Bužimu postoje talenti iz svih sportskih disciplina kojima treba dati podršku da bi ostvarili što bolje rezultate. Svim talentima i onima koji predstavljaju našu Općinu u najboljem svjetlu nastojim dati punu podršku u skladu sa svojim mogućnostima, ne preferirajući bilo koga više od drugog, a tako ćemo i sada dati punu podršku Šahovskom klubu "Bužim" i Medinu", kazao je načelnik Duraković.

DIREKTORI ODGOJNO-OBRAZOVNIH USTANOVA NA SASTANKU KOD OPĆINSKOG NAČELNIKA



30. mart 2017.

Općinski načelnik Zikrija Duraković održao je sastanak sa direktorima odgojno-obrazovnih ustanova sa područja Općine Bužim. Sastanku su prisustvovali direktori: Mehmed Talić MSŠ “Bužim“, Jasmira Mehić OŠ “Bužim“, Hasan Dedić OŠ “Konjodor“ i Razija Bakija OŠ “Čavnik“. Na sastanku je bilo govora o uspostavljanju još bolje i uspješnije saradnje između lokalne zajed-

nice i obrazovnih ustanova, načinu realizacije granta za obrazovanje iz budžeta Općine Bužim za ovu godinu, ali i upoznavanju sa problematikom sa kojom se svakodnevno susreću prosvjetni radnici. Ovom prilikom načelnik Duraković se zahvalio direktorima na suradnji i informacijama o stanju u školama, te obećao svoju podršku u okviru svojih mogućnosti.

NAČELNIK DURAKOVIĆ UČESNIK DRUGOG BOSNA INTERNATIONAL FORUMA



11. april 2017.

U Sarajevu je od 7. do 9. aprila održan Bosna International Forum koji je okupio stručne, mlade ljude koji imaju znanja, kompanije, dijasporu, predstavnike lokalnih zajednica gdje je učešće uzeo i općinski načelnik Zikrija Duraković. Svečana ceremonija otvaranja Bosna International Forum (BIF) je održana u petek, u hotelu Malak Regency, gdje se gostima između ostalih obratio bivši reis-ul-ulema dr. Mustafa Cerić, općinski načelnik Zikrija Duraković kao i gradonačelnici općina Cazin, Novi Grad

Sarajevo koji su ujedno i partneri foruma. Ceremoniju je otvorio gđin. Goran Milić, počasni gost foruma, Admir Kapo, predsjednik udruženja ‘Kupujmo domaće’, Ahmed Amir, savjetnik za međudržavne odnose iz Londona.

“Svjesni smo značaja otvaranja ureda za dijasporu u Općini Bužim i zato činimo sve da kvalitetno i na najbolji način povežemo sve Bužimljane koji žive van BiH sa Općinom Bužim, a otvaranje ureda svakako bi taj kvalitet učinilo još boljim”, kazao je općinski načelnik Zikrija Duraković.

BH dijaspora u saradnji sa načelnicima općina i državnim agencijama su zajednički postigli nekoliko bitnih zaključaka i sporazuma. Jedan od glavnih zaključaka je potreba za kreiranjem i otvaranjem ureda za dijasporu pri lokalnim nivoima vlasti koji će biti na raspolaganju BH dijaspori za sve potrebe i interese. Drugi zaključak se odnosi na pokretanje zajedničkih projekata od strane stručnih lica u saradnji sa lokalnim zajednicama koji će se prije svega stavljeti na raspolaganje BH dijaspori i stranim investitorima. Investitori u projekte će imati direktnu korist i mogućnost upravljanja realizacijom projekata, dok će se istim povodom kreirati i umnožavati radna mjesta.

Bosna International Forum predstavlja spoj znanja, iskustva, vizije i uspjeha koji postaje centralno mjesto susreta BH dijaspore sa lokanim stručnim i uspješnim licima koji su ostvarili značajan uspjeh u BiH, te potiče ministarstva i organizacije na pozitivne promjene u korist BH privrede. Podsjećanja radi, prvi Bosna International Forum održan u austrijskom gradu Lincu kojeg je otvorio gradonačelnik Linca Klaus Luger, a na inicijativnom skupu koji se održao u Lincu u oktobru 2015. godine okupilo se 120 učesnika, uspješnih bosanskohercegovačkih građana različitih struka i sektora iz šest zemalja Evrope.

NAČELNIK DURAKOVIĆ UGOSTIO PREDSTAVNIKE UDRUŽENJA ŠEĆERAŠA BUŽIM



11. april 2017.

Općinski načelnik u sali općine održao radni sastanak sa predstavnicima Uruženja šećeraša Bužim. Na samom početku predsjednik udruženja Salkić je upoznao općinskog načelnika o aktivnostima koje će udruženje provoditi u toku godine, te ukazao na probleme i nedostatke koje je neophodno otkloniti da bi ovo udruženje još lakše i bolje funkcionisalo. Pored toga ukazano je na problem prostorija koje je potrebno adaptirati te uraditi sanitarni čvor.

“Danas smo otvorili mnogo tema o kojima smo razgovarali, ali smo na kraju usaglasili da je prioritet izgradnja sanitarnog čvora u prostorijama udruženja, i u narednom periodu ćemo pokušati riješiti ovaj problem, jer je više preduslova poput samog projekta zgrade i drugih a koji utiču na realizaciju istog. Pored toga pokušat ćemo izvršiti nabavku potrebnog aparata za mjerenje inzulina za što nisu potrebna ogromna sredstva a pomoglo bi našim sugrađanima, s toga ćemo u narednom periodu uraditi sve da obezbijedimo i iznađemo potrebna sredstva da nabavimo ovaj aparat”, kazao je načelnik Duraković.

PRIJEM ZA UMJETNICU HALIDU EMRIĆ



12. april 2017.

Nakon što je u Sarajevu dobila prestižnu nagradu “Collegium Artisticum 2017.” za keramiku umjetnica sa podrška Općine Bužim Halida Emrić, općinski načelnik upriličio je prijem. Prijemu su prisustvovali direktor JU “Centar za kulturu, sport i informisanje“ Mersudin Nanić, te Sead Emrić, Halidin suprug i jedan od učesnika navedene izložbe. Ona je ovu značajnu nagradu dobila za svoju unikatnu autorsku kolekciju pod nazivom “UNA IZ MOG SNA”.

“Sva naša udruženja i pojedinci koji gajite svoj specifični duh koji odražava našu sredinu zaslužujete našu pažnju i podršku. Prepoznatljivi smo po tome i moja uloga je da pomognem svima onima koji rade ovakve i slične stvari za našu Općinu. Moja podrška nije i neće biti upitna, zadovoljstvo mi je kada mogu pomoći a posebno kada se radi o nekom ko osvaja prestižna priznanja i nagrade. Svjestan činjenice da je teško doći do ovakvih prestižnih priznanja posebno kada dolazite iz manjih sredina, ova nagrada zavrijeđuje još veću pažnju i zato još jednom upućujem iskrene čestitke umjetnici Halidi Emrić” kazao je načelnik Duraković.



Žiri u sastavu Slobodana Samardžića Sama, Ognjenke Finčić i Nedima Mutevelića odabrao je Halidinu kolekciju sa setom tanjura sa šoljicom i zdjelama. Kolekcija je urađena precizno i kvalitetno, a govori o autoričinom izuzetnom poznavanju zanatske strane medija u kome realizira svoje artistske ideje. "Izražavam riječi zahvalnosti općinskom načelniku na ovom prijemu, ali i svakoj drugoj vrsti podrške koja je bila primjećena i korisna u ovom kratkom vremenu od kako je preuzeo dužnost. Moje radove načelnik koristi kao zvanične protokolarne darove i brine se da

mi umjetnici budemo prisutni na svim izložbama ovakvog nivoa i značaja. U tom smislu podrška općine u partnerstvu sa nama umjetnicima će u budućnosti promovirati pozitivan imidž Bužima u domovini i svijetu", navela je umjetnica Emrić. Godišnja šestoaprilska izložba "Collegium artisticum" održava se od 1975. godine i posjeduje karakter kolektivnosti kao vrijednost koju treba njegovati, u ime datuma kojem je posvećena i u ime sjećanja na bh. avangardu koju je predstavljala umjetnička grupa "Collegium artisticum".

Ovogodišnja šestoaprilska izložba Collegium Artisticuma 2017. predstavlja, između ostalog, i fragmentarno stanje umjetnosti u Bosni i Hercegovini, odnosno međusobnu uvjetovanost različitih oblika prezentacije i izražaja. To je prilika da tri umjetnička udruženja Bosne i Hercegovine – Udruženje likovnih umjetnika primijenjenih umjetnosti i dizajnera (ULUPUBIH), Asocijacija arhitekata (AABIH) i Udruženje likovnih umjetnika (ULUBIH) – zajednički organiziraju izložbu kreirajući platformu za prezentaciju djela svojih članova.

RUKOVODSTVO I IGRAČI OK "BUŽIM" NA PRIJEMU KOD OPĆINSKOG NAČELNIKA



25. april 2017.

Općinski načelnik Zikrija Duraković upriličio je prijem za rukovodstvo i igrače OK "Bužim" koji su ovogodišnji domaćini završnog Federalnog turnira za kadete. Naime, kadeti OK „Bužima“ su se plasirali među četiri najbolje ekipe u FBiH i samim tim dobili priliku da se kandiduju za domaćinstvo. Kako u Bužimu još traje izgradnja dvorane a fiskulturna sala OŠ "Bužim" ne zadovoljava standarde, turnir će se igrati u sportskoj dvorani u Cazinu.

"Moj odnos prema svima koji su uspješni i koji našu Općinu predstavljaju u najboljem svijetlu je jednak, i uvijek ćemo dati svoj maksimum i podršku u okviru svojih mogućnosti. Želim vam puno sreće i uspjeha da budete domaćini za poželjeti, onako kako mi to Bužimljani znamo biti, bez obzira što zbog tehničkih razloga nećete biti u svojoj Općini. Iskreno se nadam i učiniti ćemo sve da svima vama obezbijedimo uvjete dostojne za rad, a završetak naše dvorane bi to sigurno omogućio" kazao je načelnik Duraković.

Turnir će se održati 6. i 7. maja, a učesnici turnira pored OK Bužima su ekipe OK "Kakanj 78", HOK "Domaljevac" i OK "Olovo". "Ove godine obilježili smo deset godina postojanja i nakon svih odigranih i organiziranih turnira, završnica u kojima smo učestvovali, osjetili smo da možemo biti organizatori završnice Federalnog takmičenja. Odlučili smo se ove godine prihvatiti ovaj izazov jer imamo kvalitetnu ekipu od koje očekujemo zapažen rezultat. Ostaje žal što nismo u svojoj Općini domaćini ali se iskreno nadam da će ako Bog da od iduće godina biti prilika da i to doživimo" kazao je Aladin Ičanović predsjednik OK Bužim. "Po prvi put smo domaćini organizacije završnice Federalnog prvenstva što je velika čast ali i odgovornost za nas kao klub, jer želimo ostaviti dobar dojam kao domaćini ali i ostvariti što bolji rezultat. Ekipa je spremna i naporno radimo da ostvarimo naš cilj" kazao je Sulejman Mulalić trener u OK Bužim. Pored kadeta OK Bužima i pioniri OK Bužima su se plasirali na završni turnir među četiri najbolje ekipe u FBiH, oni svoj turnir igraju idući vikend u Brčkom.

UČENICA OŠ “KONJODOR“ MERIMA PAJALIĆ NA PRIJEMU KOD OPĆINSKOG NAČELNIKA



18. maj 2017.

Načelnik Duraković u svome kabinetu upriličio je prijem za Merimu Pajalić učenicu OŠ “Konjodor” i direktora Hasana Dedića povodom proglašenja Merime učenicom Kantonalne smotre znanja i stvaralaštva 2017. Učenica OŠ “Konjodor” zahvaljujući ostvarenim rezultatima na školskom, općinskom i kantonalnom takmičenju proglašena je učenicom smotre za 2017. godinu. Ona je predhodno osvojila sedam prvih mjesta na Školskom takmičenju iz fizike, vjeronauke, hemije, njemačkog,

matematike, geografije, historije, dok je na općinskom takmičenju osvojila četiri prva i dva druga mjesta, da bi nakon toga učestvovala na Kantonalnom takmičenju gdje je najviše uspjeha ostvarila iz Fizike gdje je osvojila prvo mjesto i drugo mjesto iz Hemije. Ona je predstavljala USK na Federalnom takmičenju koje je održano u Sarajevu.

“Drago mi je da je općinski načelnik upriličio ovaj prijem i da nam je iskazao svoju podršku kako školi tako i našim učenicima. Svjesni da Općina Bužim dodjeljuje stipendije za studente, danas smo razgovarali da se pokušaju iznaći sredstva i način da se obezbijede stipendije učenicima koji ostvaruju ovakve i slične rezultate, a posebno za one koji su među najboljima a slabijeg su materijalnog stanja“ kazao je direktor Dedić.

“Ovo je veliki uspjeh ne samo za Merimu i OŠ “Konjodor” nego i za sve nas, jer je ovo najbolji način predstavljanja svoje sredine. Znanje je ključ za uspjeh i zato ćemo mi pokušati u narednom periodu iznaći način i modus kako da pomognemo našim učenicima“ kazao je načelnik Duraković.

BUŽIMSKI NAČELNIK NA PRIJEMU KOD SLOVENSKEG MUFTIJE



24. maj 2017.

Slovenski muftija prof. dr. Nedžad Grabus u svom uredu, primio je delegaciju Općine Bužim koju je predvodio bužimski načelnik Zikrija Duraković. Na prijemu je bilo govora o radu Islamske zajednice u Sloveniji i o tekućim pitanjima, te o mogućnostima saradnje između dvije institucije.

Načelnik i ostali gosti posjetili su gradilište Islamskog kulturnog centra i upoznali se sa projektom izgradnje. Nakon toga delegacija je uveličala “Predramazanski koncert” koji su izveli članovi hora “Gazija” a u organizaciji Kulturno-obrazovnog zavoda Averroes, koji djeluje u okviru Islamske zajednice u Sloveniji.

DELEGACIJA IZ TURSKOG GRADA KAHRAMANMARAŞ U POSJETI OPĆINI BUŽIM



23. juni 2017.

Načelnik Duraković u sali Općine upriličio prijem za predstavnike grada Kahramanmaraş iz R. Turske koji su jučer boravili u posjeti našoj Općini. Bila je to prilika da se razmjenu mišljenja u vezi sa funkcionisanjem općinskog organa uprave, ali i da se otvore razgovori o mogućoj saradnji kako ove dvije općine tako i u privrednom sektoru. Tursku delegaciju je predvodio gradonačelnik grada Kahramanmaraş Fatih Mehmed Erkoç, a pored njega prisutni su bili i Imran Kilič, zastupnik u



Parlamentu Republike Turske, te profesor Osman Nalbant. Prijemu su prisustvovali i Jasmin Emrić, zastupnik Predstavničkog doma PS BiH, predsjedavajući Općinskog vijeća Safet Ljubijankić, Federalni zastupnik Mirsad Topčagić, zastupnik u Skupštini USK-a Samir Abazović. Nakon prijema zvaničnici su obišli znamenitosti općine Bužim, a iftarsko vrijeme su proveli u MZ Čava gdje je pod pokroviteljstvom općine Kahramanmaraş u suradnji sa Općinom Bužim održan već tradicionalni džematski iftar.

OPĆINSKI NAČELNIK UPRILOŽIO PRIJEM ZA UČENIKE GENERACIJE



03. juli 2017.

U kabinetu Općine Bužim općinski načelnik Zikrija Duraković upriložio je prijem za učenike generacije osnovnih i srednjih škola sa područja Općine Bužim. Prijemu su prisustvovali pored najboljih proglašanih učenika i njihovi roditelji. Ovogodišnji učenici generacija su Veladžić Hana MSŠ “Bužim” (četverogodišnja škola), Almina Kišmetović MSŠ “Bužim”, (trogodišnja škola), Kerim Veladžić OŠ “Bužim”, Merima Pajalić OŠ “Konjodor” i Neira Durić OŠ “Čavnik” Čava. “Koristim priliku da uputim iskrene čestitke ponosnim roditeljima i svima vama koji ste ove godine ponijeli titulu najboljih u svojim školama. Nadam se i ubijeđen sam da ćete i u svom daljem školovanju biti primjer kako se najbolje predstavlja svoja općina i mjesto iz kojeg dolazite, da će vam stečena znanja pomoći da nastavite nizati uspjehe i da budete najbolji ma gdje nastavili svoje školovanje. Mi ćemo danas simbolično uručiti jednokratne novčane nagrade kao

stimulans za dalje. Kako Općina Bužim samo dodjeljuje stipendije studentima, mi ćemo u narednom periodu izmijeniti i Pravilnik o stipendiranju kako bi pored studenata to pravo ostvarivali i učenici generacije osnovnih škola u toku srednjoškolskog školovanje”, kazao je načelnik Zikrija Duraković.



NAJBOLJI SENIORSKI KICKBOXER BIH EDIN VUČELJ NA PRIJEMU KOD NAČELNIKA OPĆINE BUŽIM



25. juli 2017.

U prostorijama Općine Bužim općinski načelnik Zikrija Duraković ugostio i razgovarao sa najboljim seniorskim kickboxerom Bosne i Hercegovine za proteklu godinu, Bužimljanom Vučelj Edinom, dvostrukim osvajačem svjetskog kupa i osvajačem trećeg mjesta na Evropskom prvenstvu WAKO kickboxinga prošle godine. Razlog ovog prijema bio je upoznavanje načelnika Općine sa radom i djelovanjem, te uspjesima Bužimljana i njegovim planovima u budućnosti. Kako je rekao, Edin se oporavio nakon povrede koju je zadobio na proteklom takmičenju kada je osvojio svoj drugi svjetski kup u Budimpešti, te se već neko vrijeme priprema za Svjetsko prvenstvo koje će se održati početkom novembra također u mađarskoj prijestolnici. Edinova želja je da osvoji prvo mjesto na tom takmičenju kako bi na slijedećem Svjetskom prvenstvu koje se održava u Sarajevu 2019. godine branio titulu u glavnom gradu svoje domovine.

Međutim, to ništa neće biti moguće ako ne dobije podršku koju, kako je rekao, prije svega očekuje od svoje Općine i lokalne zajednice jer same pripreme za tako veliko takmičenje mnogo koštaju kao i sami odlazak i učešće.

Edin je član fight cluba „Gepard“ iz Slovenije sa kojima nastupa na svjetskim kupovima širom svijeta i reprezentativac kickboxing Saveza Bosne i Hercegovine s čijom zastavom nastupa na Evropskim i Svjetskim prvenstvima, otkad se ustvari i takmiči u WAKO kickboxingu. Načelnik Općine Bužim Zikrija Duraković, čestitao je Edinu na uspjesima i zahvalio mu se što svojim nastupima i svojim zapaženim rezultatima predstavlja Općinu Bužim, te što je veliki ambasador općine ali i cijele Bosne i Hercegovine u svijetu sporta i kickboxinga.



TRGOZAD

Bogatstvo naše tradicije!

U vremenu planske ekonomije, nakon Drugog svjetskog rata, važan oblik poljoprivredne proizvodnje bile su seljačke radne zadruge. Zadruge su osnivane u cilju proširenja i unapređenja poljoprivredne proizvodnje, obrađivanja što većih površina zemljišta, otkupa poljoprivrednih proizvoda i uključivanje što većeg broja ljudi u poljoprivredu kroz kooperativne odnose. I u Bužimu je osnovano nekoliko zemljoradničkih zadruga od kojih je danas aktivna samo opća zemljoradnička zadruga „Trgozad“ koja nikada nije prestajala sa radom.

Aktivnosti zemljoradničke zadruge od osnivanja

Zadruga je okupljala veliki broj kooperanata od kojih je vršila otkup pšenice, povrća, jagodičastog voća, duhana, orahovih i kestenovih klada, ljekovitog bilja, kestena, vrganja i drugih poljoprivrednih proizvoda. Danas je opća zemljoradnička zadruga „Trgozad“ uspješan i mlad kolektiv pun novih ideja i aktivnosti u cilju proširivanja svoje osnovne djelatnosti i podizanja poljoprivredne proizvodnje na još viši nivo. U svom vlasništvu posjeduju nekoliko maloprodajnih objekata i benzinsku pumpu.

Zemljoradnička zadruga u Bužimu je osnovana 1947. godine i jedna je od prvih nosioca privrednog razvoja na ovim prostorima. Od svog postojanja pa do kraja rata 1995. godine poslovala je pod imenom „Bratstvo“ kada mijenja ime u Opća zemljoradnička zadruga „Trgozad“ Bužim. U svom dugogodišnjem postojanju zadruga je prošla kroz različite privredne i tranzicijske periode. Tako je u početku bazirala svoje poslovanja na poljoprivrednoj proizvodnji i trgovini. U poslijeratnom periodu uslijed teške ekonomske situacije i sve jače konkurencije svoje je poslovanje usmjerila na trgovinu.

Danas posjeduju nekoliko maloprodajnih objekata i benzinsku pumpu, te preko 100 hektara zemljišta.

U zadnjih par godina zadruga je pokrenula niz aktivnosti na ponovnom oživljavanju poljoprivredne proizvodnje i kooperantskih odnosa. Od zemlje koja je u posjedu Zadruge veći dio otpada na zemlju koja nije pogodna za mašinsku obradu, uglavnom su to pašnjaci.



Ono što je bitno napomenuti, a čim se zadruga u svom postojanju nije bavila jeste pčelarenje. Prije nekoliko godina zemljoradnička zadruga krenula je i sa idejom pčelarenja. U tom smislu potpisan je Memorandum o saradnji sa Mješovitom školom i Udruženjem „Propolis“ iz Bužima. Ta saradnja se odnosi, prije svega, na zaštitu i promociju kestenove šume i meda od kestena, promovisanje zdrave proizvodnje na ovom jedinstvenom geografskom području, edukacija učenika, pčelara i svih zainteresiranih, a posebno brendiranje pčelinjih proizvoda.

U svoj toj priči pokrenut je jedan mali ogledni pčelinjak sa dvadesetak košnica koje se nalazi na Popovića brdu, u netaknutoj prirodi. Obzirom da je ovo tek početak u budućnosti će nastojati da na ovoj lokaciji podignu ozbiljan pčelinjak kao i da sve pokrenute aktivnosti koje trenutno vodi Zadruga realizuju.

Općina Bužim raspolaže sa oko 7800 hektara poljoprivrednih površina, a oko 82% zemljišta je u privatnom vlasništvu. Opća zemljoradnička zadruga „Trgozad“ posjeduje oko 100 hektara zemljišta koje godinama nije obrađivano. I pored veoma teške ekonomske situacije i sveukupnog stanja u društvu ovaj najstariji privredni kolektiv na prostoru općine Bužim je optimističan i uvjeren da predanim radom, voljom i upornošću svih uposlenika mogu realizirati sve svoje ideje.

Posjetite ovaj najstariji privredni kolektiv u ulici Generala Izeta Nanića na broju 35 i uvjerite se zašto je baš on vaš pravi izbor.



Kontakt telefoni: +387 37 410-043

RADNO VRIJEME: Ponedjeljak - Subota od 08h do 16h

NEDJELJA I DRŽAVNI PRAZNICI NERADNI

PROMOVISANA KNJIGA “HRONOLOGIJA BORBE ZA OPSTANAK U BIHAČKOJ KRAJINI”



19. februar 2017.

U prepunoj Maloj sali JU “Centar za kulturu, sport i informisanje” Bužim promovisana knjiga “Hronologija borbe za opstanak u bihačkoj krajini”, autora Smaila Kličića, a organizatori ovog kulturnog sadržaja koji je obogatio obilježavanje Dane Općine Bužim bili su JU “Centar za kulturu, sport i informisanje” i BZK “Preporod” Bužim. Moderator večerašnje promocije Sead Emrić na samom početku uputio je pozdravnu riječ prisutnima i pozvao direktora Centra za kulturu, sport i informisanje da se u svojstvu domaćina i ispred Organizacionog odbora za obilježavanje Dana Općine Bužim obrati prisutnima. “Čast i zadovoljstvo mi je da mogu izraziti dobrodošlicu svima vama koji ste noćas došli da uveličate ovaj kulturni sadržaj, a posebno našim gostima načelnicima Općine Stari Grad Sarajevo, Kalesija i Općine Visoko koji su došli kako bi uveličali našu radost obilježavanja Dana Općine Bužim. Želimo da se lijepo i ugodno osjećate u Viteškom gradu Bužimu i da ponesete najljepše uspomene. Iskrene čestitke svim građanima općine Bužim povodom



Dana Općine Bužim. Neka nam živi Viteški grad Bužim i domovina Bosna i Hercegovina” kazao je direktor Nanić. U svome obraćanju autor ove knjige govorio je o odbrani Bihačkog okruga, ratnim dešavanjima od januara 1992. do decembra 1995. godine. Cilj ove knjige jeste da očuva sjećanje na vitešku borbu za opstanak na ovim krajevima. Za potpuni ugođaj pobrinuli su se Aljo Halilović i Husnija Malkoč koji su izvođenjem sevdalinki uz pratnju saza upotpunili ovu promociju.

U BUŽIMU NAUČNI OPUS HUSEINA MURATOVIĆA I PREDSTAVLJEN KNJIŽEVNIK ENES KIŠEVIĆ



23. februar 2017.

U Velikoj sali Centra za kulturu, sport i informisanje Bužim, a u okviru manifestacije “Dani općine Bužim” promoviran je naučni opus prof.dr. Huseina Muratovića, te je javnosti upriličeno predstavljanje književnika Enesa Kiševića. Prof.dr. Husein Muratović, inače Bužimljanin, koautor je dva univerzitetska udžbenika (Monetarna znanost i Fiskalna znanost), te autor pet univerzitetskih udžbenika (Monetarna i fiskalna politika Evropske unije; Poslovno bankarstvo; Menadžment



poslovnih banaka; Međunarodno bankarstvo; i Centralno bankarstvo). Autor je i sedam verificiranih univerzitetskih skripti, kao i desetaka naučnih radova objavljenih u referentnim domaćim i inozemnim časopisima. Promotor prof. dr. Vojislav Škrbić kazao je u tekstu kojeg je pročitala Samra Šahinović da navedeni udžbenici, skripte i radovi dovoljno ukazuju na širinu opusa profesora Muratovića. On navodi da je autor prof. Muratović podjednako uspješan i po širini i dubini analize navedene problematike, i ono što ga posebno odlikuje je sposobnost da zainteresiranim



omogućava njenu konkretizuju na prilike u Bosni i Hercegovini. Dalje navodi da pisanje ovakvih udžbenika zahtijeva dobro poznavanje makroekonomske teorije, problematike iz globalnih ekonomsko-finansijskih odnosa, finansijskih institucija, posebno centralnih banaka kao kreatora i regulatora bankarskog sektora, finansijskih tržišta i finansijskih instrumenata na domaćim i međunarodnim tržištima, komercijalnog i međunarodnog bankarstva. Prema njegovim riječima naučni opus prof. dr Huseina Muratovića daje konkretne instrumente za određivanje i provođenje makroekonomske politike zemlje, ali i stručne alate za konkretizaciju razvojne politike na nivou nižih političko-teritorijalnih jedinica i pojedinih preduzeća. U svom obraćanju prof. dr. Husein Muratović istakao je pet odrednica svog djelovanja: “Ostvariti Snove”, “Izazov”, “Upotrebna vrijednost”, “Mladi ljudi” i “Život u zemlji”. Svaku odrednicu je elaborirao i posebno istakao da su njegovi mladalački snovi bili osnivanje općine Bužim i

MSS “Bužim”, jer je, kako kaže, znao šta to znači za 20.000 stanovnika i za sveobuhvatno srednjoškolsko obrazovanje. Ipak kako kaže za ovo je trebalo biti genetski zavičajno kodiran, uzimajući u obzir činjenicu da su čovjeku krajiška brda draža od gradskih bulevara. Prema njegovim riječima recept za uspon privrednog ciklusa i zaposlenosti postoji i on je uspješno primjenjivan više puta, jer ekonomska nauka posjeduje znanja i oruđa da se kriza prevaziđe, ali je važno, kako kaže, da kombinacija ličnih interesa i iskrivljene ideologije ne bude primarna. Na kraju je zaključio da nas iskustvo uči ključnoj političkoj lekciji – da je bolje stati ispred onoga u šta stvarno vjerujete i da se založite za ono što stvarno treba uraditi, nego pokušavati biti umjerenim i razumnim, jer se onda u suštini prihvataju “argumenti” onih koji su krivi za ovakvo stanje. U drugom dijelu večeri mladi bužimski pjesnici Zemira Ćordić i Elvin Dervić pročitali su svoje radove a zatim je predstavljen književnik Enes Kišević, nagrađivani pjesnik i glumac koji se u više od 40 godina stvaranja i s 30-ak pjesničkih zbirki potvrdio kao jedan od najprepoznatljivijih pjesnika s područja bivše Jugoslavije. Uvodničar, istaknuti slikar Sead Emrić, kazao je kako je riječ o pjesniku kojeg njegova jednostavnost, skromnost i način na koji priča o stvarima koje izabire i o kojima želi pričati čini među onim posebnima još malo posebnijim. “Kišević je pjesnik koji nam je uvjetno rečeno ‘vratio’ poeziju, koji nam pokazuje da je ona svuda oko nas i da nas nikada nije ni napustila”, kazao je on.

ZAVRŠENA IZLOŽBA “ŽENSKA POSLA”



06. mart 2017

U organizaciji JU “Centar za kulturu, sport i informisanje” u Maloj sali održana izložba “Ženska posla”, koja je privukla veliki broj Bužimljanki ali i Bužimljana. Ideja za ovakav vid izložbe potekla je kod grupe bužimskih kreativki koje se bave ručnim radovima te djelatnostima vezanim za žensku populaciju, a koje su željele da u povodu 8. marta, Dana žena organiziraju ovakav vid druženja. Posjetioci izložbe mogli su vidjeti ručno rađena „drvca sreće“, nakit, odjevne predmete, šminkanje, svadbene dekoracije, kaligrafiju, te popularne henna tetovaže a koje su izradile naše kreativne Bužimljanke: Jasmina Muratović, Fadila Račić, Ajla Livaković, Amina Mulalić, Elvira Nanić i Merima Račić Durić. “Evo povodom 8. marta, Dana žena, mi kreativke iz Bužima došle smo na ideju da organiziramo jedan događaj koji nije



baš tako uobičajen za Bužim. “Najiskrenije se zahvaljujemo Cetru za kulturu, sport i informisanje koji je prihvatio ovu ideju, preuzeo obavezu organizacije i dao nam veliku podršku. Posvetile smo ovu izložbu ženama i na njoj prikazujemo kreativne radove žena koje djeluju u Bužimu. Želimo pokazati šta sve žene umiju i mogu, čemu se sve žene mogu posvetiti, na koji način to mogu realizirati i da nekog podstaknemo da se bavi s nečim što već voli”, kazala je Merima Račić-Durić u svojoj izjavi u ime večerašnjih izlagača. Cilj izložbe prije svega bio je podsticanje kreativnosti žena u Bužimu, isticanje važnosti i vrijednosti ručnih radova te kreiranje nove vrste događaja u Bužimu, za koji se nadamo da će postati tradicionalan i da će širiti svoje kapacitete. Izložbu su upotpunili Almir Kauković, Harun i Tarik Račić izvođenjem muzičkih numera.

25 GODINA RADA BOŠNJAČKE ZAJEDNICE KULTURE “PREPOROD“ BUŽIM

15. mart 2017.



Bošnjačka zajednica kulture “Preporod“ Bužim u 2017. godini je navršila dvije i po decenije postojanja i rada. Ovo općinsko društvo, pod prvotnim nazivom Kulturno društvo Muslimana osnovano je 4. januara 1992. godine. Naredne godine, nakon održavanja Bošnjačkog sabora u Sarajevu i povrata višestoljetnog imena bošnjačko-muslimanskog narodu, i društvo u Bužimu je promijenilo naziv u Kulturno društvo Bošnjaka Bužim, a 1997. godine u Bošnjačku zajednicu kulture “Preporod“ Bužim. Aktuelno rukovodstvo i brojni djelatnici BZK “Preporod“ Bužim na čelu s predsjednikom Muhamedom Kržalićem odlučili su se na obilježavanje četvrt stoljeća rada i djelovanja ovog udruženja, kroz organiziranje trodnevne manifestacije pod nazivom Obilježavanje jubileja 25 godina Kulturnog društva Muslimana/Bošnjačke zajednice kulture “Preporod“ Bužim (1992-2017), u sklopu koje su osmišljeni i realizirani brojni kulturni, zabavni i svečanski sadržaji.

Manifestacija je otpočela dokumentarnom izložbom fotografija i ostale vrijedne građe iz arhive Preporoda, poput plakata, pozivnica, knjižnih i kataloških izdanja iz arhive Preporoda, koja je otvorena u srijedu 15. marta. Tom prilikom mnogobrojna publika je uživala u razgledavanju preko 200 zanimljivih fotografija iz dvoipoddecenjskog perioda postojanja Preporoda, među kojima neke sežu i dalje u prošlost, u vrijeme između dva svjetska rata, kada je u Bužimu egzistirao Gajret. O izložbi su govorili Sead Emrić, Amir Sijamhodžić i Nedžib Vučelj, a izložbu, kao i cijelu manifestaciju je otvorio Općinski načelnik Zikrija Duraković. Bila je to jedinstvena prilika da se na jednom mjestu sagledaju mnogobrojni kulturni pregaoci koji su živjeli i djelovali ili još uvijek žive i djeluju u općini Bužim i izvan nje.

Nakon izložbe uslijedila je Večer sevdalinke, u čijem programu su nastupili domaći Gradski ženski hor i Hor duhove muzike islama “Gazija“, te vrsni izvođač sevdalinke Aljo Halilovića uz pratnju sazlije Husnije Malkoća. Kao specijalni gosti programa bili su članovi Haman Jazz Benda iz Bihaća pod vodstvom profesora Adnana Busuladžića, koji su prisutne počastili sa nekoliko svojih originalnih izvedbi poput krajiške sevdalinke Dan izgubih i instrumentalne kompozicije City of night. Muzički i vokalni dio Večeri sevdalinke u prekidima programa je popunjavao Sead Emrić, koji je govorio o posebnosti i značajnosti sevdalinke koja uz stečke predstavlja najoriginalniji dio kulturne baštine Bosne i Bošnjaka.



Drugi dan manifestacije je bio u duhu likovnog i literarnog stvaralaštva. Prvo je organizirano svečano proglašenje najboljih radova učenika osnovnih i srednje škole sa područja općine Bužim, koji su sudjelovali u Preporodovom natjecanju u likovnim i literarnim radovima. Nakon proglašenja najboljih radova pobjednicima su uručene i simbolične nagrade i pokloni, a prisutna publika je imala mogućnost da pogleda izložene radove. Uslijedio je najposjećeniji događaj manifestacije, promocija knjige autorice Alme Taletović pod nazivom Sretni ljudi, čiju promociju je pratilo blizu 300 posjetioca. Velika sala Centra za kulturu sport i informisanje Bužim, bila je premala za ovaj događaj. Pored autorice Alme Taletović u programu promocije još su sudjelovale Nejra Nesimović i Fehima Balkić-Erdić.



Završnog dana manifestacije program je otpočeo prijemom kod Općinskog načelnika za zvanice i članove Preporoda. Prijemu su između ostalog prisustvovali Predsjednik BZK "Preporod" Bužim Muhamed Kržalić, predsjednik BZK "Preporod" Bosne i Hercegovine prof.dr. Senadin Lavić, predstavnici BZK "Preporod" Velika Kladuša Sakib Selimović, Adis Džaferović i Asaf Šehić, predstavnici BZK "Preporod" Srebrenik Esad Dedić, i mnoge druge zvanice.

bogate kulture, a naše kulture nema ukoliko među Bošnjacima nema osoba koje znaju svirati saz ili neki drugi muzički instrument, ukoliko ne znaju naslikati sliku, napraviti književno ili naučno djelo, između ostalog je kazao prof. dr. Senadin Lavić. Predsjednik BZK "Preporod" Bužim Muhamed Kržalić se zahvalio na pomoći Općini Bužim i Općinskom načelniku Zikriji Durakoviću, kao i članovima Organizacionog odbora za obilježavanje jubileja, te svim aktivistima Preporoda. Prisutne je pozvao da prate i

Centralni događaj manifestacije bila je Svečana akademija koja je otpočela Referatom o 25 godina BZK "Preporod" Bužim, koji je izložio Amir Sijamhodžić. U svom referatu je iznio sve značajne činjenice i rezultate u radu ne samo za Preporod i njegove mnogobrojne poslenike, već i o počecima kulturno-prosvjetnog života u Bužimu u periodu Austro-ugarske kada je prvi put osnovan Gajret, preko obnove Gajreta i Narodne Uzdanice u periodu između dva svjetska rata. Kao produkt višegodišnjeg istraživanja kulturno-prosvjetnog života bužimskog kraja neke od činjenica su po prvi put prezentirane javnosti kao vrlo važan dio lokalne historiografije. Skupu su se obratila

"Prilikom obilježavanja 25 godina od osnivanja BZK "Preporod" u Bužimu bili smo sretni i svjesni da je to važan jubilej za jedan bošnjački kulturni projekt u ovome dijelu Bosne. Naravno, i ovaj put smo vidjeli da je to poduhvat svjesnih bošnjačkih dobrovoljaca u kulturi, nekolicine mladih i obrazovanih bužimskih Bošnjaka koji već 25 godina svoju odgovornost za bošnjačku kulturu pretaču u prepoznatljivu kulturnu kuću "Preporoda" i bošnjačke kulturne forme među drugim evropskim narodima. Na taj način prevazilazimo provincijalne okvire za ljudski stvaralački duh, u ovome slučaju bošnjačko stvaralačko biće, i dobijamo prepoznatljivu uobličenosu u kulturi koja zna i poštuje svoje vlastito bosansko izvorište. Sada možemo reći da je pred BZK "Preporod" velik i važan posao u Krajini, u ovome dijelu Bosne, na očuvanju i daljnjoj afirmaciji bošnjačko-bosanskog kulturnog bića i njegovom razvijanju u novim povijesnim okolnostima. "Preporod" u Bužimu svjedoči ovoj epohalnoj misiji u kulturi i stoga zaslužuje sve naše čestitke, pohvale i poštovanje za ovih 25 godina istrajnog i teškog rada u kulturi. Hvala vam za sve što ste uradili za Bošnjake u ovome dijelu Bosne i nek vam je sretno u budućnosti. Uvijek će Uprava BZK "Preporod" i Matični odbor iz Sarajeva biti uz vas", kazao je Senadin Lavić.

i dvojica predsjednika, Muhamed Kržalić i dr. Senadin Lavić, koji su svim Bužimljankama i Bužimljanima čestitali navedeni jubilej. Profesor Lavić je izrazio čestitke organizatorima manifestacije te višegodišnjim djelatnicima i dobrovoljcima u kulturi, koji čuvaju i snaže Preporod kao Bošnjačku kuću znanja. Prisutne je upoznao sa stanjem kulture u zemlji i regionu te uputio brojne poruke o potrebi kvalitetnijeg i avangardnijeg rada i djelovanja Preporoda i ostalih institucija kulture u narednom periodu. Našeg naroda kao posebne kulturne forme nema bez očuvanja

podržavaju rad Preporoda, te izrazio dobrodošlicu svima onima koji se žele priključiti Preporodu. Kao posljednji govornik na Svečanoj akademiji bio je načelnik Zikrija Duraković, koji je uputio čestitke i zahvalio Preporodu na višegodišnjem doprinosu u organizaciji kulturnih sadržaja na području općine Bužim. Obećao je nastavak dobre saradnje i podršku općine u narednim projektima. Generalni pokrovitelj manifestacije bili su Općina Bužim i firma Kov-grad Bužim, a medijski partner bila je JU "Centar za kulturu, sport i informisanje" Bužim.



BUŽIMSKI HOR “GAZIJA” SVOJIM NASTUPOM OBOGATIO MANIFESTACIJU “ŽENA U OGLEDALU DUHOVNOSTI”



19. mart 2017.

U prepunoj sali Doma Oružanih snaga u Sarajevu održana je manifestacija pod nazivom “Žena u ogledalu duhovnosti”. Organizator je bila Asocijacija “Majka i dijete” iz Sarajeva. Kulturno-umjetnička je to manifestacija koju je u pozorišni oblik stavila i režirala poznata bosanskohercegovačka glumica Dženita Imamović-Omerović, a zamišljena je kao prigodan poklon ženi koja treba i mora, zajedno uz podršku cijele društvene zajednice, izboriti svoje istinsko dostojanstvo, čast i položaj koji joj pripadaju. Manifestacijom je poslana poruka da nije zaboravljena individualna i kolektivna obaveza prema ženi. Učesnici programa bili su: hafiz. Burhan Šaban, hor duhovne muzike i sevdaha “Gazija” iz Bužima, hor “Mošus” iz Brčkog i dječiji hor “Kewser” iz Sarajeva, dok su stihove uz performans čitali glumci Aldin Omerović, Lana Delić, Ajla Cabrera i Merima Lepić. Počasni gosti, koji su

svojim kratkim obraćanjem uveličali ovu manifestaciju bili su: dr. Mustafa Cerić, reisu-l-ulema (1993-2012), i prof. dr. Fahira Fejzić-Čengić, profesorica na Fakultetu političkih nauka Univerziteta u Sarajevu. “Pred savremenom ženom otvoreni su brojni putevi, ali samo neki od njih vode istinskoj sreći, zadovoljstvu, spokoju i uspjehu. Koji put izabrati? Kako prepoznati pravi put koji nas sigurno vodi do sreće koju svi priželjkujemo? Kome vjerovati i na koga se osloniti? Koga uzeti za uzora? Odgovor na ova i mnoga druga pitanja svaki pojedinac mora pronaći sam za sebe, međutim, mi kao asocijacija, smatramo našom društvenom obavezom ukazati na one žene, majke, sestre i kćeri koje su svojim životom, u prošlosti ali i u našoj današnjoj društvenoj realnosti, svjedočile i svjedoče istinu i koje su bile i jesu istinska svjetiljka vodilja svima onima koji ne žele izgubiti ono najvrednije što imaju u svome životu”, istaknuto je iz asocijacije “Majka i dijete”.

HALIDA EMRIĆ DOBITNICA UMJETNIČKE NAGRADE “COLLEGIUM ARTISTICUM 2017.”



07. april 2017.

Ovogodišnja dobitnica nagrade “Collegium Artisticum 2017.” za keramiku je Halida Emrić, umjetnica sa područja Općine Bužim. Ona je ovu značajnu nagradu dobila za svoju unikatnu autorsku kolekciju pod nazivom “UNA IZ MOG SNA”. Žiri u sastavu Slobodana Samardžića Sama, Ognjenke Finci i Nedima Mutevelića odabrao je njenu kolekciju sa setom tanjura sa šoljicom i zdjelama. Kolekcija je urađena precizno i kvalitetno, a govori o autoričinom izuzetnom poznavanju zanatske strane medija u kome realizira svoje artistske ideje. Ovogodišnja šestoaprilska izložba Collegium Artisticuma 2017. predstavlja, između ostalog, i fragmentarno stanje umjetnosti u Bosni i Hercegovini, odnosno međusob-

nu uvjetovanost različitih oblika prezentacije i izražaja. To je prilika da tri umjetnička udruženja Bosne i Hercegovine – Udruženje likovnih umjetnika primijenjenih umjetnosti i dizajnera (ULUPUBIH), Asocijacija arhitekata (AABIH) i Udruženje likovnih umjetnika (ULUBIH) – zajednički organiziraju izložbu kreirajući platformu za prezentaciju djela svojih članova. U izložbi trenutno učestvuju 82 člana ULUBIH-a, 40 iz ULUPUBIH-a i 62 iz Asocijacije Arhitekata BiH-a.

Godišnja šestoaprilska izložba “Collegium artisticum” održava se od 1975. godine i posjeduje karakter kolektivnosti kao vrijednost koju treba njegovati, u ime datuma kojem je posvećena i u ime sjećanja na bh. avangardu koju je predstavljala umjetnička grupa “Collegium artisticum”. Collegium Artisticum je desetljećima najrespektabilniji prikaz likovnog života u Bosni i Hercegovini, izložba koja svojom selektivnošću promovira kvalitet i, u znatnoj mjeri, trasira kriterije kreativnog angažmana umjetnika. Izreći nagrade na izložbi tog ranga znači ucrtavati preporuke i puteve ka slijedećoj selekciji. Žiriranje je ozbiljan proces kritičkog mišljenja koji je djelo po sebi!



Preduzeće doo “KOV-GRAD” iz Bužima ima dugogodišnju tradiciju u izgradnji svih vrsta objekata nisko i visokogradnje, kvalitetne, stručne, osposobljene i obučene kadrove, opremljeno sa najsavremenijom opremom za obavljanje i najsloženijih poslova na objektima niskogradnje. Već 12. godina preduzeće radi za Ceste Federacije BiH. Asfaltna baza koja je puštena u rad 2010. godine je opremljena najsavremenijom tehnologijom i postrojenjima koja su certificirana po svjetskim standardima potpuno softverski automatizovana, te posjeduju ekološke filtere za očuvanje životne sredine.



Referentna lista urađenih projekata, zadovoljstvo korisnika naših usluga, te kvaliteta izvedenih radova, svrstava preduzeće u sami vrh i među najbolje organizirane na području Bosne i Hercegovine. Preduzeće je angažovano na svim dionicama auto puta Sarajevo-Kakanj kao podizvođači, realizirali na desetine velikih i zahtjevnih projekata na području cijele Bosne i Hercegovine. Iz radova izdvajamo: izgradnja, rekonstrukcija, rehabilitacija i održavanje cesta i cestovne infrastrukture, te objekata na cesti, a posebno smo specijalizirani za izvođenje zemljanih i betonskih radova, potpornih zidova, odvodnje, te mašinske izrade betonskih ivičnjaka i rigola. Kod završnih radova izdvajamo polaganje asfalta, postavljanje odbojne ograde, zaštitne ograde, postavljanje horizontalne i vertikalne saobraćajne signalizacije. Posjeduju sva potrebna ovlaštenja, licence i certifikate.



U sklopu firme doo “KOV-GRAD” Bužim 2003. godine osnovano je odjelenje za protektiranje i prodaju guma po VIPAL licenci. Fabrika ima godišnju proizvodnju cca 6000 komada teretnih guma, što ih svrstava u vodeće u protektu u BiH, te su jedini izvoznici guma iz BiH u Evropsku uniju. Vlasnici su certifikata ECE109 (TÜV cert) što je garancija kvalitete. Sve pobrojane karakteristike dokazuju odgovarajućim CE certifikatima. Posjeduju educirani kadar za ugradnju zaštite od buke, paneli, u potpunosti zadovoljavaju sve zahtjevane standarde i norme, te posjeduju sve potrebne certifikate na sva ispitivanja prema standardu EN 14388:2005 koje paneli ove namjene moraju imati.

Sve navedeno dovodi do zaključka da firmi doo “KOV-GRAD” Bužim pružite povjerenje, oni će vama zauzvat kvalitet i prihvatljive cijene!



Kontakt telefoni: +387 37 420 - 320
+387 37 420 - 018

www: kovgrad.ba
email: kovgrad.buzim@bih.net.

RADNO VRIJEME: Ponedjeljak - Subota od 08h do 16h

NEDJELJA, BAJRAMSKI I DRŽAVNI PRAZNICI NERADNI

BUŽIMLJANIN HADŽEM EMRIĆ ODRŽAO SOLISTIČKI KONCERT U BIHAĆU



12. maj 2017.

U Bihaću održan maturski solistički koncert našeg sugrađanina Hadžema Emrića svršenika Umjetničke škole Bihać. Koncert je održan u Domu AVNOJ-a uz prisustvo ljubitelja klasične muzike i profesora Umjetničke škole. Mentor je bio profesor Adnan Busuladžić, a korepetitor prof. Anette Poljak. Prisutni su mogli uživati u bogatom repertoaru na kojem su se između ostalog našli C. M. WEBER Koncert No.1 za klarinet i orkestar i C. Rose Fantasie et rondo. Inače Bužimljanin Hadžem Emrić jedan je od najboljih učenika ove škole na klarinetu, a u Bužimu je poznat po instrumentalnim koncertima i

svečanim akademijama na kojima je nastupao, ali i kao član benda Gazija. Ove godine on je jedini maturant Srednje muzičke škole u Bihaću iz Bužima. Inače Umjetnička škola Bihać već deset godina ima istureno odjeljenje osnovne Muzičke škole u Bužimu što je u kulturološkom smislu jedna od bitnijih stvari koje su se Bužimu desile u posljednje vrijeme.

U BUŽIMU ODRŽAN KONCERT KLASIČNE MUZIKE



25. maj 2017.

U Maloj sali Centra za kulturu, sport i informisanje Bužim održan završni koncert klasične muzike učenika Muzičke škole Bužim. Bila je to prilika da učenici pokažu svoje znanje koje su postigli u toku posljednjih godinu dana. Prisutnima se kratko obratio direktor Umjetničke škole Bihać Jasmin Čustić koji je čestitao učenicima, ali i roditeljima koji daju velike napore da bi njihova djeca bila uspješna. Koncert su osim roditelja i ljubitelja klasične muzike uveličali i zamjenik šefa delegacije



EU u BiH, Khaldoun Sinno sa delegacijom i načelnikom Durakovićem sa saradnicima. Inače, istureno odjeljenje muzičke škole u Bužimu egzistira već desetak godina, i prema mnogima je otvaranje iste jedna od bitnijih poduhvata koja se na polju kulture desila u Bužimu. Trenutno učenici Muzičke škole u Bužimu pohađaju dva instrumenta, gitaru i klavir, a prema riječima direktora Čustića, u budućnosti bi mogli biti uvedeni još neki smjerovi što uveliko zavisi od nastavnog kadra kao i od interesovanja samih učenika za pohađanje muzičke škole u Bužimu.

PUNA PODRŠKA OSNIVANJU MUZEJA OPĆINE BUŽIM



04. juli 2017.

Ministar obrazovanja, nauke, kulture i sporta u Vladi USK-a Muhamed Ramić u svom kabinetu organizirao je sastanak u vezi sa inicijativom za

osnivanje postavke Zavičajne zbirke i Muzeja grada Bužima, kao i izmještanje muzeja 505. Viteške brigade u Bužimu. Sastanku su prisustvovali načelnik općine Bužim Zikrija Duraković, zastupnici u Skupštini USK-a Nisvet Jusić i Samir Veladžić, predsjedavajući Općinskog vijeća Općine Bužim i općinski vijećnici, direktor Centra za kulturu, sport i informisanje kao i predstavnici boračkih udruženja i BZK "Preporod" Bužim. Inicijativa članova BZK "Preporod" Bužim prema čijem elaboratu bi se dio starog objekta Osnovne škole "Bužim" adaptirao i u njega bili smješteni i muzej 505. Viteške brigade i Muzej grada Bužima sa postavkom Zavičajne zbirke

usvojena je na sjednici Općinskog vijeća općine Bužim još u oktobru 2015. godine. Podršku inicijativi su dali pripadnici koordinacije boračkih udruženja, ali i pozitivno mišl-



jenje mnogi ugledni stručnjaci iz ove oblasti širom BiH. Do danas nije mnogo urađeno na realizaciji ove inicijative, pa je zbog toga i organiziran sastanak. Prema riječima ministra Ramića, stvorene su sve pretpostavke da se realizacija inicijative i dogodi, te će ministarstvo na čijem je čelu odraditi sve što je potrebno da se inicijativa uputi prema Vladi USK-a, jer kako kaže Bužim to zaslužuje. "Ova inicijativa će svakako dobiti podršku, to grad Bužim svakako

zaslužuje i ja se nadam da će uz ostale podrške, ministarstva obrazovanja i općine Bužim taj čin biti realiziran. Imamo ideju kako i na koji način to uraditi, čak imamo i neka sredstva i idemo ka cilju. Sve što bude u domenu Ministarstva nauke, kulture i sporta USK-a biće odrađeno" kazao je ministar Ramić. Bužim je jedan od rijetkih općina USK koja nema Muzej grada, te je prema većini inicijatora ovo epohalno pitanje za grad Bužim, jer razna arhivska građa koja bi trebala biti sačuvana zbog nepostojanja institucije koja bi se trebala o njoj brinuti svakodnevno propada. Teška situacija i u Muzej sobi 505. Viteške brigade, za koju se plaća kirija u neadekvatnom prostoru ovom inicijativom bi takođe trebala biti riješena i dobiveno

trajno rješenje za ratne eksponate jedne od najbogatijih muzej soba u BiH iz proteklog rata. S druge strane stari objekat Osnovne škole "Bužim" koji je u ruševnom stanju bio adekvatno konzerviran i sačuvan. Svi učesnici sastanka su se stavili na raspolaganje da svako u svome domenu da doprinos realizaciji inicijative, te kako su istakli u interesu građana Općine Bužim riješe ovo bitno pitanje.

PROMOVISANA KNJIGA "MOJ OSMIJEH JE MOJA OSVETA"



17. juli 2017.

U organizaciji JU "Centar za kulturu, sport i informisanje" Bužim promovisano je drugo izdanje knjige "Moj osmijeh je moja osveta" autorice Dževe Avdić, u izdanju Instituta za istraživanje zločina protiv čovječnosti i međunarodnog prava Univerziteta u Sarajevu. Promotor i moderator promocije bila je profesorica bosanskog jezika, književnosti i historije Edina Japić Hadžić, dok su Najla Osmanagić i Belma Miskiđ učenice 9. razreda OŠ "Cazin II" čitale dijelove iz promovisane knjige.

"Knjiga "Moj osmijeh je moja osveta", je dobar primjer podsjetnika i opomene svima onima koji zanemaruju, umanjuju ili zatvaraju oči nad istinom koja se dogodila. Knjiga je od izuzetnog značaja jer osim što govori o stradanjima ljudi iz Srebrenice i podrinjskog kraja, govori i o poslijeratnom životu onih koji su preživjeli genocid. Govori o djetinjstvu i odrastanju, patnjama i nedaćama kojima su bili izloženi, govori o tome kako je biti izbjeglica u svojoj zemlji. Knjiga je svjedočanstvo da se dogodilo zlo" kazala je profesorica Hadžić te dodala, "ove imenice koje su



u oprečnosti i kontrastu "osmijeh" i "osveta" oprezno su birane za naslov, a tako dobro pogođene. Da li se neko može poraziti, ako nakon svega prkosi s osmijehom na licu i svjedoči o postojanju. Ne može. Veće osvete nema. U tome i jeste cijela poenta".

"Ja bih iskoristila priliku da se zahvalim ovom viteškom gradu Bužimu koji pamti Srebrenicu prije i poslije jedanaestog jula. Zaista, nekako je posebna obaveza ali i s druge strane zadovoljstvo pronaći suosjećanje među ljudima kod kojih toga sigurno ima, jer nekako i Bužim i Srebrenica su usko i blisko povezani na žalost ratnim i nemilim dešavanjima. Hvala Bužimu što je dao priliku da knjiga "Moj osmijeh je moja osveta" koja je za manje od godinu dana doživjela drugo izdanje koje je prevedeno na dva svjetska jezika, bude promovisana i u viteškom gradu" kazala je autorica knjige Dževa Avdić.

"Srebrenica će zauvijek biti grijeh čovječanstva i dokaz koliko zlo može biti veliko. Može i veće ako ga zaboravimo, jer bez znanja o prošlosti nemamo mjesta u budućnosti!"

I OVE GODINE ODRŽAN PETI BUŽIMSKI LIKOVNI SALON I PETI BUŽIMSKI INSTRUMENTALNI KONCERT



09. august 2017.

U Maloj sali Centra za kulturu, sport i informisanje u okviru ovogodišnje manifestacije “Slobodarski dani viteškog grada Bužima” održan je Peti bužimski instrumentalni koncert i Peti bužimski likovni salon. Ove godine bužimski likovni umjetnici su svoja djela kreirali u različitim likovnim medijima kao što su: porculan, keramika, slikarstvo, crtež, fotografija i strip. Tako je na ovogodišnjem likovnom salonu svoja umjetnička djela izlagalo je deset umjetnika iz svih kategorija: Elma

Kovačević, Halida Emrić, Nedžib Vučelj, Ismet Erdić, Hazer Emrić, Sead Emrić, Mara Hilić-Cimarosti, Said Mulalić, Edvin Šahinović, Sejad Salkić. Za uvodnu riječ i ulogu umjetničkog kritičara bio je zadužen Sead Emrić. Skupu se obratio Općinski načelnik Zikrija Duraković koji je zvanično otvorio ove kulturne sadržaje. Sa ovim formama naša sredina postaje prepoznatljiva u pomoći i prezentaciji umjetničkog stvaralaštva svojih građana. Kada je u pitanju Peti bužimski instrumentalni koncert prisutni su uživali u melodijama koje je svirao Edin Vučelj.

PROMOCIJA KNJIGE AUTORA NIJAZA EF. HADŽIĆA “GOVOR O HADŽDŽU“



10. august 2017.

U okviru manifestacije Slobodarski dani viteškog grada Bužima promovisana knjiga “Govor o hadždžu” autora Nijaz ef. Hadžića. U uvodnom dijelu pozdravnu riječ uputio je Sead Emrić, moderator promocije. Promotori ovog djela bili su: prof. Mehmed Mašić i prof. Aida Kljajić. Organizaciju promocije preuzeo je bužimski Preporod. Ovo je peta knjiga koju je do sada napisao Nijaz Hadžić, a trenutno uporedo radi na još tri knjige. U narednom periodu planira uraditi drugo izdanje ove knjige jer se pokazao interes za ovim djelom što govori podatak da je u manje od mjesec dana prodano 250 primjeraka. Knjiga govori o hadžu, a u nju su uključene istaknute ličnosti sa područja USK koje su obavili hadždž te sve hadžije koje su obavile ovu islamsku dužnost sa područja Općine Bužim. U knjizi ima registrirani 967 hadžija sa osnovnim podacima sa područja MIZ Bužim. U svojoj izjavi nakon promocije autor knjige Nijaz ef. Hadžić je kazao: “Ova promocija knjige mi je dala novu snagu,

stvorila je jedan novi kapacitet u mojoj duši i mom srcu da pišem dalje. Inače trenutno pišem tri djela uporedo, poeziju koju pokušavam da zaokružim kao jednu univerzalnu poruku, roman u kojem opisujem događaje iz moga života i pokušavam da običaje i adete vezane za sve pore ljudskog života nas Bošnjaka, pogotovo nas krajišnika da ih sročim u jednu knjigu koja će ostati kao biljeg našeg vremena i našeg djelovanja na ovim prostorima.” “Danas sam imao čast biti promotor nove knjige pod naslovom „Govor o hadžu“ autora Nijaza ef. Hadžića, njegove nove, pete knjige koju je objavio. Ovo je zaista jedno pionirsko djelo i da kažem kapitalno djelo za naše prostore, gdje Nijaz efendija po prvi put govori o hadžu na našim prostorima, o adetima, lijepim običajima samih hadžija, o adetima koji sve više blijede u vremenu u kojem mi živimo, a ti adeti su predstavljali istinski odnos čovjeka prema ovom uzvišenom islamskom obredu Hadža, i s toga toplo preporučujem čitanje ove knjige u Krajini, pogotovo u Bužimu” kazao je prof. Mehmed Mašić jedan od promotora.

ODRŽANO PETO BUŽIMSKO KNJIŽEVNO KAZIVANJE



10. august 2017.

Tradicionalno Peto bužimsko književno kazivanje održano u Maloj sali Centra za kulturu, sport i informisanje u okviru manifestacije Slobodarski dani viteškog grada Bužima. Na samom početku u svojstvu domaćina obratio se općinski načelnik Zikrija Duraković koji je čestitao na odličnoj organizaciji i kontinuitetu ovih sadržaja, te izrazio podršku uz želju da ovakvih i sličnih sadržaja bude još više. Da se ustrajnost isplati uprkos svim problemima sa kojim se susreću kulturni djelatnici najbolji je pokazatelj upravo bužimsko književno kazivanje. Naime, iako je prvih godina bila mala posjeta ovom sadržaju, u zadnje dvije godine sve je veći interes građana koji posjećuju književno veče a tu su i novi autori koji se prijavljuju. Ako je suditi prema sinočnjoj posjeti ovaj sadržaj će narednih godina trebati organizirati u Velikoj sali jer se iz godine u godinu povećava broj posjetilaca. Tako su ove godine po prvi put svoje radove prezentirali publici četiri autora, dok je ukupno dvanaest književnih stvaralaca koji su se



predstavili: Lejla Šahinović, Emin Grošić, Rijalda Dizdarević, Rasim Duraković, Amar Ljubijankić, Naila Elkasović, Nedžib Vučelj, Kasim Porić, Edina Šekić, Merima Račić, Dževad Ponjević i Amir Sijamhodžić. “Uz brojnu publiku, veći broj učesnika, i dosta kvalitetnih radova, vjerujemo da možemo biti više nego zadovoljni sa ovogodišnjim kulturnim priredbama. Hvala učesnicima, hvala vjernoj publici, i hvala organizatoru i pokrovitelju. Nema stajanja. Već počinju pripreme za narednu godinu, ali i druge sadržaje koji nas ubrzo očekuju. Jer tragovi lijepje riječi, linije, boje, geste ili zvuka, ostaju najduže i kao romantične svijeće svijetle vijekovima i griju i svoje i svakoga” u ime Preporoda kazao je Amir Sijamhodžić. Organizatori i ovogodišnje književne večeri bili su JU “Centar za kulturu sport i informisanje” Bužim, BZK “Preporod” Bužim i općina Bužim. Pokušaj je to da se da doprinos u bogaćenju manifestacije i kulturnog života općine Bužim. Moderator ove književne večeri bio je Sead Emrić.

DIREKTOR NANIĆ U POSJETI CENTRU ZA KULTURU, SPORT I INFORMISANJE OPĆINE OLOVO: RAZMJENA ISKUSTAVA NEOPHODNA



22. septembar 2017.

U Općini Bužim teku radovi na izgradnji sportske dvorane planiranom dinamikom, te se u narednih mjesec dana očekuje i završetak isti ali i svečano otvorenje koje građani općine Bužim godinama iščekuju. Direktor JU “Centar za kulturu, sport i informisanje” Bužim Mersudin Nanić upriličio je posjetu istoimenoj ustanovi u Općini Olovo gdje se sastao sa direktorom Milumić Samirom i upraviteljem Sportskog centra Olovo Sanelom Sokolarom. Povod za posjetu bila je svakako razmjena iskustava ovih ustanova ali sagledavanja mogućnosti unapređivanja rada. Kako je dvorana u Olovu izgrađena prošle godine dodijeljena na upravljanje Javnoj ustanovi bila je ovo odlična prilika da se vide načini funkcionisanja iste, te sagledaju sve prednosti i nedostaci kojima se susreće ova ustanova. Svakako valja istaknuti da je Sportska dvorana u Olovu tipska dvorana koju radi firma Širbegović. Sa direktorom Nanićem u posjeti je bio i šef finansija Općine Bužim Jasmin Salkić, koji je imao priliku da iz “prve ruke” vidi koji su to troškovi i obaveze koje nosi ovaj objekat za samo održavanje, ali i koje su mogućnosti u pogledu ostvarivanja finansija.

„Bila je ovo prilika da vidimo koji su to izazovi sa kojima ćemo se ako Bog da uskoro nositi. Kada sagledamo sve prednosti koje nosi jedan ovakav objekat možemo biti sretni što ćemo i mi napokon dobiti objekat koji će zadovoljiti sve naše potrebe kada je u pitanju sportski život Općine Bužim. Prilikom obilaska naši domaćinu sam predstavili koje tehničke probleme ili nedostatke su uočili u samom funkcionisanju dvorane. Svakako treba istaknuti da se osjeti domaćinski odnos našeg izvođača radova jer su svi oni nedostaci koje smo mogli vidjeti kod nas već riješeni na najbolji mogući način“, kazao je direktor Nanić.

PROMOVISANA KNJIGA “ŠAPAT SUDBINE”



06. oktobar 2017.

U Maloj sali bužimskog Centra za kulturu, sport i informisanje održana promocija romana “Šapat sudbine” autorice Hazete Hamzić – Salihović. Organizator ovog skupa je JU “Centar za kluturu, sport i informisanje” Bužim. Roman “Šapat sudbine” objavljen je u vlastitoj nakladi, iskazujući autoričinu samouvjerenost i hrabrost, posebice što se radi o romanesknom prvijencu. Na određeni način, ovo djelo već u svojoj pojavnosti razbija uobičajene norme. Hazeta Hamzić-Salihović potpisuje svoj prvijenac u svojoj 52. godini, ostavljajući čitaoca potpuno zbunjenog. Gdje je bila autorica do sada? Da li je ovo tek hir? Ispunjavanje želje u zrelim godinama? Sve su to pitanja koja se mogu postavljati, ali samo prije čitanja njenoga romana. A roman, kako su kazali promotori Šefika Koljić i Nedžib Vučelj, čita se u jednom dahu i sa suzama u oči-

ma. Dio radnje dešava se u Zvorniku i oslikava prve dane okupacije ovoga grada na Drini, a „Šapat sudbine“ je roman koji govori o ljubavi, s posebnim akcentom na važnost dramskog zapleta, skoncentrisanog u tragičnu priču o ocu alkoholičaru koji zlostavlja cijelu porodicu. Hazeta Hamzić – Salihović rođena 1965. godine u Miljanovcima, opština Kalesija. Odrasla je u višečlanoj radničkoj porodici, gdje je naučena cijeniti rad, poštenje i nadasve prave ljudske vrijednosti. Osnovnu i srednju Ekonomsku školu završila je u Kalesiji, a studij biologije i hemije na Pedagoškoj Akademiji u Tuzli. Danas je u Švicarskoj radi i živi sa suprugom Alijom i svoje troje djece: sinom Dinom, kćerima Aminom i Imanom. Roman „Šapat sudbine“ inspirisan je upravo njima. To se osjeti u svakom njegovom pasusu, tako da je potpuno razumljivo da je odmah i bez kompromisa prihvaćen od čitateljstva.

BUŽIMSKI MALIŠANI UŽIVALI U PREDSTAVI ”LIJEPO LI JE RUŽNO PAČE?”



23. oktobar 2017.

U Bužimu je u Velikoj sali JU “Centar za kluturu, sport i informisanje” održana predstava za djecu pod nazivom „Lijepo li je ružno pače“. Predstava je rađena prema motivima iz bajke “Ružno pače” Hansa Christiana Andersena i dobila je podršku za izvođenje od Federalnog Ministarstva obrazovanja, a namjenjena je djeci sa poteškoćama u razvoju, djeci predškolskog uzrasta od 2 do 6 godina i djeci prvih razreda osnovne škole. Izvele su je odgajateljice dječijeg obdaništa “Hasnija Omanović” Cazin u suradnji sa JU Dječiji vrtić Bužim i JU “Centar za kluturu, sport i informisanje” Bužim. Problemi koji se vežu uz djecu koja imaju poteškoće u razvoju bilo fizičke ili intelektualne naravi su veliki. Takve osobe osim genetskih problema imaju i one socijalne zbog kojih se teško ili nikako ne mogu integrirati u zajednicu svih ljudi. Cilj predstave je upravo da na jedan poseban način djecu sa ovim poteškoćama integriše u društvo. Život je jedna velika pozornica u kojoj svi imaju uloge. Neke su lijepe a neke baš i nisu. Upravo ta različitost i poruka koju šalje bajka “Ružno pače” inspiracija je za predstavu u kojoj su sva djeca zajedno bez obzira na poteškoće koje imaju, kao i da se pošalje veoma važna poruka, zajedništvo. Bila je ovo izuzetna prilika da se bužimski mališani zabave i ujedno izvuku pouku.





Tržni centar "Pleska" Bužim je smješten u ulici Generala Izeta Nanića bb.


Već je pokazao sve svoje čari poslovanja i stekli svoje redovne posjetitelje koje privlači širokim asortimanom i jedinstvenom ponudom usluga.

TC "Pleska" na preko 2.000 m² prodajnog prostora, nudi širok asortiman prehrane, raznoraznu trgovačku robu, bijelu tehniku, mahom odjevne predmete, obuću i tehničku robu, ali nudi i ugostiteljske usluge kao i poljoprivrednu apoteku.

Raznorodna i bogata ponuda robe različitog porijekla, kvaliteta i cijena, učinili su "Plesku" pristupačnim svim slojevima stanovništva, i u njemu svaki kupac može pronaći nešto u skladu sa svojim željama, potrebama i mogućnostima.

TC "Pleska" 2011. godine dobitnik je najvećeg Općinskog javnog priznanja nagrade "20. februar". Da je nagrada stigla u prave ruke najbolje pokazuju vodeći ljudi iz ovog trgovačkog centra koji su odmah po prijemu ove nagrade uručili novčani dio nagrade od 2.000,00 KM u humanitarne svrhe. Trenutno upošljava 56 radnika i u stalnom su porastu.

Prilikom posjete tržnom centru kupci se mogu uvjeriti u najniže cijene u regiji i veliku zastupljenost domaćih proizvoda na našim policama. Jednostavno najpovoljnije mjesto kupovine na Unsko-sanskom kantonu. Dođite i uvjerite se. Tradicija je neprolazna.



Kontakt telefoni: +387 37 410 - 820
Caffe bar Mošus +387 37 410 - 002
Agrocentar Pleska +387 37 410 - 666
RADNO VRIJEME: Svakim danom od 08:00h do 21:00h

U BUŽIMU ODRŽAN SIMPOZIJ “ODGOVORNOST ZA KULTURU BOŠNJAČKOG NARODA”


29. oktobar 2017.

U Bužimu u Velikoj sali Centra za kulturu, sport i informisanje održan je simpozij na temu: “Odgovornost za kulturu bošnjačkog naroda” u organizaciji BZK Preporod Bužim i Patriotske lige Bužim. Skup je okupio bošnjačke intelektualce i akademike, a tragalo se za detekcijom odgovornosti za loše stanje u oblasti kulture, kao i mogućim rješenjima. Na samom početku prisutnim su se obratili domaćini i organizatori skupa Muhamed Kržalić ispred BZK Preporod, Sead Šahinović ispred Patriotske lige, te Zikrija Duraković Općinski načelnik Općine Bužim. Dekan Fakulteta političkih nauka u Sarajevu Šaćir Filandra u svom izlaganju je kazao da je 20. stoljeće – stoljeće ideologija, dok je 21. – stoljeće identiteta.

“Čuvanje i izgradnja regionalnog identiteta u globaliziranom svijetu nameće se kao potreba i obaveza ljudi. Svrha današnjeg susreta je kritičko suočavanje sa postojećim stanjem u tom aspektu i neke moguće preporuke izgradnje dugoročnije, stabilnije i prilikama primjerenije politike identiteta na području gdje uglavnom živi bošnjačko-muslimansko stanovništvo. Svjedoci smo da je pitanje identiteta ustvari pitanje 21. stoljeća. Niču brojni identitarni, politički i kulturni pokreti, pa je veoma važno da se u dobu globalizaciju i tom pitanju posveti veća pažnja”, istakao je Filandra.

Jedan od inicijatora susreta prof. Husein Muratović napomenuo je da kultura Bošnjaka, kao i kultura svakog naroda, treba krenuti iz kuće, zatim obrazovnih, vjerskih i ostalih institucija.

“Pored toga, treba se tačno znati šta mora biti cilj kulture, a šta ta kultura ne bi trebala da prihvati u dijelu kada se negira. Dakle, mora se imati odgovor i za one koji, nažalost, negiraju bošnjačku kulturu. I to rade vrlo drsko i bezobrazno, bez ozbiljnih argumenata i sa nečasnim namjerama”, rekao je Muratović.

Akademik Muhamed Filipović istakao je da su Bošnjaci stvorili velika kulturna blaga, ali da ih nisu još do kraja otkopali, skinuli sa njih platinu vremena i različite pokrove koje su njihovi neprijatelji stavili na njih.

“Naša historija i kultura je falsificirana, o nama su drugi govorili, ko smo i šta smo. Definirali su nas i za nas govorili da smo nepismen narod. Imate čitav niz izjava katoličkih monaha koji kažu da je u Bosni vladao mrak nepismenosti, osim što je u nekim samostanima gorila svijeća prosvjete. To je laž. Mi smo imali masovne mektebe, medrese, der-shane, različita učilišta i pismenost i kultura je vlada baš u vrijeme dominacije Bošnjaka. Katoličke književnosti nije bilo dok ovdje nisu došle Osmanlije i islam. Tada je i nastala katolička književnost. Da ne kažem da jedan Ivo Andrić u uvodu svoje doktorske disertacije kaže da se za vrijeme osmanske vladavine ništa značajno, u duhovnom smislu,



u Bosni nije dogodilo. To je tipična i originalna laž”, rekao je Filipović. On je kazao da je baš u tom periodu, Safvet-beg Bašagić u svojoj disertaciji objavio pregled stvaralaštva ljudi iz Bosne na persijskom, arapskom i turskom jeziku. “Još 1718. godine u jednom francuskom časopisu je prevedeno djelo Hasana Kjačije Pruščaka i napisan komentar o njemu. Dakle, i Evropa je znala da smo mi stvorili kulturna blaga i dali naučne doprinose, ali naši susjedi nisu. A zašto nisu? Zato što nisu htjeli da znaju. Oni su htjeli da o nama stvore krivu sliku, odnosno da smo mi svijet koji se sastoji od grupe ljudi, koji je ostatak tuđe vladavine. Tako smo definirani. Da nismo ni narod, nacija, ni skupina, da nemamo svoje kulture, da smo nepismeni, nemamo jezika. Jednostavno, da smo ostatak osmanlijske vladavine koji treba da nestane. To je bila politika i Hrvatske i Srbije, odnosno zvanična politika hrvatskog i srpskog nacionalizma”, istakao je Filipović. Napomenuo je da se, unatoč svemu, ne može uništiti jedan narod, pogotovo

narod koji ima kulturu, a Bošnjaci je, prema njegovim riječima, imaju.

“Svaki naš narod koji živi na selu ima kulturu. Kako? Pa i u selu živi urbano. Naša su sela strukturirana urbano. Zna se gdje je džamija, a gdje mahale. Zna se kako ljudi žive, zna se kakva pravila važe u međusobnim odnosima i životima. Mi nismo stado, već organizirana ljudska zajednica i to smo uvijek i bili. To što se ponekad to zaboravlja je druga stvar. A i tu se radi da naša pseudoelita, odnosno političari i neki drugi ljudi, otuđila od svog naroda i sopstvenog identiteta jer su služili drugima. Što je rekao jedan moj rođak drugom rođaku: ‘Ti moraš Hamide glasati za vladu! Ja ne moram, ja živim na svome i ja sam svoj gospodar!’ Isto tako, i mi moramo biti svoji gospodari na svojoj zemlji! Ovo je naša zemlja i niko nam je nema pravo uzeti”, rekao je Filipović.

Nakon današnjeg simpozija, kako je istaknuto, bit će izvučeni zaključci iz održanih rasprava, poslije čega će biti napravljen zbornik radova. Zbornik će biti ponuđen na razmatranje Ministarstvu obrazovanja, Univerzitetu u Bihacu, srednjim i osnovnim školama, kao i džematima. “Želimo da ljudi imaju jasne i nedvosmislene smjernice kako da očuvaju kulturu bošnjačkog naroda, dok je još vrijeme”, kazao je za kraj prof. Muratović.

ODRŽANO PREDAVANJE NA TEMU “KAKVI SMO I KAKVI BISMO TREBALI BITI?”



11. novembar 2017.

U organizaciji Bošnjačke zajednice kulture „Preporod“ Bužim, održana je javna tribina pod nazivom „Kakvi smo i kakvi bismo trebali biti?“. Glavni gost tribine bio je prof. dr. Nusret Isanović, predavač na univerzitetima u Sarajevu, Tuzli, Zenici i Bihacu. Moderator tribine bio je Amir Sijamhodžić, dok je riječi dobrodošlice prisutnim, u ime „Preporoda“, uputio Dževad Ponjević. Tribina se sastojala iz dva dijela.

U prvom dijelu, prof. dr. Nusret Isanović otvorio je mnoga pitanja koja se tiču našeg trenutnog stanja, kakvi smo to kao narod i kojim putem idemo i kojim bi trebali ići. Posebno je istaknuo naš odnos prema drugima i samome

sebi, kako kao pojedinac doprinijeti društvu i kako odgojiti i usmjeriti čovjeka da služi časno i pošteno svojoj zajednici. Najveću boljku današnjice kod našeg narod u BiH, prof. dr. Isanović vidi u našem nejedinstvu na svim nivoima, a imajući u vidu kompliciranu političku situaciju. Riješenje se vidi u otvorenosti jednim prema drugima, našem zajedništvu i stalnoj komunikaciji svih struktura, u stalnom dijalogu i nudi novih rješenja. Poseban akcenat je dao na obrazovanje mladih i njihov aktivizam u društvu, te njihovu ulogu u preuzimanju odgovornosti. Drugi dio tribine protekao je u diskusiji, gdje su prisutni mogli postavljati pitanja i otvoreno razgovarati o aktuelnim temama današnjice.

PROMOVISANA KNJIGA “KRAJIŠKE IZREKE I POSLOVICE”



18. novembar 2017.

U Centru za kulturu, sport i informisanje u Bužimu održana je promocija knjige “Krajiške izreke i poslovice” autora Amira Sijamhodžića. Knjiga predstavlja etnografsko djelo sa preko 1.000 kratkih narodnih umotvorina koje na specifičan način svjedoče mudrost, pamet i domišljatost krajiškog naroda u proteklim stoljećima. Njen cilj je da svojim sadržajem doprinese širenju spoznaje i saznanja običnim ljudima o bogatstvu krajiške usmene tradicije koja je, nažalost, još uvijek slabo zabilježena.

“Pod umotvorinama se može smatrati sve ono što predstavljaju aforizmi, mudre misli, tvrdnje, uzročice, doskočice, rugalice, pitalice, kletve, šale, pošalice, žalopojke, pa sve do narodnih popijevki koje se mogu čuti u ovom kraju Bosne. Knjigu sam radio poredeći je sa do sada objavljenim knjigama od Ljubušaka, Vehida Gunića, Zlatka Lukića i nekih drugih autora. Sve ono što su oni zabilježili ja sam to izbacio, izuzev možda 10 posto izreka koje su se stilizirale u Krajini kao druge varijante. No, najveći dio predstavljaju fraze, izrazi i poslovice koje su autentično krajiške”, kazao je Sijamhodžić.

Kako se moglo čuti večeras, knjiga “Krajiške izreke i poslovice” donosi preko 90 posto do sada nezabilježenih izraza i poslovice, autentično krajiških. Pored navedenog, “Krajiške izreke i poslovice” predstavljaju, kako je istaknuto, čisto krajiški proizvod, budući da je pored Sijamhodžića, kao autora iz Bužima, na njoj radio dizajner iz Bihaća, ilustrator iz Bosanske Krupe, motiv naslovnice kreirao je Bužimljanin, dok je jednu od recenzija napisao cazinski profesor Rašid Durić. Pored Durića, recenziju knjige uradili su dr. Ibrahim Kajan i dr. Nehrudin Rebihić. Promotorice knjige u Bužimu bile su profesorice Šeherzada Džafić i Almira Džanić sa Pedagoškog fakulteta u Bihaću.

U GALERIJU EKONOMSKOG FAKULTETA U LJUBLJANI POSTAVLJENA IZLOŽBA SLIKA I GRAFIKA SEADA EMRIĆA



20. novembar 2017.

Na Univerzitetu u Ljubljani u galeriji Ekonomskog fakulteta, postavljena je izložba slika i grafika pod nazivom “SUMMA BOSNIACA”, likovnog umjetnika Seada Emrića iz Bužima. U svom slikarskom govoru Emrić izražava ideje, koje proizilaze iz njegovog istraživanja, poznavanja i praćenja historije te kulturne baštine Bosne i Hercegovine. Sve to bogatstvo prošlosti uspješno povezuje u višeslojeviti konglomerat, koji se naginje prema abstrakciji. U svojim radovima Emrić uvijek otkriva elemente pejzaža i mrtve prirode. U likovnom pogledu njegova djela su vrlo plemenita. Ne samo da predstavljaju poštovanje prema kulturnom bogatstvu životne sredine, nego nude i jedan originalni dijalog sa zapadno-evropskim i umjetničko-historijskim stilovima, među kojima osjećamo art nouveau, secesiju i druge stilove. Sead Emrić do sada je imao već nekoliko uspješnih izložbi u R. Sloveniji.

SVEČANOM AKADEMIJOM, IZLOŽBOM FOTOGRAFIJA I KONCERTOM OBILJEŽENO 25 GODINA HORA “GAZIJA“



30. decembar 2017.

Načelnik Općine Bužim Zikrija Duraković, u sali Općine Bužim prvo je ugostio članove hora duhovne muzike i sevdaha “Gazija“ iz Bužima. Povodom prijema je manifestacija 25. godina postojanja bužimskog hora Gazija. Općina Bužim je generalni pokrovitelj ove manifestacije, te je u vezi s tim načelnik Duraković izrazio zadovoljstvo da može biti generalni sponzor, te dao punu podršku radu i djelovanju ovog najstarijeg kulturnog udruženja na području Općine Bužim. Pored toga razgovarano je o dosadašnjoj saradnji, ali i daljnjim planovima Gazija.



kroz vrijeme“, hronologije njihovih nastupa. Posjetioци imali priliku pogledati brojne nagrade i priznanja koje su “Gazije“ dobile za svoj rad.



Nakon prijema svečanom akademijom i koncertom, u Velikoj sali JU “Centra za kulturu, sporta i informisanja“ Bužim, dokumentarnim filmom i izložbom, prigodno je obilježeno 25. godina djelovanja Hora duhovne muzike i sevdaha “Gazija“. Nastali u vihoru rata, bili su nasušna potreba u tim danima jer su na neki način bili moralna podrška borcima 505. viteške brigade Petoga korpusa Armije Republike Bosne i Hercegovine.

Obilježavanje 25. rođendana hora koji je postao svojevrsan krajiški brend, otpočelo je otvaranjem izložbe “Gazije

Nakon izložbe upriličena je svečana akademija na kojoj je brojnim gostima, predstavnicima javnog i kulturnog života, prikazan dokumentarni film “25 godina hora Gazija“, čiji su se članovi, kako je istaknuto, vremenom mijenjali kako su se mijenjale i generacije.

Koncertom su se svojim izvedbama predstavili brojnoj publici, Vahidin Veladžić, solista i član ovog hora ponosan je što je bio dio “Gazija“ ovih 25 godina.



„Gazije“ su kao hor postali prepoznatljivi, ne samo u Bužimu, već i u Krajini, originalni, a ne kopija drugih“, ističe Veladžić.

Sead Emrić, općinski referent za kulturu je u obraćanju naglasio kako Bužim, iako malo mjesto stalno pokušava biti centar kulture naše Krajine, što potvrđuje i 25. godišnjica „Gazija“. Hor duhovne muzike i sevdaha „Gazija“ kako je istaknuto, nadrastao je lokalne okvire, postao poznat ne samo u BiH, već i u zemljama Evrope i Azije. Načelnik općine Zikrija Duraković je uz iskrene čestitke članovima hora, „naglasio kako su oni jedan od brendova Bužima koji o njemu pjevaju u domovini i inostranstvu“.

NEDŽIBOV UMJETNIČKI PUT OD BUŽIMA DO PARIZA



Nedžib Vučelj, član ULUPUBIH-a i Društva pisaca Bosne i Hercegovine je u toku 2017. imao niz kulturnih aktivnosti ostavljajući snažan pečat širom Evrope. Tako je povodom Dana nezavisnosti Bosne i Hercegovine u Parizu u Francuskoj imao izložbu fotografija sa motivima prirodnih ljepota Bosne i Hercegovine i Sandžaka uz promociju fotomonografije „Moja Una“. U Parizu se predstavio i svojom domoljubivom i zavičajnom poezijom, a njegovu poeziju te večeri recitirala su i bošnjačka djeca koja žive u Parizu. Osim Pariza, se za Kurban-Bajram sa sličnim programom predstavio i publici St. Gallenu u Švicarskoj, a povodom Dana državnosti Bosne i Hercegovine i Dana Sandžaka gostovao je u gradu Mainzu u Njemačkoj, gdje je osim izložbe umjetničkih fotografija, promocije fotomonografije o Uni i recitiranjem svoje poezije, govorio o legendarnom komandantu Izetu Naniću i herojskoj borbi 505. Viteške brigade, gledano iz njegovog novinarskog ugla. Treba posebno istaći da je bio specijalni gost poetske večeri u Zagrebu, u organizaciji Udruge pisaca Hrvatske, ogranak Zagreb. Uz poetsko veče predstavio se i sa izložbom fotografija, o kojoj su biranim riječima govorili akademski slikari i umjetnički fotografi. Nedžib je učesnik i književnog karavana „Skender Kulenović“, te Međunarodnih večeri poezije u Bihaću i Cazinu. Tokom prošle godine je bio gost nekoliko osnovnih i srednjih škola u Tutinu i Novom Pazaru, a u Sjenici se predstavio na sličan način kao u Parizu, samo što su mu na izložbi u prvom planu bile fotografije ljepota Krajine.



Također, važno je napomenuti da je u zadnjih nekoliko godina učesnik Međunarodnih fotosusreta u Zagrebu, gdje osvaja niz značajnih priznanja, pa čak i nagradu Grand Prix za najbolju fotografiju. Osvajao je i prvo i drugo mjesto i 2017. godine osvojio je i bronzanu medalju, koja mu je baš falila u nizu njegovih medalja, nagrada i priznanja. U organizaciji foto-kluba „Zagi“ i foto kluba „Zagreb“, te nekih drugih organizacija i udruženja, gdje se takmičilo oko 50 fotografa iz više zemalja Evrope. Nedžib je na temu jeseni za fotografiju „Generacije“ osvojio treće mjesto i bronzanu medalju i priznanje. Sa ovih takmičenja će se raditi i fotomonografija, gdje će se za njegove nagrađene fotografije biti ustupljen prostor.




Salon namještaja "AMIR" Bužim više od 20 godina se bavi prodajom namještaja i bijele tehnike. U salonu koji se nalazi u Bužimu, ul. Generala Izeta Nanića broj 55 nudimo Vam veliki izbor svih vrsta namještaja po cijenama "za svačiji džep".

Na izlogu se nalazi preko 20 vrsta spavaćih soba, 30 modela komoda i regala, preko 35 modela sjedežnih garnitura te čak 40 modela trpezarijskih garnitura, a tu su još i dječije sobe, kuhinje, plakari, klub stolići, kancelarijski namještaj kao i bijela tehnika, te sve to nude uz besplatnu dostavu te mogućnost plaćanja na rate.

Osim prodaje namještaja veliku pozornost posvećuju projektiranju i nabavci namještaja prema zahtjevima kupaca. Firma "AMIR" zapošljava 10 radnika i trenutno je u velikoj investiciji izgradnje novog poslovnog objekta sa 4600 m², gdje u skorijoj budućnosti planira pokretanje proizvodnje namještaja i otvaranje novih radnih mjesta. Firma redovno izmiruje sve obaveze prema radnicima, kao i državi.

Također, važno je napomenuti da su najveća općinska priznanja i nagrade uvijek pripadale najzaslužnijim, za značajan doprinos u razvoju općine Bužim u raznim oblastima društvenog života i rada. Tako je u 2017. godine dodjeljena je nagrada "20. FEBRUAR" firmi doo "AMIR" Bužim za doprinos, rezultate rada, nova zapošljavanja, proširenje privredne djelatnosti i donator je u brojnim kulturnim, vjerskim i humanim aktivnostima na prostoru općine Bužim. Cilj naše domaće firme jeste: osigurati kvalitetnu ponudu po pristupačnim cijenama na zadovoljstvo kupaca.

U toku je i novogodišnja akcija koja Vas - naše kupce i ove godine neće zaobići. Sigurni smo da će svako od Vas pronaći nešto za "sebe". Posjetite nas i uvjerite se u to sami!



**SALON NAMJEŠTAJA
"AMIR"**

Kontakt telefoni: +387 37 410 - 219
+387 61 873 - 033

www: amir-namjestaj.com.ba
email: amir.buzim@bih.net.

RADNO VRIJEME: Ponedjeljak - Subota od 08h do 18h

NEDJELJA I DRŽAVNI PRAZNICI NERADNI

ODIGRAVANJEM 10. MEĐUNARODNOG TURNIRA U SJEDEĆOJ ODBOJCI OTPOČELO OBILJEŽAVANJE SLAVNE BITKE “MUNJA 93“



09. januar, 2017.

Odigravanjem 10. međunarodnog turnira u sjedećoj odbojki u sportskoj sali Osnovne škole “Bužim”, otpočelo je obilježavanje slavne bitke “Munja 93”. Manifestacija je ovo koja će trajati nekoliko dana a u sklopu nje će pored turnira u sjedećoj odbojki biti održano i druženje bivših pripadnika jedinica 505. Vbbr “Hamze i Gazije”, a završiće na dan kad se bitka desila 11. januara obilaskom šehidskog turbeta generala Izeta Nanića, pješačkim maršom od Bužima do Kedića glavice, učenjem jasina i historijskim satom na mjestu održavanja jedne od najslavnijih bitaka u odbrambeno oslobodilačkog ratu `92-`95. Kad je riječ o turniru u sjedećoj odbojki koji je održan prvog dana obilježavanja, jubilarni 10. put, učešće su uzele Ekipe iz Brčkog, Siska i Novske (HR) i domaća ekipa kluba

sjedeće odbojke Bužim. Turnir je otvorio načelnik općine Bužim Zikrija Duraković kratkim obraćanjem u kojem je dao podršku organizatoru, i čestitao deset godina turnira, ali i ekipama koje su stalni gosti u Bužimu na ovom turniru. U finalu su igrale ekipe Sisak i Bužim, a pobjedu je odnijela domaća ekipa. Treće mjesto pripalo je ekipi Brčko Distrikt.

DRUGI PUT ZA REDOM NAJBOLJI SPORTISTA OPĆINE BUŽIM HARUN ŠAHINOVIĆ



16. januar 2017.

Sportski savez općine Bužim upriličio svečanost “Izbor i proglašenje najuspješnijih sportista i sportskih radnika općine Bužim 2016.” kojoj su prisustvovali brojni predstavnici izvršne i zakonodavne vlasti, sportski radnici, profesori, nastavnici, roditelji sportista kao i mnogi drugi građani općine Bužim. Da nisu sportisti samo za “jednu” godinu dokazali su najbolji proglašeni sportisti ove godine koji su ujedno bili i prošlogodišnji dobitnici prestižnih nagrada. Naime, i ove godine za najuspješnijeg sportistu 2016. godine proglašen je po drugi put Harun Šahinović, član Taekwon-do kluba “Asim Bajrektarević Hamza” Bužim, dok su Berina Krupić u ženskoj, a Edin Vučelj u muškoj konkurenciji proglašeni za najuspješnije u konkurentskoj disciplini kao i prošle godine.

“Već drugu godinu zaredom nalazim se na ovom položaju, zbog istog razloga, ali i ovaj put u meni su prisutne neke druge, dodatne emocije i osjećanja. Pored mog ogromnog truda i napora u prethodnoj godini, uspjeh je postignut zahvaljujući nesebično uloženom trudu mojih trenera, Admir i Edina, koji već duži niz godina odvažno obavljaju svoj posao, s ciljem postizanja što boljih rezultata svih članova kluba. Neizostavno je spomenuti i podršku mojih dragih roditelja, koji su od prvog dana uz mene i koji nastoje da mi omoguće sve uslove kako bi što više bio predan svom radu. Ovim putem im se srdačno zahvaljujem, jer je sve ovo produkt njihovog razumijevanja i ljubavi prema meni. Nakon svih ovih priznanja, osvojenih medalja i trofeja, shvatio sam da ništa ne dolazi tek tako, samo od sebe. Za sve šta sam u životu uradio morao sam se maksimalno potruditi i dati sve i jedan dijelić sebe, uložiti višestruk napor, ali svaki put je i vrijedilo” kazao je Harun u svome obraćanju.



Ispred organizatora, Sportskog saveza Bužim, prisutnima se obratio predsjednik Saveza Admir Sijamhodžić, koji je rekao: “Predhodna godina je bila izuzetno uspješna za sportiste i članove Sportskog saveza općine Bužim jer smo ostvarili zapažene rezultate na kantonalnim, federalnim, državnim i međunarodnim takmičenjima. U svojim redovima imamo i članove državne reprezentacije, imamo državne prvake u više disciplina i različitih sportova, kantonalne i međunarodne prvake. Sve ovo govori da se u Sportskom savezu općine Bužim radi na ispravan način, sa profesionalnim odnosom prema odgoju mladih sportista, a koji nam vraćaju na najbolji mogući način-sa svojim i našim uspjesima. Ovim putem želim se zahvaliti Općinskom organu uprave kao i Kantonalnom sportskom savezu na izuzetnoj podršci u radu. Nadamo se da će i ubuduće da ovaj odnos bude na istom nivou.” Prisutnima se obratio i predsjednik Kantonalno sportskog saveza, Emir Dautović, koji je čestitao trenerima, sportistima i njihovim roditeljima koji su najzaslužniji za ostvarene rezultate.

“Investiranje u sport je investiranje u budućnost. Imajući u vidu da je sportska infrastruktura u lošem stanju i da se gotovo svi sportovi treniraju u neuslovnim uslovima opredjeljenja smo da moramo pružiti bolje i kvalitetnije uslove za sport. U narednom periodu učiniti ćemo sve da se završi izgradnja Sportske dvorane ali i da se započne izgradnja školskih sala u onim školama kojima je to prijeko potrebno. Iskrene čestitke svim dobitnicima ali posebno našim privrednicima i ponosnim roditeljima koji nose najveći teret vašeg uspjeha i koji vas uvijek pomažu. Općina Bužim će pružiti pomoć svima koji to zaslužuju u skladu sa svojim mogućnostima” kazao je načelnik Zikrija Duraković.

TITULU NAJUSPJEŠNIJIH U 2016. GODINI PONIJELI SU JOŠ POJEDINAČNO

Žiri za izbor sportiste za 2016. godinu u sastavu: Jusić Minhada-predsjednik, Bajrektarević Edin, Kazaferović Admir, Tahić Amir i Dedić Jusuf-članovi, je imao težak zadatak da od predloženih sportaša izabere one najbolje. Da bužimski sport ima zdrave osnove potvrdila je dodjela Priznanja za sportske perspektive općine Bužim, redom sve do jednog su to mladi spor-

tisti koji su osvajači neke od medalja na međunarodnim, državnim, federalnim i kantonalnim takmičenjima. Dobitnici ovog priznanja su: Livaković Amina, Tahić Amil, Melkić Dženan, Sijamhodžić Amin, Sijamhodžić Nedžma, Ljubijankić Amer, Mulalić Enedin, Šahinović Muhamed, Durić Edina, Kovačević Almedina, Kovačević Amna, Mulalić Almina, Dervić Ilijas, Buljubašić Ibrahim, Mehić Emra i Šahinović Faris. Kategorija „Posebna priznanja Sportskog saveza općine Bužim uručena su sljedećim dobitnicima: Kudelić Esad, Mulalić Hajrudin-Hajro, Isaković Dženis, Ičanović Aladin, Šahinović Sulejman, Sijamhodžić Aldin, Sijamhodžić Semir, Dizdarević Mirza, Dizdarević Arijana, Čatić Amin, Bajrić Merjema, Kudelić Mirza, Mujanović Ehmed, Nanić Adna, Tahić Medina. Najbolji sportista za invalidna lica u 2016. godini je član pikado sekcije Saveza za sport i rekreaciju invalida, osvajač Državnog prvenstva u pikadu, osvajač 2. mjesta na KUP takmičenju BIH te Kantonalni prvak pojedinačno. Sa ekipom je osvojio 1. mjesto na Kantonalnom prvenstvu te 2. mjesto na Državnom prvenstvu ekipno. Ujedno je proglašen i Sportašem godine na USK-a te je Sportaš godine na Državnom nivou. Najbolji sportista za invalidna lica u 2016. godini je Topalović Rasim. Za najuspješnijeg sportskog radnika za invalidna lica u 2016. godini proglašen je Isaković Nijaz. Najuspješniji trener za invalidna lica je Veladžić Jasmin višegodišnji uspješni vođa i trener malonogometne sekcije SSRI koja je u 2016 godini osvojila prvo mjesto na Kantonalnom takmičenju i 2. mjesto na Državnom prvenstvu, u veoma jakoj konkurenciji. Najuspješnija sportska ekipa za invalidna lica u 2016. godini je malonogometna sekcija SSRI koja je osvojila 2. mjesto na Državnom prvenstvu kao i 1. mjesto na Kantonalnom prvenstvu u malom nogometu. Posebno priznanje Sportskog saveza Bužim za osobe sa invaliditetom uručeno je Dautović Sejadu-Dautu, koji je član streljačke sekcije SSRI, Kantonalni prvak, osvajač 2. mjesta na Državnom prvenstvu, i koji je svojim radom, zalaganjem i uspjehom ostvario i Olimpijsku normu. Najuspješnija ekipa u muškoj konkurenciji kada su u pitanju borilački sportovi proglašen je Taekwon-do klub “Asim Bajrektarević-Hamza” Bužim, dok je u ženskoj kategoriji to ekipa Karate kluba Bužim, Najuspješniji trener za 2016. godinu je trener Taekwon-do kluba Asim Bajrektarević-Hamza, Bajrektarević Edin, majstor Taekwon-doa 2. DAN, koji je u 2016. godini sa klubom osvojio ukupno 21 zlatnu, 19 srebrenih i 35 bronzanih medalja te učestvo-



vao na 7 međunarodnih takmičenja od kojih su 2 A kategorije, kao i na Državnom i Kantonalnom prvenstvu. Edin je trener 3 državna i 5 kantonalnih prvaka. Za rezultate ostvarene u borilačkim sportovima Sportski savez Bužim dodjeljuje priznanje sljedećim dobitnicima: Tahić Amir, Ženska ekipa TKD "Fadil Bajrektarević-Gazija", Cazinkić Jusuf, Grošić Humejd, Hadžić Ajdina, Grošić Emin, Posebna priznanja za rezultate ostvarene u ostalim sportovima dobili su Šabić Medin i Porić Hasan. U kategoriji školski sport osnovne škole za najuspješniju učenicu proglašena je Amila Džinić, dok je Čatić Amin proglašen za najus-

pješnijeg učenika u školskom sportu za osnovne škole. U kategoriji školski sport srednje škole za najuspješniju učenicu proglašena je Muratović Adna, dok je Bekir Nanić proglašen za najuspješnijeg učenika u školskom sportu za srednje škole. Najuspješnija ekipa –sekcija u školskom sportu osnovne škole proglašena je Odbojkaška sekcija OŠ Bužim, dok je stonoteniska ekipa proglašena najuspješnijom sekcijom srednjih škola. Najuspješniji pedagog tjelesnog i zdravstvenog odgoja za 2016. godinu je prof. Čatić Amel Posebno priznanje sportskog saveza općine Bužim dodjeljeno je prof. Nerminu Abazović osnivaču Udruženja pedagoga tjelesnog i zdravstvenog odgoja, koji je dao ogroman doprinos u razvoju školskog sporta na području općine Bužim. Najuspješnija kadetkinja za 2016. godinu je Tahić Amila, a najuspješniji kadet je Krupić Mehmed, članovi TKD "Gazija" Vrhovska. Najuspješniji junior za 2016. godinu je Velić Nedžad, a najuspješnija juniorka je Alešević Azra. Najuspješnija ekipa u muškoj konkurenciji loptački sportovi je OK "Bužim" a u ženskoj konkurenciji ŽOK "Bužim". U kulturno-zabavnom programu učešće su uzeli članovi KUD "Sevdah", hor duhovne muzike "Gazija" i Ženski gradski hor.

PROSLAVOM OSVAJANJA LIGE USK-A KK "BUŽIM" OBILJEŽIO UJEDNO I 20 GODINA POSTOJANJA



23. januar 2017.

KK "Bužim" sinoć je svečanim programom obilježio 20 godina postojanja ovog sportskog kolektiva u Bužimu. U svečanom dijelu programa uručene su zahvalnice svima onima koji su do sada podržavali rad i djelovanje ovog sportskog kolektiva. Najbolji poklon koji su igrači i rukovodstvo mogli pokloniti svome klubu za ovaj jubilej jeste svakako osvajanje Kantonalne A2 lige za senior. Predsjednik kluba a ujedno i igrač Kemal Dizdarević usvome obraćanju kazao je: "Večeras smo tu da proslavimo 20 godina postojanja KK Bužim, a ujedno i da proslavimo titulu prvaka. KK "Bužim" je u toku svog postojanja imao kratak prekid u radu zbog nemogućnosti financiranja ali smo taj problem prevazišli i danas smo tu gdje jesmo. Trenutno nemamo mlađe kategorije, ali je i to u planu, završetkom sportske dvorane u Bužimu stećće se uslovi za to. Planovi za budućnost su nam opstanak na vodećoj poziciji u seniorskoj ligi USK, a radićemo i neke projekte u suradnji sa područnim školama gdje je potrebno izvršiti sanaciju igrališta". Svojim prisustvom svečanost je uveličao i općinski načelnik Zikrija Duraković.



"Sama činjenica da se u bilo kojoj oblasti nećim bavite 20 godina je impozantna. Košarkaški klub Bužim kao i ostali sportski kolektivi u svom radu i djelovanju je imao i imaće podršku kako općine Bužim tako i općinskog načelnika. Koristim priliku da čestitam Košarkaškom klubu Bužim i godišnjicu i osvajanje seniorske titule lige USK. Večeras smo tu da se družimo ali i da sagledamo šta nas očekuje u narednom periodu kako bi i saradnja i uspjesi bili bolji".

BUŽIMSKI TAEKWON-DO KLUBOVI BOGATIJI ZA PET NOVIH MAJSTORSKIH ZVANJA

06. februar 2017

Proteklog vikenda okončana je edukacija i seminar za majstorska zvanja u Taekwon-dou. Bužimski Taekwon-do klubovi Hamza i Gazija su postali bogatiji za 5 novim majstora Taekwon-doa.

Krupić Adem i Krupić Naila su uspješno položili za majstorsko zvanje II DAN dok su Velić Nedžad, Krupić Berina i Šahinović Harun postali majstori Taekwon-doa I DAN. Veliku podršku u organiziranju održavanju edukacije i seminara pružili su Sportski savez općine Bužim i matični klubovi. Svi navedeni kandidati ispit su položali pred Taekwon-do instruktorom Okerić Elvedinom V DAN.



U BUŽIMU ODRŽAN SEMINAR TAEKWON-DO KLUBOVA SA PODRUČJA USK-A



13. februar 2017.

TKD "Asim Bajrektarević-Hamza" iz Bužima bio je domaćin i tehnički organizator prvog seminara Taekwon-do klubova ove godine na području USK-a, a koji je održan u sklopu planiranih aktivnosti Taekwon-do Saveza USK. Na seminaru su rađene i uvježbavane borbene tehnike i kombinacije, a krajnji cilj je kako nam je rekao trener Ramo Čehajić, inače majstor Taekwon-doa III DAN i trener kluba "Bosna Demo" iz Cazina, da se klubovi koji

egzistiraju na području USK zblize i ostvare bolju saradnju, ali i da se izvrše i pripreme za Evropsko prvenstvo koje će se održati u Bugarskoj u aprilu ove godine. Seminaru je prisustvovalo oko 80 članova TKD "Asim Bajrektarević-Hamza", TKD "Gazija" Vrhovska i TKD "Bosna Demo" Cazin. Admir Sijamhodžić, jedan od trenera TKD "Asim Bajrektarević-Hamza" iz Bužima izrazio je nadu da će se na listi reprezentativaca naći i članovi bužimskih klubova.

VIII KANTONALNIM KARATE TURNIROM OTPOČELO OBILJEŽAVANJE DANA OPĆINE BUŽIM



18. februar 2017.

UBužimu održavanjem Kantonalnog karate turnira za djecu od 7 do 14 godina "BUŽIM 2017", zvanično počela manifestacija "Dani Općine Bužim". Manifestacija koja traje nekoliko dana a koja se organizira povodom ponovnog dobijanja statusa Općine Bužim 20. februara 1995. godine odlukom ratnog Predsjedništva Republike Bosne i Hercegovine. Na turniru je učestvovalo 18 karate klubova sa preko 300 takmičara. Kako su ove godine učešće na ovom turniru uzeli i klubovi iz R. Slovenije

i Hrvatske samim tim dobio je i internacionalni karakter. Pored pomenutih klubova učešće su uzeli i klubovi iz Banjaluke, Bos. Kostajnice, Bihaća, Cazina, Velike Kladuše, Ključa, Bosanskog Petrovca, Sanskog Mosta, Bosanske Krupe i klub domaćin Bužim. Prije samog početka turnira KK "Bužim" je dodijelio zahvalnice za razvoj karate sporta na području općine Bužim. Turnir je nakon intoniranja himne i pozdravnih riječi organizatora, otvorio načelnik općine Bužim Zikrija Duraković. Predsjednik karate saveza USK Samir Cazinkić u svom obraćanju izrazio je zadovoljstvo činjenicom da je ovaj karate turnir dobio internacionalni karakter, ali istovremeno izrazio žaljenje zbog neodlaska reprezentativke Selme Smlatić na Evropsko prvenstvo u Bugarskoj. "U znak protesta Kantonalni karate savez USK donio je odluku da po prvi put neće učestvovati na "TK Open" ove godine u Tuzli, rekao je. Načelnik općine Bužim Zikrija Duraković u svom obraćanju se zahvalio svima na učešću i poželio im dobrodošlicu u Bužim, rekavši da će ovaj turnir i u budućnosti imati podršku kako općine Bužim tako i općinskog načelnika, te se nada da će ako Bog da dogodne ovaj turnir biti održan u novoj bužimskoj



Sportskoj dvorani. Predsjednik Karate kluba Bužim Sejfo Mulalić izjavio je da je zadovoljan organizacijom turnira,

unatoč lošim vremenskim prilikama. Sama činjenica da na turniru učestvuje više od 300 takmičara govori dovoljno o samom turniru te je ovo, na neki način, uvod u takmičarski dio sezone u ovoj godini. Najuspješniji klub i ubjedljivu pobjedu u ukupnom poretku osvojio je KK „Regeneracija“ iz Velike Kladuše osvojivši ukupno 115 bodova i 18 zlatnih, 14 srebrenih i 33 bronzane medalje. Drugo mjesto osvojio je KK „Feniks“ Bos. Krupa koji su osvojili 7 zlatnih, 5 srebrenih i 1 bronzana medalja sa ukupnim brojem bodova od 32. Treće mjesto su osvojili karatisti KK „Bihac“ sa osvojenih 5 zlatnih, 6 srebrenih i 4 bronzanih medalja, sa 31 ukupno osvojena boda. Naš KK „Bužim“ je osvojio 6 mjesto sa 3 zlatne, 3 srebrene i 8 bronzanih medalja i ukupno 23 osvojena boda.

BUŽIMLJANIN MEDIN ŠABIĆ NASTAVLJA DA NIŽE ODLIČNE USPJEHE U ŠAHU



27. februar 2017.

U organizaciji Šahovskog kluba Garešnica održan je Memorijalni turnir „Garešnica 2017.“ u R. Hrvatskoj na kojem je učešće uzeo i bužimljanin Medin Šabić koji je u jako teškoj konkurenciji od ukupno 70 igrača osvojio 1. mjesto u juniorskoj kategoriji sa osvojenih 6.5 poena. U ovoj godini ovo je već drugi odličan rezultat mladog šahiste u Republici Hrvatskoj jer je na 26. Memorijalnom turniru općine Hercegovac (Bjelovarska županija) u mjesecu januaru u jako teškoj konkurenciji pored 70 aktivnih igrača, također osvojio je 1. mjesto u juniorskoj kategoriji s osvojenih 4,5 bodova. Inače, Šabić u kategoriji juniora ima najviši FIDE rejting u Unsko-sanskom kantonu, a od titule majstorski kandidat (MK) ga dijeli još samo 120 FIDE rejting bodova što se nadamo da će uskoro postići.

BUŽIMSKI TKD KLUBOVI SPREMNI ZA EVROPSKO PRVENSTVO U BUGARSKOJ



18. april 2017.

U sali općine Bužim općinski načelnik Zikrija Duraković upriličio prijem za predstavnike i takmičare Taekwon-do kluba „Asim Bajrektarević – Hamza“ i Taekwon-do kluba „Gazije“ Vrhovska koji će predstavljati Bosnu i Hercegovinu i našu Općinu na Evropskom prvenstvu koje će se održati u Bugarskoj. Naime, 32. seniorsko i 23. juniorsko Evropsko prvenstvo u Taekwon-do održat će se od 20. do 23. aprila u Sofiji gdje će nasutpiti 592 prijavljena takmičara iz 31 države, a ukupno će nastupiti i šest Bužimljanki i Bužimljana. Za Taekwon-do klub „Asim Bajrektarević – Hamza“ nastupit će Vučelj Edin i Harun Šahinović, dok će za Taekwon-do klub „Gazije“ nastupiti: Tahić Amir, Krupić Najla, Krupić Adem i Krupić Berina. Kako bi odlazak naših takmičara bio moguć na ovo takmičenje uključili su se i općina Bužim, matični klubovi takmičara kao i Sportski savez USK i Sportski savez općine Bužim.

“Vi ste naši ambasadori, ne predstavljate samo sebe i svoje klubove nego i nas, našu Općinu ali i državu BiH. Do sada ste se vraćali sa medaljama sa ovog takmičenja i nadamo se da ćete i sada obradovati prije svega svoje roditelje koji nose najveći teret vaših uspjeha, a samim tim i sve nas. Samo učešće na ovom takmičenju za nas je uspjeh jer ćete ponijeti zastavu i predstaviti našu državu ili i općinu Bužim. Naša pomoć je neupitna i svakako da ćemo uvijek biti tu uz sve one koji predstavljaju našu Općinu na ovakvim i sličnim takmičenjima, u skladu sa našim mogućnostima. Želimo Vam puno sreće i uspjeha” kazao je načelnik Duraković.

“Zahvaljujemo se Općinskom načelniku na odvojenom vremenu i podršci koju nam je iskazao da bi naši takmičari mogli otići na ovo takmičenje. Naše klubove predstavlja šest takmičara kojima želimo puno sportske sreće, da sretno oputuju i vrata se svojim kućama. Konkurencija je izuzetno jaka ali mi ne sumnjamo u naše predstavnike da će dati sve od sebe i da će nas dostojno predstaviti” kazao je predsjednik SSO Bužim Admir Sijamhodžić.

U BUŽIMU ODRŽAN DRUGI MEĐUNARODNI 24 SATNI MILSIM AIRSOFT SUSRET “GREEN FOREST III”




22. maj 2017.

Airsoft klub “Otpisani” nastavlja uspješno da organizira međunarodne airsoft susrete koji iz godine u godinu okupljaju sve veći broj airsoftera iz više zemalja. Prošlogodišnji prvi 24 satni milsim airsoft susret u BiH koji su organizirali pokazao se kao odlična promocija i reklama što je polučilo još veći odaziv učesnika ove godine. Tako je ovogodišnji četvrti međunarodni airsoft susret kodnog imena “GREEN FOREST III” okupio trideset klubova sa više od 200 airsoftera iz Bosne i Hercegovine, Hrvatske, Slovenije i Njemačke. Okupljanje učesnika i pripreme za polazak obavljani su na platou OŠ “Bužim” gdje je upriličeno zajedničko slikanje i date posljednje upute igračima. Generalni sponzor ovog susreta bila je Općina Bužim a prisutnim se obratio Općinski načelnik Zikrija Duraković.

“Sam broj ‘četvrti’ govori da je ovo druženje postalo tradicionalno okupljanje i druženje ljudi koji vole ovu vrstu sporta. Imamo učesnike iz susjednih zemalja što daje susretu karakter internacionalni i ovo je jedna lijepa prilika za promidžbu našeg Bužima, jer se ovi susreti održavaju u prirodnom okruženju. Naši gosti će biti u prilici da vide s kakvim to prirodnim ljepotama raspoložemo i u povratku u svoje sredine dalje iste promovišu. Prva misao organizatora jeste da budu dobri domaćini, da gostima bude lijepo i ugodno i da sve prođe u drugarskom raspoloženju i mi im u tome želimo puno sreće”, kazao je načelnik Duraković.

Kao i predhodnih godina svi oni mogli su uživati u odlično pripremljenom poligonu i na najbolji način su imali priliku osjetiti sve čari ovog vojno-simulacijskog sporta raspoređenih na tri strane. Da bi sve proteklo u najboljem redu igrom su koordinirali moderatori koji su bili zaduženi za sam tok odvijanja igre. U 24h borbi uspješniji sa više odrađenih zadataka bila je ekipa Waf.



“Kao i prošle godine imamo oko 200 igrača iz susjednih zemalja. Teren je isti kao i prošle godine, a što se tiče scenarija priča Green forest se nastavlja, s tim da smo malo promijenili strane da začinimo kompletnu igru. Nadamo se da će vrijeme biti lijepo. Igrači su drugarski raspoloženi, neki se i ne vide cijelu godinu pa je ovo prilika da i pored igre razmijenu i svakodnevne životne priče. Inače, Green forest je najveći airsoft susret u BiH. Ima nekih naznaka da bi i drugi klubovi mogli početi sa ovakvom organizacijom i mi se tome veselimo i nadamo se da ćemo uzeti učešće u svim tim susretima” predsjednik kluba ASK “Otpisani” Fuad Duraković.

Iako je ovaj vojno-simulacijski sport relativno mlad u Bosni i Hercegovini, mladi airsofteri iz Bužima su posljednjih godina postali prepoznatljivi kako u domovini tako i izvan nje i svake godine postavljaju nove granice. Zbog samog nivoa ozbiljnosti kojim klub iz Bužima pristupa organizaciji ovakvih susreta najbolje govori činjenica da je broj učesnika iz godine u godinu veći. Airsoft klub “Otpisani” iz Bužima osnovan je 7. oktobra 2013. godine. U godini od osnivanja vrijedni članovi kluba uložili su značajna sredstva u realizaciju ideje i osnovali klub koji radi na popularizaciji airsofta na području Unsko-sanskog kantona.

BUŽIMSKI NOGOMET ČEKA SVIJETLA BUDUĆNOST

30. maj 2017.

Proteklog vikenda odigrane su posljednje utakmice nogometnog prvenstva Bosne i Hercegovine za nogometnu sezonu 2016/2017. Ekipa bužimskog NK "Vitez"-a koja se takmičila u Drugoj ligi Federacije BiH grupa "Zapad", sezonu je završila na 10. mjestu sa 23 osvojena boda i samim tim dokazala da je stabilan član ovog ranga takmičenja.

Kada su u pitanju mlađe kategorije NK "Vitez" ima svijetlu budućnost. Naime, kadeti i pioniri postigli su solidne rezultate, dok je najbolja sekcija predpionira koja je ove godine igrala finale za prvaka USK-a. U finalu bolji od naših predpionira bila je ekipa domaćina NK "Ključ". Tako su naši mališani osvojili drugo mjesto na ovom takmičenju, a predhodno su pobijedili ekipu Jedinstva iz Bihaća. Za sve selekcije slijedi pauza do polovine jula kada počinju pripreme za iduću sezonu. Prilika je ovo da se pozovu svi zainteresirani omladinci da se priključe treninzima NK "Vitez" koji se održavaju svakim danom na gradskom stadionu u Bužimu.



ZAVRŠEN ČETVRTI VITEŠKI TURNIR U STRELJAŠTVU



13. august 2017.

U okviru manifestacije "Slobodarski dani viteškog grada Bužima", održan je četvrti tradicionalni Viteški turnir u streljaštvu, disciplina vazдушna puška 10 metara, u organizaciji streljačkog kluba "OMLADINAC". Kao i prošle godine na turnir su se prijavila 24

takmičara. Nakon probnih gađanja i prvog kruga, u drugi krug se plasiralo 12 takmičara koji su bili najbolji iz prve serije. Nakon gađanja u drugom krugu u finale se plasiralo 6 takmičara: Jusuf Alešević, Semir Odošahić, Sead Smajlović, Rijad Bašić, Dževad Dedić i Mersudin Nanić.

U finalnoj seriji najmirniju ruku i najbolje pogotke postigli su slijedeći takmičari koji su ujedno i najbolje plasirani na ovom turniru, a njihova imena su Jusuf Alešević, Semir Odošahić i Sead Smajlović. Četvrto mjesto zauzeo je Rijad Bašić dok su peto mjesto podijelili istim brojem bodova Dževad Dedić i Mersudin Nanić. Za finaliste takmičenja organizatori su obezbijedili diplome i majice kluba kao i za najstarijeg tamičara Memić Sulejmana i najmlađeg takmičara Emsada Jusića. Za regularnost samog takmičenja bile su zadužene sudije turnira Dautović Sead i Jusić Nevsad.

NK "BRATSTVO" POBJEDNIK 15. MEĐUNARODNOG TURNIRA VETERANA U VELIKOM FUDBALU



14. august 2017.

Veterani NK "Bratstva" Bužim pobjednici su ovogodišnjeg 15. međunarodnog turnira za veterane koji se igra u čast svih boraca-šehida 505. viteške brigade i generala Izeta Nanića. Ove godine na turniru učešće su pored domaćina NK "Bratstvo" uzele ekipe veterana NK "Čelik" Zenica, NK "Iskra" Bugojno i NK "Črni graben" R. Slovenija.

Nakon međusobno odigranih utakmica ekipa domaćina je zauzela prvo mjesto dok je NK "Črni graben" zauzeo drugo mjesto. U utakmici za treće mjesto uspješnija je bila ekipa NK "Iskra" Bugojno. Fair play ekipa ovog

turnira je NK "Čelik" Zenica. Najbolji strijelac turnira sa tri pogotka bio je prvi kapiten reprezentacije BiH Vlatko Glavaš igrač NK "Iskra" Bugojno. Za najboljeg igrača proglašen je Primoš Travnik iz ekipe NK "Črni graben" R. Slovenija. Najbolji golman turnira je Fahrudin Adilović iz NK "Čelik" Zenica. Po završetku turnira upriličeno je druženje koje je trajalo do kasno u noć.

“MRAMOR ČIČKO BUŽIM“ POBJEDNIK OVOGODIŠNJEG MALONOGOMETNOG TURNIRA “IZET NANIĆ”



“MRAMOR ČIČKO” BUŽIM

14. augusta 2017. godine odigrana je i posljednja utakmica ovogodišnjeg 21. tradicionalnog malonogometnog Memorijalnog turnira “Izet Nanić” gdje su ljubitelji malog fudbala mogli uživati u odličnim majstorijama i vrhunskim potezima koje je publika aplauzima vrijedno nagrađivala. Za seniorski dio turnira prijavile su se 44 ekipe koje su bile raspoređene u grupnu fazu takmičenja. Tako je turnir počeo s 12 grupa sa po tri ekipe i 4 grupe sa po 2 ekipe u grupi. U daljni tok takmičenja iz svake grupe plasirale su se dvije najbolje ekipe koje su se plasirale dalje i na taj način dobili smo parove 1/16 finala, a zatim 1/8, 1/4, 1/2 finale, te na kraju i finalni par 21. Memorijalnog malonogometnog turnira Izet Nanić gdje su se sastale ekipe “Mramor Čičko Bužim” i “Putnik prevoz”. U odličnoj nogometnoj predstavi više nogometnog znanja i vještina pokazala je ekipa “Mramor Čičko Bužim” koja je na kraju slavila rezultatom 2:1. Utakmicu za 3. mjesto seniorske kategorije odigrale su ekipe “Denaro” i “Farmeri Bužim” gdje je bolja bila ekipa “Denara” koja je slavila rezultatom 2:0.

Za djecu u kategoriji U15 (2002. godište i mlađi) prijavilo se 14 ekipa, dok je u kategoriji U13 (2004. godište i mlađi) prijavilo 8 ekipa gdje se igrao nokaut sistem. U kategoriji U13 u finalu su se sastale ekipe “Banana Joks” i MNK “Hamza” gdje je bolja bila ekipa “Banana Joks” koja je slavila rezultatom 2:0. Treće mjesto u ovoj kategoriji osvojila je ekipa “Mahmić most”.

U kategoriji U15 u finalu su se sastale ekipe “Pit stop” i “Zmajevi Vrnograč” koja je završena rezultatom 1:1 da bi nakon izvođenja penala više sreće imala ekipa “Pit stop” koja je slavila rezultatom 3:2, dok je ekipa “Malo Sarajevo” zauzela treće mjesto. Za obje kategorije dodijeljene su pehari, medalje i novčane nagrade za tri prvoplasirane ekipe.

Najbolji strijelac ovogodišnjeg turnira je Emir Hasanović (Putnik prevoz), najbolji igrač Halid Delić (Mramor Čičko Bužim), dok je najbolji golman Kenan Grošić (Putnik prevoz). Prije samog proglašenja najboljih ekipa i ove godine dodijeljene su zahvalnice za nesebičnu pomoć sudcima u realizaciju malonogometnog turnira a njihova imena su: Hasan Brkić, Haris Kudelić i Rašid Hašić. Također su dodijeljene i plakete navijačkim skupinama “Horde zla” (FK “Sarajevo”), “Manijaci” (FK “Željezničar”) i “Gerila” (NK “Travnik”) jer su se sjetile i odale počast generalu Izetu Naniću na svojim utakmicama.

Pehar pobjedniku i nagradu prvoplasiranoj ekipi uručio je načelnik općine Bužim Zikrija Duraković. Cjelokupan turnir ponudio je majstorije nogometnih majstora koje su gledaoce na trenutke ostavljale bez daha. Imena igrača, posjeta, odlični potezi haklera su opravdali status najboljeg i najmasovnijeg turnira na ovim prostorima. Podsjećamo pobjednici su nagrađeni iznosom od 1.500 KM, drugoplasirana ekipa dobila je 700,00 KM dok je trećeplasirana ekipa nagrađena iznosom od 300,00 KM.



“PUTNIK PREVOZ



“DENARO”



“FARMERI BUŽIM”



U15 “PIT STOP”



U13 “BANANA JOKS”



REVIJALNA UTAKMICA

U BUŽIMU ZAVRŠNICA “OTVORENE ZABAVNE ŠKOLE NOGOMETA”



31. august 2017.

U Bužimu na stadionu NK “Vitez” održana završnica “Otvorene zabavne škole nogometa”. Ovogodišnja nogometna škola je sa područja USK obuhvatila tri općine: Cazin, Veliku Kladušu i Bužim, a u kojoj su mališani uzrasta od 7 do 12 godina imali priliku da nauče osnove sporta, te da na zabavan, kreativan i kvalitetan način upotpune zadnje dane školskog raspusta. Svi učesnici su imali besplatne prijevoze, hranu i rekvizite, a po završetku svako od njih je dobio diplomu i majicu. Sve tri općine su imale po 64 učesnika o kojim se brinulo 12 trenera i 3 lidera. Učesnicima se na završnici kratko obratio načelnik Općine Bužim Zikrija Duraković, koji je izrazio svoje zadovoljstvo što je i Općina Bužim stala iza ovog projekta, a kako je kazao trudiće se da se i u buduće nastavi uz još bolju organizaciju.

“Mi smo ovaj projekat zajedno sa našim prijateljima iz Cazina i Velike Kladuše organizovali, i ja sam danas presretan, što vidim ovu dječicu nasmijanu, i njihova jedina poruka je da žele ovo i naredne godine i mi smo naravno tu da njihovom želju ispunimo. Ovaj i svaki projekat ovog karaktera imaće podršku općine Bužim, i rado ćemo biti pokrovitelji ovakvih manifestacija” kazao je načelnik Duraković.

“ U ovom projektu smo već 6 godina, pauzirali smo dvije godine ali evo ponovo se vratili, djeca su sretna i ne znamo kako ćemo se danas oprostiti jer su se djeca jako zbližila.



U ovoj školi nema pobjednika jer su svi pobjednici, i ovo je jedinstvena prilika kako povezati omladinske sportove” kazao je jedan od lidera Nedžad Durić. Ovaj humanitarni projekt pod nazivom “Otvorene zabavne škole nogometa”, koji organizira Danska nevladina organizacija CCPA (Cross Cultures Project Association) se koristi zabavnim igrama i pedagoškim zabavnim nogometom kao konceptom za stimulaciju pomirenja, približavanja i izgradnje mira među zajednicama različitih etničkih struktura. Ovaj projekt je započeo još 1998. godine u poslijeratnoj Bosni i Hercegovini, a danas živi u skoro svim zemljama bivše Jugoslavije te u još petnaestak zemalja Kavkaza, Bliskog Istoka i Afrike. Projekt na Balkanu financira UEFA, te lokalne zajednice sudionice projekta. Također, značajna podrška ostvaruje se i s krovnim kućama nogometa, kroz razvoj “Grassroots Football” projekta u zemljama Balkana.

BUŽIMSKE ODBOJKAŠICE AMINA I AMILA U REPREZENTACIJI USK



12. septembar 2017.

Mlade i perspektivne odbojkašice Amina Mulalić i Amila Šahinović zbog svoje igre u klubu i osvajanja visokog drugog mjesta zasluženo dobijaju poziv u reprezentaciju Unsko- sanskog kantona.

One će sa reprezentacijom nastupati na Igrama prijateljstva u Sloveniji, Novo Mesto. Sam poziv je očekivao i njihov klupski trener Aladin Ičanović koji ističe da su one dosta doprinijele samim uspjesima kluba. Ičanović vjeruje da će opravdati ukazano povjerenje selektora Muhameda Ramića i Alije Mešanovića te ponosno predstaviti Općinu Bužim i Unsko-sanski kanton. Prvi test su uspješno položile na pripremnoj utakmici u Mostaru sa istoimenom ekipom koju su pobjedile rezultatom 3:1.

BIVŠI IGRAČ VITEZA NIJE ZABORAVIO SVOJ KLUB



21. septembar 2017.

NK "Vitez" iz Bužima dobio dva kompleta dresova i sportske opreme za seniorsku ekipu, a sve zahvaljujući svom bivšem igraču Senaidu Naniću-Mumi i njegovom prijatelju Dizdarević Edinu iz Sanskog Mosta. Da se Bužim i nogometni klub Vitez voli i ne zaboravlja tako lako pokazao je svojim gestom naš sugrađanin sa privremenom adresom u St Galenu. Dresove i opremu danas su na stadionu NK Vitez primili predsjednik kluba Suvad Šahinović Regan i trener ekipe Edham Eminić. U ime kluba i svih ljubitelja nogometne igre iskrenu zahvalu donatorima, vrijedne sportske opreme, Senaidu i Edinu, uputio je predsjednik kluba Nogometnog kluba Vitez Bužim. Da li će sutra Vitez na domaćem terenu zaigrati u novim dresovima protiv ekipe Brekovica i tražiti novu pobjedu u jesenjem dijelu prvenstva saznaće svi oni koji dođu na utakmicu i daju podršku najstarijem sportskom kolektivu sa područja općine Bužim.

EDNA MUSTAFIĆ NAJUSPJEŠNIJA TAKMIČARKA "CAZIN OPEN 2017."

18. oktobar 2017

Unedjelju 15.10.2017.god. u Gradskoj dvorani Cazin u organizaciji KS USK-a a u tehničkoj organizaciji karate kluba "Krajina-Shotokan-Cazin" održao se karate turnir za djecu, kadete i juniore, „CAZIN OPEN 2017” na kojem je učestvovalo 489 takmičara iz 27 klubova sa područja USK-a te gosti iz Novog Grada, Kostajnice, Prijedora i Banja Luke te iz RH karate klub Rijeka.

Turnir se odvijao u „katama“ i „borbama“ u više različitih kategorija. Ispred Karate kluba „Bužim“ iz Bužima učestvovalo je 20 takmičara. U ukupnom plasmanu od 27. klubova Karate klub „BUŽIM“ zauzeo je 7. (sedmo) mjesto. Edna Mustafić bila je najuspješnija takmičarka turnira sa osvoje 3 (tri) zlatne medalje za Karate klub „Bužim”.



TKD KLUB "GAZIJA" OSVOJIO 12 MEDALJA NA "III BLACK BELT CUP" U AUSTRIJI



21. novembar 2017.

Proteklog vikenda, tačnije 18. novembra 2017. godine u R. Austriji tačnije Sankt Pöltnu, održan je Međunarodni ITF TKD turnir pod nazivom "III Black Belt Cup". Na turniru je uzelo učešće oko 350 takmičara iz 8 zemalja: Austrija, Moldavija, Pakistan, Mađarska, Češka, Slovačka, Slovenija, te Bosna i Hercegovina. TKD Klub "Gazija" iz Vrhovske-Bužim je nastupio sa 7 takmičara, gdje je osvojeno ukupno 12 medalja, od toga 5 zlatnih, 5 srebrenih i 2 bronzane medalje. Zlatne medalje osvojili su Krupić Edina, Berina, Mehmed, Begović Hasan i Ćordić Aida. Po dvije srebrene medalje su osvojili Amila Tahić i Mevlid Cinac.

Jednu srebrnu medalju osvojila je Edina Krupić, dok su Mehmed Krupić i Berina Krupić osvojili po bronzanu medalju.





ABI COMERC doo Bužim je građevinska firma koja je osnovana 2008. godine i jedna od vodećih firmi u industriji građevinskog materijala na području Unsko-sanskog kantona, te je prepoznatljiv na tržištu kao najcjenjeniji veleprodajni distributer. Osnovna djelatnost firme je veleprodaja i maloprodaja roba. Pored toga bave se proizvodnjom ALU i PVC stolarije i garažnih vrata kako za domaće, tako i za međunarodno tržište. Sjedište firme je u općini Bužim, Bosna i Hercegovina, u ulici Generala Izeta Nanića bb

Abi Comerc d.o.o. na skladištu posjeduje više hiljada proizvoda u svim kategorijama relevantnim u građevinskoj industriji.

Zahvaljujući višegodišnjem iskustvu osnivača, firma je kreirala strategiju rada i razvoja tako da smo postali prepoznatljivi po asortimanu, kvaliteti cijenama i distribuciji roba. Stalnim ulaganjem u razvoj poslovanja, modernizaciju, zapošljavanjem stručnog kadra te kompletiranjem usluga nastoji ispuniti očekivanja najzahtjevnijih kupaca. Od osnivanja firme, Abi Comerc d.o.o je stalno rastao i trenutno zapošljava 26 radnika.

Pozivamo Vas da ih posjetite u njihovom prodajnom objektu gdje se nalazi izložbeni salon u kom kupci i partneri mogu pogledati kako izgleda sve na jednom mjestu.



d.o.o. **ABI**
Comerc

Kontakt telefoni: +387 37 411-004
+387 61 919-510
+387 61 734-622
Telefon fax: +387 37 410-644

RADNO VRIJEME:
Svakim danom od 08h do 17h
BAJRANSKIM I DRŽAVNIM
PRAZNICIMA SE NERADI
www.abicomerc.ba

POTPISAN UGOVOR ZA ZAVRŠETAK RADOVA NA IZGRADNJI SPORTSKE DVORANE U BUŽIMU



03. mart 2017.

U prostorijama Turske razvojne agencije za BiH (TIKA) u Sarajevu potpisan je ugovor o završetku druge faze radova na izgradnji Sportske dvorane u Bužimu koja podrazumijeva sve radove do otvorenja. Ugovor su potpisali Safet Kovačević, direktor firme Kovgrad iz Bužima i Omer Faruk Alimci, zamjenik koordinatora Turske razvojne agencije za BiH (TIKA). Svečanom potpisivanju ovog izuzetno značajnog ugovora za sve građane Bužima prisustvovao je i općinski načelnik Zikrija Duraković. Vrijednost potpisanog ugovora iznosi 1.4 miliona konvertibilnih maraka.

Prva faza izgradnje bužimske sportske dvorane uspješno je završena krajem 2015. godine, a vrijednost izvedenih radova iznosila je blizu 700.000 KM. Ova faza obuhvatala je zemljane radove, te izradu armirano – betonske konstrukcije. Prošle godine, direktor Turske razvojne agencije u Bosni i Hercegovini Huseyin Šanli iskazao je volju i zainteresiranost da se TIKA, kao investitor, uključi u izgradnju bužimske sportske dvorane, čime bi preuzela finansiranje druge faze radova, koja podrazumijeva unutrašnje radove i vanjsko uređenje objekta i okoliša sa pratećim sadržajima.

Potpisivanjem današnjeg ugovora stvoren je i posljednji preduslov za završetak jednog od najznačajnijih projekata od osnivanja Općine Bužim, posebice za sportiste i sportske radnike.

“Ovo je poseban dan za sve Bužimljanke i Bužimljane posebno one okupljene oko sportskih klubova i koji se brinu za razvoj sporta u našoj Općini. Kako je planirano ovim ugovorom završetak radova se očekuje do kraja ove godine. Hvala svima koji su se uključili i dali svoj doprinos na bilo koji način da ovaj projekat zaživi i da danas imamo ovo svečano potpisivanje ugovora. Posebno i veliko hvala Bošnjačkom članu Predsjedništva Bakiru Izetbegoviću koji je dao veliki doprinos realizaciji ovog kapitalnog projekta, također bratskom narodu Turske na čelu sa predsjednikom Erdoganom koji su putem agencije TIKA-e prepoznali ovaj projekat i preuzeli obavezu da ga završe i privedu namjeni”, rekao je Zikrija Duraković, načelnik općine Bužima.

Od današnjeg dana firma Kovgrad u obavezi je da do kraja ove godine završi sve navedene radove.

PREDSTAVNICI TIKE POSJETILI OPĆINU BUŽIM I RADOVE NA IZGRADJI II FAZE SPORTSKE DVORANE



16. mart 2017.

Nakon što je u Sarajevu potpisan milionski ugovor predstavnici Turske razvojne agencije (TIKA) posjetili su općinu Bužim povodom početka rado-

va na izgradnji II faze izgradnje Sportske dvorane u Bužim i kako bi potpisali sporazum sa nadzornim organom te izvođačem radova i općinom Bužim o ustupanju lokacije izvođaču radova.



Tako je u sali općine Bužim upriličeno potpisivanje sporazuma gdje su pored općinskog načelnika prisustvovali direktor firme Kov-grad iz Bužima, direktor firme Euroing iz Bihaća, a svečano potpisivanju ugovora prisustvovali su predsjedavajući Općinskog vijeća, predsjednici klubova u Općinskom vijeću, te kantonalni zastupnici u Skupštini Unsko-sanskog kantona i direktor Centra za kulturu, sport i informisanjem Bužim.

“Danas su nam u posjeti i obilasku lokacije sportske dvorane u Bužimu predstavnici Turske razvojne agencije za BiH. Ovo je prilika da se njima kao i svima koji su omogućili da se izgradi ova sportska dvorana u Bužimu zahvalimo. Takođe prilika da se uruči plaketa Općinskog vijeća koje je ove godine agenciji dodijelilo istu, a sve u smislu zahvalnosti za sve ono što je TIKa uradila i što će uraditi na području naše općine. Upoznali smo ih konkretno sa trenutnim stanjem projekta, šta sve treba u narednom periodu uraditi, i mi očekujemo da će u što skorije vrijeme, odnosno prije isteka onog roka po ugovoru o izgradnji ova sportska dvorana biti završena i da će Bužim dobiti jedan prekrasan objekat koji će unaprijediti sport i rad svih sportskih kolektiva na području naše Općine” kazao je načelnik Duraković.

Nakon održanog sastanka i potpisivanja sporazuma predsjedavajući Općinskog vijeća Safet Ljubijankić uručio je “Plaketu” predstavnicima Turske razvojne agencije (TIKA) koja im je dodijeljena na Svečanoj sjednici Općinskog vijeća povodom Dana Općine Bužim. Nakon svečanog djela delegacija je posjetila i radove na izgradnji sportske dvorane.

“Danas smo u posjeti Općini Bužim kako bi predali lokaciju izvođaču radova. Vidimo da su radovi započeti što nam je jako drago. Znamo koliko je za zdravlje ljudi bitan sport i aktivnosti vezane za sport. Jako nam se sviđelo što smo čuli danas na sastanku da će se ova dvorana koristiti i za školu u Bužimu. Vjerujemo da će iz ove sportske dvorane izaći neki veliki sportisti koji će na svjetskom ili evropskom nivou predstavljati ovaj grad i donijeti medalje. Koristim priliku da se zahvalim načelniku Općine Bužim na lijepom prijemu i gostoprimstvu. Želim da naglasim da nam je jako drago da je naš prvi projekat u Bužimu sportska dvorana u kojoj se danas nalazimo”, kazao je zamjenik koordinatera Turske razvojne agencije za BiH Omer Faruk Alimci.

OTKLONJENA I POSLJEDNJA PREPREKA IZRADNJE ZAIBILAZNICE U BUŽIMU: U TOKU RADOVI NA NOVOJ DIONICI

22. mart 2017.

Direkcija za ceste Unsko-sanskog kantona investitor je bužimske zaobilaznice na koju se čeka već dvadeset godina. Dosada je završena prva faza izgradnje od oko 900 metara, vrijedna milion konvertibilnih maraka. Ovih dana privode se kraju zemljani radovi na izgradnji zaobilaznice Bužim, i nakon što su riješeni imovinsko - pravni odnosi sa jednim od vlasnika zemljišta nastavljen je izgradnja druge faze radova na zaobilaznici a ona podrazumijeva oko 600 metara zaobilaznice od Trga Alije Izetbegovića do Osnovne škole Bužim sa karakteristikama magistralne ceste. Za ovu dionicu prema potpisanom ugovoru predviđeni su zemljani radovi, pripreme i asfaltiranja 200m u ukupnoj vrijednosti od oko 300 hiljada KM.





Kako bi se intenzivirale aktivnosti oko realizacije ovog kapitalnog projekta za Općinu Bužim, Općinski načelnik je u kabinetu održao radni sastanak sa predstavnicima Direkcije za ceste USK-a na kojem su prisustvovali v.d direktor Enver Mustafić, šef projekta Emina Cerić i predstavnik firme Kov-grad.

“U proteklom periodu Općinsko vijeće je svojom odlukom otklonilo zadnju prepreku, odnosno riješilo određene imovinsko-pravne odnose koji su sprečavali dalje radove na ovoj trasi zaobilaznice kroz Bužim, tako da evo s lijepim vremenom i otpočinjanjem građevinske sezone, nastavljeni su radovi na izgradnji druge faze zaobilaznice kroz Bužim. Završetkom ove dionice ovaj projekat će svakako uznapredovati i išao bi u dalju realizaciju, gdje je konačan cilj u što skorije vrijeme dobiti trasu kompletne zaobilaznice u funkciji” kazao je načelnik Duraković.

Kako su potpisanim ugovorom predviđeni ranije navedeni radovi, danas je dogovoreno da se i ostatak ove dionice za koji nisu bili predviđeni asfaltni radovi, da se i taj dio asfaltira, jer je Direkcija za ceste već uvrstila u svom godišnjem planu taj dio. Također istaknut je problem neophodnog planiranja projektiranja i rekonstrukcije puta R-401 kao i daljnja izgradnja trotoara te sanacija klizišta na regionalnim cestama.

Pored toga bilo je govora i o mogućnostima nastavaka ovog projekta u narednom periodu, koji bi doprinio bržem i boljem razvijanju Općine Bužim, te svakako veću prohodnost i manje gužve u samom centru Općine, za što je potrebno da Direkcije za ceste USK-a prvenstveno planira sredstva za eksproprijaciju ali i ostale radove na slijedećoj dionici od Osnovne škole Bužim pa do Sportske dvorane tačnije kod Mješovite srednje škole Bužim. Nakon održanog sastanka prisutni su posjetili trenutne radove.

“Na osnovu odluke Općinskog vijeća koju smo donijeli na jednoj od prethodnih sjednica, izvođač radova je uveden u radove i nadam se da bi u narednom periodu ova dionica koja se radi po svim elementima i svim pokazateljima trebala biti završena, čime bi se rasteretio sam centar grada tako da u narednom periodu nebi imali problema sa gužvama u samom centru grada” kazao je predsjedavajući Općinskog vijeća Safet Ljubijankić.

ASFALTIRA SE JEDAN DIO BUŽIMSKJE ZAIBILAZNICE



24. maj 2017.

Građani općine Bužim imaju razloga za zadovoljstvo. Otpočelo je asfaltiranje jednog djela bužimske zaobilaznice u dužini od 600 metara koja se proteže od Trga Alije Izetbegovića do Osnovne škole Bužim koja ima karakteristike magistralne ceste. Za ovu dionicu, prema ranije potpisanom ugovoru bili su predviđeni zemljani radovi, pripreme i asfaltiranja 200 m u ukupnoj vrijednosti od oko 300 hiljada KM.

Nakon što je načelnik Općine u svome kabinetu u martu mjesecu održao sastanak s predstavnicima Direkcije za ceste USK-a i predstavnicima izvođača radova dogovoreno je da se asfaltira ova dionica.

“Danas je poseban dan za sve naše sugrađane. Nakon dugogodišnjeg zastoja napokon smo dočekali da se privode kraju radovi na ovoj fazi izgradnje zaobilaznice. Svakako da će ova dionica doprinijeti rasterećenju saobraćaja u urbanom dijelu naše Općine. Mi naravno nećemo stati na ovome i učinit ćemo sve napore da se ovaj kapitalni projekat intenzivnije nastavi u narednom periodu” kazao je načelnik Duraković.



POTPISAN UGOVOR ZA IZGRADNJU II FAZE NOVE PODRUČNE ŠKOLE BUĆEVCI



27. septembar 2017.

UOŠ “Bužim” potpisan je ugovor za izgradnju drugu fazu nove područne škole “Bućevci”. Ugovor su potpisali direktor OŠ “Bužim” Ibrahim Livaković i direktor firme “Kov-grad” Safet Kovačević, čija će firma izvoditi radove na projektu. Potpisivanju ugovora u upravi centralne osnovne škole u Bužimu prisustvovao je i ministar obrazovanja USK Muhamed Ramić, Kantonalni zastupnik Nisvet Jusić, predsjednik i članovi Upravnog odbora OŠ “Bužim”. Kako je rečeno, za drugu fazu radova budžetom je obezbjeđeno 70.000 maraka, a ukoliko radovi budu išli predviđenom dinamikom 86 učenika nastavu bi iduće godine trebali pohađati u novom objektu. Ministar Ramić zajedno sa delegacijom obišao je područnu školu “Bućevci” gde se uvjerio u kakvom stanju se nalazi ova škola.

“Nisam stvarno znao da djeca rade u ovakvim uslovima, tu iza nas vidimo objekat u koji smo uložili 100 hiljada KM, a u drugoj fazi koja kreće ako Bog da danas potpisivanjem ugovora sa izvođačem radova biće realizovana stolarija, vrata i ostali radovi tako da se nadam da će za sljedeću godinu ova škola biti u funkciji i da će ova djeca koja to stvarno zaslužuju biti u novom objektu”, kazao je ministar Ramić.

Podsjetimo, cijela priča o izgradnji nove škole krenula je 2012. godine kada se obrušio jedan dio starog objekta. Radno osoblje i mještani pokrenuli su peticiju strahujući za sigurnost učenika. Pokrenute su inicijative, dobijena obećanja, ali na tome se i ostalo. Tek prošle godine napravljeni su prvi koraci. U prvoj fazi za koju je putem Ministarstva obrazovanja izdvojeno 100.000 maraka urađeni su grubi građevinski radovi i objekat je stavljen pod krov.

“Mi ove godine nastavljamo sa realizacijom projekta izgradnje područne škole “Bućevci”. Prošle školske godine završena je prva faza i danas pristupamo potpisivanju ugovora za izgradnju druge faze radova područne škole. Ovom prilikom želim se zahvaliti Skupštini USK koja je podržala amandman za izgradnju područne škole “Bućevci” kako bi ako Bog da iduću školsku godinu mi dočekali spremni u novom objektu”, kazao je direktor Livaković.

Sredstva za izgradnju obezbjeđena su putem Ministarstva obrazovanja Unsko-sanskog kantona iz budžeta Unsko-sanskog kantona.

“Zahvaljujući razumijevanju ostalih kolega u Skupštini USK, kao i Vladi USK obezbijedili smo sredstva za drugu fazu. Ono što je naš naredni zadatak jeste da obezbijedimo dodatna sredstva kako bi djeca u narednoj školskoj godini pohađala nastavu u novom objektu, mislim da je to realno i ovom prilikom tražim od svih relevantnih aktera i faktora da pomognu da na neki način ovoj djeci obezbijedimo savremene uvjete za rad”, kazao je zastupnik Jusić.

Za razliku od brojnih područnih škola na području Kantona u ovoj školi nastavu, iako u neprihvatljivim uslovima za 21. vijek, pohađa 86 djece.

“Nije uopće lako raditi sa djecom u ovakvim uvjetima, prvi put kad nam se srušio dio objekta napravili smo peticiju građana kojom smo tražili izgradnju novog objekta. Oglasilo se Općinsko vijeće i tadašnji načelnik općine i dobili smo projekat. Za početak radova smo čekali pune tri godine, ne znam zašto. Ovaj put sam optimistična jer ono što se počne

da radi i završi se ali se nadam da neće biti kao kod nekih škola da čekamo deset godina. Ovo nije veliki iznos i molim sve koji mogu pomoći da to urade jer ovo su pretjerano loši uvjeti za odvijanje nastave i zašto da djeca ispaštaju zbog bilo koga. Ova djeca to zaslužuju jer unatoč lošim uvjetima za rad ostvaruju izuzetne rezultate na raznim takmičenjima u posljednjih nekoliko godina”, kazala je učiteljica Zineta Durdžić.

Vjerujemo da je konačno došlo vrijeme da se i djeci Bučevaca, koja imaju izvanredne rezultate na brojnim takmičenjima, ostvari san o novom školskom objektu, toplim i modernim učionicama. Nakon potpisivanja ugovora ministar Ramić posjetio je Muzej sobu 505. viteške brigade i stari objekat OŠ “Bužim” koji je sada u ruševnom stanju a trebao bi biti adekvatno konzerviran i sačuvan gdje bi se izmjestio muzej 505. Viteške brigade u Bužimu te osnovala Zavičajna zbirka i Muzej grada Bužima.

OBEZBIJEĐENO ZEMLJIŠTE ZA IZGRADNJU POLICIJSKE STANICE U BUŽIMU



10. oktobar 2017.

Oronuo i dotrajao objekat Policijske stanice u Bužimu i njegova neadekvatnost za normalan rad naše policije je jedan od većih problema u našoj Općini. O novoj zgradi i rješavanju ovog problema se govori još od 2010. godine. Današnjim potpisivanjem ugovora za kupovinu zemljišta za izgradnju nove Policijske stanice napravljen je prvi korak u rješavanju ove problematike. Notarski ugovor vrijedan 45.600 KM sa vlasnikom zemljišta potpisao je premijer USK Husein Rošić i vlasnik parcele na kojoj se planira graditi nova Policijska stanica u Bužimu.

Nakon potpisanog ugovora u prostorijama Policijske stanice Bužim održan je sastanak kojem su prisustvovali premijer USK Husein Rošić zajedno sa ministrima i zastupnicima, Komesar MUP-a USK Mujo Koričić, zajedno sa načelnikom i komandirrom policije, Općinski načelnik Zikrija Duraković, predsjedavajući OV Safet Ljubijankić sa vijećnicima, gdje se razgovaralo o mogućnostima i daljem rješavanju ovog projekta, te narednim koracima koji se očekuju. Kako su učesnici sastanka kazali ovo je pokazatelj da se može puno toga, kada se svi uključe u rješavanje problema i da su napokon stvorene realne šanse za rješavanje ovog dugogodišnjeg problema.

“Drago mi je da smo završili ovu prvu fazu, tj. Kupovinu zemljišta. Sa vlasnikom parcele smo danas potpisali ugovor. Sada je na nama da obezbijedimo sredstava za izgradnju objekta, da izradimo projektnu dokumentaciju i da pri tome poštujemo standard policijskih struktura iz Evropske unije. Vjerujem da ćemo u budžetu obezbijediti značajnija



sredstva, ali ćemo svakako tražiti i dodatne moguće investitore”, kazao je premijer Rošić.

“Obzirom da se policijska stanica u Bužimu nalazi u vrlo teškoj situaciji prvo smo sanirali krov kako bi policijski službenici do izgradnje nove zgrade mogli nesmetano raditi. Danas smo finalizirali ugovor, a sada nam predstoji da riješimo projektnu dokumentaciju koja će odgovarati Evropskim standardima. Nadamo se da će ova zgrada biti završena puno brže od vremena koliko se čekalo na kupovinu zemljišta” kazao je ministar Ramić.

“Mi smo danas učinili važan korak za izgradnju policijske stanice i vjerujemo da će to poboljšati uvjete života naših sugrađana i omogućiti im kvalitetnije usluge a naši policijski službenici da rade u optimalnim uvjetima” kazao je Kantonalni zastupnik Jusić.

ZAVRŠENI RADOVI NA IZGRADNJI II FAZE BUŽIMSKE SPORTSKE DVORANE

21. novembar 2017.

Planiranom dinamikom su se odvijali radovi na izgradnji II faze Sportske dvorane u Bužimu. Nakon što su završeni zidani radovi na izgradnji II faze Sportske dvorane, izvođač radova nastavio je okolne radove gdje je uređen i proširen parking, postavljeni ivičnjaci, uređeni trotoari, riješene otpadne vode, postavljana javna rasvjeta i hidrantske mreže. Pored toga nastavljeni su i unutarnji radovi gdje su završene sve instalacije, postavljen parket, i ugrađena sva oprema za dvoranske sportove. Također je postavljeno i 284 stolice za gledaoce. U narednom periodu očekuje se dolazak predstavnika TIKE iz Ankare kako bi se izvršila primopredaja radova, a zatim i upriličilo svečano otvorenje dvorane.






Firma „Beton“ d.o.o Bužim više od tri decenije je važan činilac privrede ove regije. Od samog osnivanja firma je imala jasnu viziju razvoja to jest razvijala se onako kako je to od nje tržište zahtjevalo. Te davne 1984. godine kada je osnovana počela je sa proizvodnjom betonskih elemenata crijepa i blokova. Odmah nakon nekoliko godina rada postalo je vidljivo da firma „Beton“ gradi svoj imidž i na veoma kvalitetan način se predstavlja tržištu, a to je postiglo prevenstvenom visokom kvalitetom svojih proizvoda.

Svake daljnje godine rada posao je proširivan, izgradili su se infrastrukturni objekti, kupovane su mašine i alati, te se radilo na poboljšanju kvalitete proizvoda kao i na proširenju palete proizvoda, tako da je danas firma „Beton“ izrasla u jednu modernu koncipiranu firmu koja posluje po visoko postavljenim standardima. Posjeduje veliki poslovni kompleks u mjestu Varoška rijeka. Firma „Beton“ vremenom je proširila svoj posao na eksploataciju kamena, posjeduje kamenolom gdje vrši eksploataciju dolomita to jest proizvodi sve vrste kameni agregata.

Treći segment poslovanja je trgovina u kojoj se nalazi roba široke potrošnje prehrambeni i ne prehrambeni proizvoda, odjevena odjeća, obuća i caffe bar, gdje firma vezano za ovaj dio posluje to jest ima market „Omegu“ u kome imate na 300 m² površine sve navedeno. Iz svega pomenutog se vidi da je firma „Beton“ inovativna, moderna i na kraju firma koja ima pogled u budućnost, što će joj omogućiti da i dalje bude u društvu najpriznatijih privrednika u regiji. Od osnivanja firme, „Beton“ d.o.o je stalno rastao i trenutno zapošljava 26 radnika.

Ako želite da kupite robu iz domena prehrambeni i ne prehrambeni proizvoda, ako želite sve na jednom mjestu onda je pravi izbor market „Omega“, jer tu imate zaista veliki izbor artikala po veoma pristojim cijenama, a uz to ako želite da gradite onda je za vas pravi izbor firma „Beton“ sa više od 30 godina iskustva u proizvodnji betonskih blokova i crijepa.

Pružite nam povjerenje, mi ćemo Vama kvalitet!



Kontakt telefoni: +387 61 185 - 602
+387 61 185 - 603

Telefon fax: +387 37 429 - 056

RADNO VRIJEME: Svakim danom od 08h do 17h

**www.beton-doo.ba/
email: info@beton-doo.ba**

OPĆINSKI NAČELNIK POTPISAO UGOVORE VRIJEDNE 177,175.44 KM



02. oktobar 2017.

Usali Općine Bužim potpisani su ugovori za izvođenje radova na izgradnji javnih rasvjeta u sljedećim mjesnim zajednicama: Vrhovska, Konjodor i Elkasova Rijeka, zatim rekonstrukciji puta u mjesnoj zajednici Čava, sanaciji klizišta u mjesnoj zajednici Zaradostovo, te utopljanju zgrade Općine Bužim. Ugovore vrijedne 177,175.44 KM potpisao je u ime Općine Bužim Općinski načelnik te predstavnici firmi Kov-grad Bužim, zatim Domoinvest Bihać i MC Stella Velika Kladaša.

„Nakon okončane zakonske procedure u skladu sa Zakonom o javnim nabavkama danas smo upriličili potpisivanje ugovora za određene projekte na području naše općine, a radi se konkretno o tri projekta javnih rasvjeta u našim mjesnim zajednicama Konjodor, Vrhovska Elkasova Rijeka, zatim projekat sanacije klizišta u MZ Zaradostovo lokacija Palijan i jedan od najznačajnijih, projekat utopljanja zgrade organa upravljanja općine Bužim gdje je

predviđeno stavljanje fasade i postavljanje stolarije kako bi na taj način dobili funkcionalniju zgradu, kako energetski učinkovitu, tako i estetski lijepu”, kazao je načelnik Duraković.

Načelnik Duraković dalje navodi da „konkretni radovi slijede već iduće sedmice. Pored toga danas je u Sarajevu upriličeno u organizaciji IFAD-a otvaranje ponuda na izvođenju radova na asfaltiranju puta koji povezuje Općinu Bužim i Općinu Bosanska Krupa. Riječ je o zajedničkom projektu ove dvije općine u vrijednosti oko 200 hiljada KM. U narednom periodu imamo i konkretizaciju javnih nabavki za preostala tri putna pravca i još jedan projekat javne rasvjete. Očekujem da bi svi ovi projekti do kraja ove radne sezone mogli biti završeni“.

Svečanom potpisivanju ugovora prisustvovao je predsjedavajući Općinskog vijeća zajedno sa predsjednicima klubova i vijećnicima u Općinskom vijeću.

PRESIJECANJEM VRPCE SVEČANO OTVOREN PUT PRIKI POTOK – KONJODOR VRIJEDAN 200.076,22 KM



10. novembar 2017.

Put Priki potok – Konjodor, koji teritorijalno pripada i Bužimu i Bosanskoj Krupi, danas je presijecanjem vrpce uz prisustvo federalnog ministra poljoprivrede, vodoprivrede i šumarstva, premijera USK-a, načelnika Bužima i Bosanske Krupe, drugih predstavnika vlasti, te brojnih mještana, svečano otvoren i pušten u saobraćaj. Put u dužini od 1300 metara finansirale su općine kojima teritorijalno i pripada a to su i Bužim (518 m) i Bosanska Krupa (786 m) uz sredstva koja su putem javnog poziva osigurana kod OPEC Fonda za međunarodni razvoj (OFID) za financiranje Projekta razvoja ruralnog poduzetništva.

„Kroz projekte IFAD-a koje vodi Federalno ministarstvo poljoprivrede putem svoje projektne jedinice u 27 općina realizujemo projekte infrastrukture i na taj način stvaramo bolje uslove i ambijent za življenje. Ovdje na kantonu imamo tri općine, to su Bosanski Petrovac, Bosanska Krupa i Bužim. Učestvujemo sa 70 posto bespovratnih grant sredstava i evo

kao što vidite ovaj projekt koji povezuje dvije općine, a znaju svi koji žive ovdje kako je bio loš put u proteklom periodu, sigurno će doprinijeti i razvoju poljoprivrede, boljoj povezanosti općina i općenito daljem razvoju ovih krajeva“, kazao je federalni ministar Šemsudin Dedić.



Kako ističu načelnici, na realizaciju ovog projekta čekalo se 15 godina, ali je konačno realiziran zahvaljujući dobroj saradnji općina i podršci projekta IFAD.

„1300 metara vrlo značajanih za općinu Bužim i za općinu Bosanska Krupa, naročito za mjesne zajednice Konjodor, te Jezerski i Mahmić Selo, njihovoj uvezanosti dalje sa općinom Cazin i središtem kantona. I prilikom otvorenja sam izrazio zadovoljstvo što je ovaj put doživio svoju realizaciju. Sada možemo razmišljati koji su to zajednički projekti koje bi trebalo uraditi u narednom periodu, slično ovom, koji će poboljšati život u mjesnim zajednicama“, ističe načelnik općine Bužim Zikrija Duraković.

Zadovoljstvo zbog zajednički odrađenog posla, prednosti koje sa sobom nosi kvalitetna putna komunikacija, nije krio ni načelnik Armin Halitović.

„Mi smo u IFAD projektu od 2008. godine. Radili smo veliki broj projekata značajne vrijednosti u svakom smislu.

Ovo je zajednički projekt sa Bužimom, ali nije jedini aktuelan u okviru IFAD-a. U Krupi sami radimo još jedan, a to je put Šabići i ja ovom prilikom želim da se zaista zahvalim kolegi Zikriji Durakoviću, načelniku Općine Bužim, jer smo se vrlo brzo dogovorili da Općina Bužim bude aplikant a da zajedno sufinansiramo projekt. Mislim da ovaj projekt treba poslužiti kao primjer saradnje općina koja inače lakše pronalazi put do finansijera“, naglašava načelnik Halitović.

Podsjetimo, ugovor o rekonstrukciji puta Priki-potok potpisan je u Sarajevu 5. oktobra između načelnika Općine Bužim Zikrije Durakovića, načelnika Općine Bosanska Krupa Armina Halitovića, direktora Ureda za koordinaciju projekta – PCU pri Federalnom ministarstvu poljoprivrede, vodoprivrede i šumarstva Halila Omanovića i direktora firme Kov-Grad iz Bužima Safeta Kovačevića.

SVEČANO OTVOREN NOVOIZGRAĐENI ISLAMSKI CENTAR U BUŽIMU



29. april 2017.

Prigodom otvaranja novoizgrađenog Islamskog centra u Bužimu danas je završila sedma po redu Manifestacija „Dani vakufa u BIH“. U gradnju ovog vakufskog objekta utrošeno je milion maraka koje su osigurali Direkcija vakufa BIH i vakifi iz Kuvajta. U svojim obraćanjima svi su izrazili zadovoljstvo zbog urađenog posla, uz čestitke svima onima koji su na bilo koji način pomogli izgradnju ovog vakufskog objekta, između ostalog kazali su:

Ako imamo kome zahvaliti, uz naše donatore, imamo običnom čovjeku Bužimljaninu koji ovaj projekt doživljavaju kao svoj“, kazao je Senaid Zaimović, direktor Direkcije vakufa IZBIH.



„Želim istaći zasluge Vakufske direkcije koja nam otvara vrata kako za ovaj tako i za druge objekte“, kazao je dr. Bedr Rehis Ibrahim, iz organizacije „En Nedžati“ iz Kuvajta.

Centar je i kruna 15 novosagrađenih džamija u 22 džemata. Ovim vakufskim objektom, te temeljitom rekonstrukcijom blizu stoljeća stare vakufske zgrade, vraća se duh, sjaj i originalnost gradskom središtu, a pomoglo se i lokalnoj zajednici.

Islamski kulturno-edukativni centar ima tri sprata i prizemlje, a u njemu će se, između ostalog, nalaziti sjedište Medžlisa IZ Bužim, kabinetske učionice, dvije hotelske sobe i konferencijska sala, dok će u starijem vakufskom objektu u prizemlju biti uskoro otvoreno obdanište za najmlađe stanovnike općine.



Historija firme

Osnovana kao porodična firma, 90-ih je ručnim alatom stjecala svoje iskustvo, no vrlo se brzo razvila zahvaljujući neprestanim moderniziranjem strojeva u novom proizvodnom pogonu od 1.500 m² koji se nalazi u Gornjim Mulalićima (Hatina okuka). Vlasnik i direktor firme je Nihad Šahinović. Broji ukupno šest zaposlenih.

Usluge



Izrađujemo kamene elemente prema narudžbi od visokokvalitetnog kamena, mramora, granita i industrijskog kompozita, te vršimo izmjeru i montažu prema vašim zahtjevima:

- Oblaganje stepeništa
- Oblaganje podova
- Porođične mezarje i nišane
- Izradu radnih površina u kuhinjama
- Klesani kamen za zidove
- Kupaonski elementi
- Obloge za kamin
- Police za prozore

Mramor Bužim svim svojim kupcima prilikom kupnje proizvoda, usluga montaže nudi razne mogućnosti financiranja. Kontaktirajte nas ili nas posjetite radi svih informacija u vezi naših usluga.

Firma danas

Danas, uz suvremenu tehnologiju, ali i dalje poštujući zanatsku tradiciju, Mramor Bužim je renomirana firma u izradi i ugradnji kamena, mramora i granita te ambiciozno planira nove i zahtjevne poslove što je rezultat dosadašnjih referenca s područja cijele BiH.



MRAMOR BUŽIM

Kontakt telefoni: +387 61 236 - 369

RADNO VRIJEME: Ponedjeljak - Četvrtak od 08h do 17h

Subota i Nedjelja od 08h do 17h

PETAK I DRŽAVNI PRAZNICI NERADNI

POSJETA USPJEŠNIM PRIVREDNICIMA I PODUZEĆIMA NA PODRUČJU NAŠE OPĆINE

19. april 2017.

Općinski načelnik zajedno sa saradnicima otpočeo je posjetu privrednim subjektima na području naše općine. Povod za ovakav vid obilaska privrednih subjekata jeste prije svega kako bi se na što bolji način upoznao sa djelatnostima i problemima sa kojima se svakodnevno susreću naši privrednici.

“Cilj nam je da obiđemo sve naše firme koje se bave bilo kakvim vidom proizvodnje, kako bi se iz prve ruke upoznali sa svim potrebama naših privrednika jer smo svjesni da bez jake privrede i privrednika nema ni jake Općine. Moramo nastojati da zajedničkim snagama riješimo sve one probleme sa kojima se susreću naši privrednici” kazao je Općinski načelnik Zikrija Duraković.



Iz menadžmenta posjećenih firmi izrazili su nadu u još bolju saradnju sa Općinom, koja je i do sada bila na zavidnom nivou.

ODRŽAN SASTANAK SA DIREKTOROM POLJOPRIVREDNOG ZAVODA USK NA TEMU: “KAKO POMOĆI PROIZVOĐAČIMA MALINE?”



20. april 2017.

Načelnik Općine Bužim Zikrija Duraković zajedno sa saradnicima i predsjedavajućim Općinskog vijeća Safetom Ljubijankićem održao je sastanak sa direktorom Poljoprivrednog zavoda USK, Edhemom Hodžićem na temu: Kako pomoći proizvođačima maline?. Kada je u pitanju proizvodnja jagodičastog voća Općina Bužim postala je prepoznatljiva u cijeloj BiH, ali i šire. Nažalost, kao i u svim segmentima našeg društva u našoj državi, pa tako i u ovom dijelu dolazimo do problema u realizaciji prodaje i izvoza proizvoda ali i otkupa. Naime, proizvodnja maline na području cijele BiH, USK-a pa i Bužima nalazi se na prekretnici, te se moraju poduzeti konkretni koraci i mjere kako bi se dosadašnja proizvodnja održala.

Kako je kazano na ovom sastanku neophodno je da proizvođači, agronomi savjetodavci, distributeri repromaterijala, otkupljivači, hladnjačari i izvoznici usaglaise, zauzmu jedinstven stav kako bi se ova grana privrede sačuvala i u budućnosti ojačala. Razlog za ovakav status je svakako



hiperprodukcija proizvodnje, otkriveni su rezidui/ostaci pesticida u izvezenim plodovima veći od dozvoljenih, izvezeni plodovi maline zaraženi sa virusima i bakterijama, sve rigorozniji zahtjevi tržišta kada je u pitanju primjena sredstava za zaštitu biljaka te mnogi drugi problemi. Da bi se riješili ukazani problemi neophodna je obostrana podrška lokalne vlasti i Poljoprivrednog zavoda ali i samih proizvođača.

Na kraju su usaglašene operativne aktivnosti koje se tiču Službe za razvoj poljoprivrede općine Bužim i Poljoprivrednog zavoda USK-a a to je da se na mjesečnom nivou održavaju sastanci, redovno prati stanje na terenu, kako bi u što skorijem periodu i na samom terenu došlo do unaprijeđenja poljoprivredne proizvodnje. Ponuđena su moguća rješenja ovakvog stanja malinarstva, a koja se ogledaju prije svega u usvajanju jedinstvenog programa zaštite za sve proizvođače maline, vršenju analize zemljišta, te pooštavanju mjera kod analiza na pesticide radi proizvodnje i zadovoljavanja tržišta.

OPĆINA BUŽIM DODJELJUJE 20 PLASTENIKA ZA POKRETANJE PLASTENIČKE PROIZVODNJE



20. april 2017

Općina Bužim nastavlja projekat dodjele plastenika u cilju podrške poljoprivrednoj proizvodnji na području naše Općine, jer se pokazao interes kod naših sugrađana za ovakav vid poljoprivredne proizvodnje. Plod je ovo saradnje između Općine Bužim i humanitarne organizacije "Muslim Aid" koja provodi ovaj projekat već drugu godinu uzastopno na području Općine Bužim. Tako je danas u Maloj sali JU "Centra za kulturu, sport i informisanje" Bužim upriličeno potpisivanje ugovora između korisnika i Općine Bužim. U ime Općine Bužim ugovore je potpisao Općinski načelnik i 20 porodica kojima su dodijeljeni plastenici. Pravo na dodjelu plastenika imala su nezaposlena fizička lica koja imaju prebivalište na području općine Bužim u kontinuitetu od najmanje godinu i prijavljeni su na evidenciji JU Služba za zapošljavanje USK-a - Biro Općine Bužim, posjeduju poljoprivredno

zemljište pogodno za zasnivanje plasteničke proizvodnje na području općine.

"Nakon okončane procedure odabira korisnika, danas smo upriličili i potpisivanje ugovora sa 20 naših sugrađana koji su dobili plastenike u ovom projektu. Organizacija Muslim Aid, Općina Bužim i konkretni korisnici učestvuju u sufinansiranju ovog projekta. Nama je izuzetno zadovoljstvo da smo na ovaj način omogućili onima koji žele od svoga rada da žive na kućnom pragu, odnosno da na svom zemljištu privređuju i ostvaruju određenu ekonomsku korist. Nakon potpisivanja ugovora u narednom periodu od 10 do 20 dana bi trebali biti postavljeni plastenici, da bi naši sugrađani dobitnici istih pristupili sadnji svih onih kultura koje su prihvaćene" kazao je načelnik Duraković.

Nakon službenog potpisivanja ugovora, održano je prvo od dva predavanja koje će se održati za sve dobitnike plastenika.

ODRŽANA PREZENTACIJA GLOBAL G.A.P CERTIFIKATA



17. november 2017

U Maloj sali Centra za kulturu, sport i informisanje održana je prezentacija važnosti posjedovanja GLOBAL G.A.P sertifikata. Domaćin i inicijator ove prezentacije bilo je Udruženje „Bužimska malina“. Prezentaciju je održao mr. Dinko Bećirspahić. U toku prezentacije govorilo se o proizvodnji, proširenju malinarstva, stabilizaciji stanja i otkupu maline zadnjih godina na području Federacije BiH, a posebno USK-u.

„Naša malina ima kvalitet, ali da bi bila konkurentna na velikom EU tržištu, mora da posjeduje GLOBAL G.A.P sertifikat, to znači poštovati standarde, kontrolu berbe i branja, kontrolu pesticida... Na tržište plasirati više svježiju nego zamrznutu malinu. Osnova ovog sertifikata je 3 K (kvalitet, kvantitet i kontinuitet u proizvodnji. Ovaj sertifikat se može dobiti putem registriranog udruženja,“ rekao je, između ostalog, u svojoj prezentaciji mr. Bećirspahić.



Ovoj prezentaciji bio je prisutan i načelnik Općine Bužim, Zikrija Duraković koji je kazao, - „kako je Općina Bužim u svome Budžetu za 2017. godinu izdvojila za poljoprivredne proizvođače sto hiljada konvertibilnih maraka, od kojih je još ostalo neiskorištenih dvadeset i pet. Poručio je poljoprivrednim proizvođačima kako moraju imati zajednički nastup u ostvarivanju svojih ciljeva, te dao podršku u njihovom radu“.

Na kraju prezentacije prisutni proizvođači maline nastavili su voditi diskusiju o aktuelnom stanju i trenutnim problemima s kojim se susreću. Udruženje „Bužimska malina“ uputilo je poziv svim proizvođačim maline da se uključe i registriiraju u Udruženje do marta iduće godine da bi imali konačni broj proizvođača i da bi kao takvi nastavili djelovati s ciljem unapređenja proizvodnje ali i sigurne prodaje i plasmana svojih proizvoda.

UDRUŽENJE BUŽIMSKA MALINA POTIPSALA UGOVOR VRIJEDAN 16.800 KM!!!




15. decembar 2017.

Općini Bužim danas je potpisan ugovor između udruženja “Bužimska malina” i “Standard Quality” vrijedan 16.800 KM kojim je definisano certificiranje prema zahtjevima standarda prema Global Gap i GRASP. Ugovor su potpisali Abdo Pajalić, predsjednik udruženja “Bužimska malina” i Mirko Subotić, direktor certifikacijske kuće “Standard Quality”. Potpisivanju ugovora prisustvovao je i načelnik Općine Bužim Zikrija Duraković, te član UO udruženja Armin Ćordić i sekretar Ermin Dizdarević.

Riječ je o projektu kojeg je u sklopu poticanja proizvodnje jagodičastog voća na području Općine Bužim financirala Općina Bužim a na inicijativu pomenutog udruženja. Kako je kazano Općina Bužim je među prvim općinama koje su krenule sa ovakvom aktivnošću a sve u nadi sačuvanja već dostignute proizvodnje maline.

“Danas smo u prilici da konkretiziramo aktivnosti kad je u pitanju poticanje proizvodnje jagodičastog voća na području Općine Bužim. Kao što je poznato mi smo u budžetu Općine Bužim za 2017. godinu planirali određeni iznos sredstava za poticanje proizvodnje jagodičastog voća, prvenstveno maline, i na inicijativu udruženja “Bužimska malina” u zadnjih par mjeseci vođene su određene aktivnosti oko njihovog udruživanja. Zadovoljstvo mi je da sam danas prisustvovao potpisivanju ugovora između predstavnika udruženja “Bužimska malina” i predstavnika certifikacijske kuće koja će provesti projekat certificiranja proizvodnje maline na posjedima naših ljudi koji se bave tom proizvodnjom. Takođe mi je zadovoljstvo da smo jedni od prvih koji ulaze u ovakve aktivnosti, a sve u smislu da bi naši proizvođači proizveli proizvod za evropsko tržište” kazao je Općinski načelnik Zikrija Duraković.

Istaknuto je da su proizvođači maline nakon problema sa distribucijom i otkupom iste u proteklih nekoliko godina, prisiljeni da umjesto prodaje smrznute maline po nerealno niskoj cijeni, nađu alternativne načine prodaje izvozom svježe maline na tržište Evropske unije. Da bi bili u mogućnosti za takav postupak, i zadovoljavanje rigoroznih pravila Evropske unije neophodno je da posjeduju certifikat Global Gap i Grasp.



“Želim izraziti svoje zadovoljstvo današnjim potpisivanjem ugovora sa predstavnicima udruženja “Bužimska malina”. Ovim ugovorom je definisano da u narednih 6 mjeseci provedemo, implementiramo i pripremimo udruženje “Bužimska malina” za certifikaciju prema zahtjevima standarda prema Global Gap i GRASP. Zadovoljstvo nam je da smo sa jednim mladim udruženjem iz Bužima pokrenuli ovu aktivnost. Utvrđeno je već odavno da su zahtjevi tržišta veoma rigorozni, da je naša malina jako dobrog kvaliteta i ima veoma dobar plasman u zemljama Evropske unije. Međutim nakon zadnjih nekoliko godina i svih problema koji su se desili sa prodajom smrznutog jagodičastog voća, neminovno je da se proizvođači malina okreću prema alternativnim metodama, odnosno drugim opcijama prodaje, tako da je prodaja svježe maline nešto što je pred nama u narednim godinama, a uslov za izvoz takve maline na tržište Evropske unije jeste implementacija standarda kvaliteta” kazao je Mirko Subotić, direktor Standard Quality.

Abdo Pajalić, predsjednik udruženja “Bužimska malina”: “Želim prije svega da se zahvalim Općini Bužim, odnosno Općinskom načelniku Zikriji Durakoviću koji je prepoznao naš projekat i podržao nas u certificiranju naše maline. Mislim da je ovo jedan veliki korak naprijed kako za same proizvođače tako i za naše udruženje i da ćemo na ovaj način riješiti probleme koje smo imali u prethodnim godinama i okrenuti se ka izvozu svježe maline.



Firma Abazović iz Bužima postoji već duži niz godina i jedna je od prizantijih firmi u regiji. Posao firme se dijeli u dva segmenta, prvi segment je prevoz putnika u gradskom i prigradskom saobraćaju (redovni, linijski), a drugi segment je eksploatacija dolomita.

Od osnivanja firma je imala dobru viziju razvoja, vremenom se razvijala kako je od nje tržište zahtjevalo. Ulagala je u kupovinu vozila kako bi nesmetano mogla da obavlja prevozničku djelatnost i što se tiče prevoza, postala je glavni oslonac naroda bužimske regije gdje svakodnevno sigurno i na vrijeme vrši prevoz putnika. Modernim i klimatiziranim autobusima u zemljama Vašeg putovanja garantiraju opuštenu vožnju. Tako bez stresa stižete na cilj Vašeg putovanja.



Što se tiče drugog segmenta, a to je eksploatacija dolomita, firma je također kvalitetno ulagala tako da posjeduje sve mašine i alate koji su joj potrebni za eksploataciju. Za firmu Abazović sa sigurnošću možemo reći da je društveno odgovoran privredni subjekat. Ukoliko nas još ne poznajete – veselimo se Vašem dolazku.



DOO "ABAZOVIĆ"

Kontakt telefoni: +387 37 410 - 303
+387 61 794 - 576

Adresa: Jurišni bataljon broj: 13

RADNO VRIJEME: Svakim danom od 08h do 17h

BAJRANSKIM I DRŽAVNIM PRAZNICIMA SE NERADI!

OTPOČELI RADOVI NA UTOPLJAVANJU OŠ “KONJODOR”



04. januar 2017. godine ostat će u lijepom sjećanju svim učenicima, uposlenicima OŠ “Konjodor”, ali i mještanima MZ Konjodor, jer su upravo na današnji dan otpočeli dugo očekivani radovi na utopljavanju zgrade OŠ “Konjodor”. Sigurno da je ovo jedan od najboljih novogodišnjih poklona koji su dobili i kojeg su mogli poželjeti.

toplotnu izolaciju krova. Vrijednost navedenih radova je 150.000 KM a sredstava su obezbijedena iz finansijskih sredstava Ministarstva za građenje, prostorno uređenje i zaštitu okoliša USK-a, općine Bužim i UNDP sa po 1/3 sredstava ukupnog iznosa.

Tim povodom ovu odgojno-obrazovnu ustanovu posjetili su Općinski načelnik Općine Bužim Zikrija Duraković zajedno sa saradnicima, predsjedavajući OV Safet Ljubijankić, kantonalni zastupnik u Skupštini USK-a Nisvet Jusić, gdje im je domaćin bio direktor Hasan Dedić. Projekat energetske efikasnosti za OŠ „Konjodor“ podrazumijeva zamjenu stolarije, ugradnju fasade, i kompletnu

“Ovo je za nas jedan od ljepših dana u povijesti naše škole. Kao direktor ove odgojno-obrazovne ustanove zahvaljujem se svima onima koji su pomogli da se realizira ovaj veoma značajan projekat kako za naše učenike i uposlenike tako i za lokalnu zajednicu” kazao je direktor Hasan Dedić.

PRIJEM ZA DELEGACIJU MINISTARSTVA OBRAZOVANJA POKRAJINE ČEKMEKEJ IZ ISTANBULA



06. april 2017.

Općinu Bužim jučer je posjetila delegacija Ministarstva obrazovanja pokrajine Čekmekej iz R. Turske a domaćini su bili predsjedavajući OV Safet Ljubijankić, direktor Centra za kulturu, sport i informisanje Mersudin Nanić i pomoćnik Općinskog načelnika Nedžad Kudelić.

nje. Podsjećanja radi, 13. januara ove godine potpisan je protokol između Osnovne škole „Bužim“ i Osnovne škole „Nikte Sezen“, kao i Osnovne škole “Konjodor” sa Osnovnom školom “Dr. Sadik Ahmet Mesleki ve Teknik Anadolu Lisesi” koje su pod ingerencijom Ureda za obrazovanje pokrajine Čekmekej u Turskoj.

Kako je cilj ove posjete jačanje saradnje u oblasti obrazovanja, ekonomskih i kulturnih vrijednosti na sastanku je bilo govora o mogućnostima jačanja međusobne sarad-

Po završetku prijema upriličeno je međusobno uručivanje poklona, te posjeta Muzej sobi 505. Vbbr., gdje im je prezentirana slavna borba i podvizi boraca 505. Viteške bužimске brigade.

DELEGACIJA OBIŠLA OSNOVNE ŠKOLE U BUŽIMU



06. april 2017.

Ministrica obrazovanja, nauke, kulture i sporta Unsko-sanskog kantona Sanela Čenanović posjetila je OŠ “Bužim” gdje je održala sastanak sa gostima iz R. Turske te posjetila područne škole na području općine Bužim. Gosti su obišli prostorije škole, a ono što ih je posebno oduševilo je bosansko-turski kutak u predvorju škole u kojem su uspješno dočarali tradiciju Bošnjaka i Turaka.

Ovo je nastavak izuzetno dobre saradnje koja je nakon samo četiri mjeseca polučila izuzetne rezultate, istakao je Ahmet Aktaš, ministar obrazovanja pokrajine Cekmekoy. Posjeta je bila prilika da gosti obiđu i učenike područne škole u Bučevcima koji pohađaju nastavu u izuzetno teškim i nehumanim uvjetima. Bez obzira na stanje u kakvom se škola nalazi učenici iz godine u godinu postižu izvanredne rezultate, a veliki broj učenika petog razreda fakultativno pohađa časove turskog jezika.

Ministrica obrazovanja USK-a Sanela Čenanović kao i zastupnik u Skupštini USK-a Nisvet Jusić stava su da je po-



trebno učiniti sve kako bi učenici ove područne škole od iduće školske godine nastavu pohađali u novoj zgradi.

“Ono što je osnovna zadaća svih, a posebno institucija vlasti jeste obezbijediti ovoj djeci optimalne uvjete za rad učenje i razvoj. Na tragu toga aktivnosti oko izgradnje područne škole u MZ Bučevci su u poodmakloj fazi, i mogu reći da sam sretan da imamo priliku svjedočiti dovršetku ovog objekta” kazao je zastupnik u Skupštini USK-a Nisvet Jusić.

“Danšnji dan je bio pun emocija sa obje strane, gdje smo razmijenili naša mišljenja i iskustva te dogovorili novu saradnju u raznim oblicima, ne samo u finansijskom smislu nego i edukativnom” riječi su direktorice OŠ “Bužim” Jasmire Mehić.

Učenici i nastavno osoblje pokazali su se kao i više nego dobri domaćini prijateljima iz Istanbula. U okviru petodnevne posjete delegacija iz Turske posjetiće i druge obrazovne ustanove te historijske znamenitosti u Bužimu i okolini.

ZAVRŠNA OPĆINSKA SMOTRA ZNANJA, STVARALAŠTVA, SPOSOBNOSTI I SPORTA



27. april 2017.

Svečanost Završne općinske smotre znanja, stvaralaštva, sposobnosti i sporta, na kojoj su uručena prigodna priznanja i pokloni najuspješnijim osnovcima na općinskim takmičenjima i njihovim nastavnicima-mentorima, održana je danas u OŠ “Konjodor” koje je bila ovogodišnji domaćin.

Na početku svečanosti, kao domaćin prisutnim se obratio direktor škole Hasan Dedić, predstavnici UNDP, te Općinski načelnik Općine Bužim Zikrija Duraković.

“Posebno sam danas sretan i ponosan što se nalazim ovdje ispred vas u svojoj školi iz koje sam prije puno godina krenuo dalje u život, i gdje sam stekao svoja prva i osnovna znanja. U ovoj školi sam zahvaljujući svojim nastavnicima stekao temeljna znanja, kasnije odabrao svoju profesiju a život i sudbina su me vodili da sam danas ovdje u svojstvu Općinskog načelnika. Učite jer znanje koje steknete niko vam ne može uzeti, to je vaše najveće bogastvo. Zato čestitam svim nagrađenim koji su osvojili zapažene rezultate ali i njihovim mentorima bez kojih ne bi ni ostvarili taj uspjeh” kazao je načelnik Duraković.

Pored načelnika svečanosti su prisustvovali i predsjedavajući OV Safet Ljubijankić, Kantonalni zastupnici u skupštini USK-a, Nisvet Jusić i Samir Abazović, direktor Centra za kulturu, sport i informisanje, Mersudin Nanić, te direktor MSS “Bužim”, Mehmed Talić i direktorica OŠ “Čavnik”, Razija Bakija.

I ova smotra je, kao i dosadašnje, okupila veliki broj učenika koji su svojim učešćem u takmičenjima pokazali spremnost i zainteresiranost da budu najbolji predstavnici svojih škola. Svoj trud, kreativnost i zalaganje učenici su prezenti-



rali u kulturno-zabavnom dijelu, u kojim su učešće uzele pored domaćina i osnovne škole „Bužim“ i „Čavnik“.

Ovom prilikom dodijeljena su priznanja za postignute rezultate na takmičenjima u raznim oblastima, kao i nastavnicima – mentorima učenika koji su ostvarili zavidne rezultate.

Program je završen dodjelom plaketa Ministarstvu za građenje, prostorno uređenje i zaštitu okoliša USK-a, Općini Bužim i UN-DP-u, koji su omogućili realizaciju projekta utopljanja ove odgojno-obrazovne ustanove, te izvođenjem tačke učenika OŠ “Konjodor” koja će predstavljati Općinu Bužim na Kantonalnoj smotri.

SVEČANO OBILJEŽEN 20. MAJ DAN OŠ “BUŽIM”

19. svi 2017.

Dan OŠ “Bužim” obilježen je danas prigodnim kulturno-zabavnim programom u prisustvu brojnih gostiju, roditelja, nastavnika, te učenika ove škole. U izvedbi programa učestvovali su učenici ove škole, a na samom početku programa riječi dobrodošlice uputila je direktorica škole Jasmira Mehić. Svečanost obilježavanja ovog važnog događaja svojim prisustvom uvećao je i bužimski načelnik Zikrija Duraković.

“Dragi učenici, budite svjesni da je znanje samo ono što je vaše i to vam niko ne može uzeti, a uvijek će vam koristiti. Iskrene čestitke nagrađenima, posebno roditeljima i mentorima. Vama koji obrazujete našu djecu budite uvijek svjesni da obrazujete one koji će nas sutra zamijeniti i ponijeti naš emanet, te ga prenositi na druge naraštaje. Jer, kažu dijete se odgaja 20 godina prije rođenja”, kazao je u svom obraćanju načelnik Duraković.



ZA UČENIKA GENERACIJE OSNOVNE ŠKOLE “BUŽIM” ZA 2016/2017 PROGLAŠEN JE KERIM VELADŽIĆ

MSŠ “BUŽIM” ISPRATILA OVOGODIŠNJU GENERACIJU MATURANATA



09. juni 2017.

Korijeni učenja su gorki, ali njegovi plodovi slatki. Učenici MSŠ “Bužim” znaju da je put do uspjeha trnovit . To je također lekcija o odgoju koju mogu naučiti sa obrazovanjem jer se ne uči samo za školu nego i za život. Već danas su svjedočili svom uspjehu, a on je dokaz da su sposobni za nove pobjede i životne izazove koji će biti pred njima. Tako je danas u amfiteatru MSŠ “Bužim” održana svečanost dodjele diploma maturantima MSŠ “Bužim” za školsku 2016/2017 godinu. Tim povodom svečanost je uvećao i Općinski načelnik Zikrija Duraković i direktor Centra za kulturu, sport i informisanje Mer-

udin Nanić. Kao domaćin na samom početku prisutnim se obratio direktor MSŠ “Bužim” prof. Mehmed Talić koji je kazao:

“Danas smo se okupili kako bi uručili diplome našim maturantima koje su svojim zalaganjem i trudom zaslužili u protekle tri ili četiri godine, te uručili priznanje najboljima među njima. Svima nam je važan ovaj trenutak, vama dragi maturanti što ste okončali srednjoškolsko obrazovanje i tako ispunili najvažniji zadatak u ovom dijelu vašeg životnog puta, a nama što smo sa uspjehom izveli još jednu generaciju maturanata u ovoj školi. Kojim god putem krenuli trudite se da budete



najbolji u onome što radite. Imajte na umu da svaki vaš novi uspjeh pored vas samih afirmiše i školu i sredinu iz koje dolazite. U svoje lično ime, u ime svojih kolega profesora i ostalih uposlenika ove škole želim puno uspjeha, zdravlja i sreće u daljem životu”.

U svom obraćanju Općinski načelnik Zikrija Duraković čestitao je maturantima i poželio im sreću u daljem životu, uz poruku da bez obzira kojim se poslom bavili da ga rade savjesno, kvalitetno i odgovorno, te da nikad ne zaborave svoju sredinu iz koje dolaze. Posebne čestitke uputio je profesorima uz poruku da uvijek budu svjesni da rade najodgovorniji posao jer kako je kazao: “ Ne učite ih samo znanju, nego ih i odgajate i usmjeravate za dalji život”.

Među maturantima postoje i oni učenici koji svojim trudom, predanošću i odgojem posebno se izdvoje. Biti prvi i najbolji u nekoj oblasti za svaku je pohvalu. Ovakvi učenici su naša svijetla budućnost i zaslužuju našu pažnju. Svake

godine izabire se učenik generacije a ove 2016/2017 godine titulu učenika generacije ponijela je učenica IV1 Veladžić Hana.

Trogodišnje, stručne škole također imaju najboljeg učenika, a ove godine za stručne škole titulu najboljeg učenika ponijela je učenica Almina Kišmetović iz III razreda Trogovačke škole.

Ovom prilikom čestitamo maturantima na ostvarenom uspjehu, kao i njihovim profesorima i roditeljima.

**UČENICA GENERACIJE MSŠ “ BUŽIM” ZA 2016/2017
JE HANA VELADŽIĆ
UČENICA GENERACIJE TROGODIŠNJE STRUČNE
ŠKOLE ZA 2016/2017 JE ALMINA KIŠMETOVIĆ**

OPĆINA BUŽIM DODIJELILA 54 STIPENDIJE ZA STUDENTE



29. novembar 2017.

U Maloj sali Centra za kulturu, sport i informisanje upriličeno svečano potpisivanje ugovora o stipendiranju studenata koji su shodno konkursu Općine Bužim ostvarili pravo na stipendiju za akademsku 2016/2017 godinu. Ove godine je dodijeljeno ukupno 54 stipendije u jednokratnom iznosu od 800,00 KM za tekuću akademsku godinu. U prisustvu predsjedavajućeg OV i predsjednika Klubova u OV Općine Bužim, ugovore o stipendiranju sa studentima potpisao je načelnik Duraković.

“Nakon okončane procedure danas smo u prilici da potpišemo ugovore o stipendiranju naših studenata. Na javni konkurs se javilo 65 studenata, od toga je uslove pravilnika o dodjeli stipendija zadovoljilo njih 54, dok su ostalih 11 u fazi žalbe. Naravno ako neko od njih u tom procesu ostvari pravo na stipendiju mi ćemo istu dodijeliti i tim studentima. Iznos stipendije za školsku 2016/2017 godinu je 800 KM, i evo već u narednim danima studenti će ta sredstva imati na svojim računima, i nadam se da će im to bar malo olakšati njihove studentske dane i doprinijeti tome da bolje uče i ostvare što više znanja u toku svog studiranja”, kazao je načelnik Duraković.

UČENICI OŠ "ČAVNIK POSJETILI CENTAR ZA KULTURU, SPORT I INFORMISANJE



07. decembar 2017.

Učenci novinarske sekcije iz OŠ "Čavnik" Čave, Erna Spahić, Inas Mušić, Ajna Hodžić, Hamdina Pehlić, Hasema Begulić i Merisa Aldžić zajedno sa nastavnicom Rijaldom Dizdarević posjetili su danas JU "Centar za kulturu, sport i informisanje" gdje ih je primio i održao sastanak sa njima direktor Nanić.

Povod za ovu posjetu bio je da se učenici novinarske sekcije поближе upoznaju sa načinom informisanja Javne ustanove, te kako i na koji način mogu sami doprinijeti informisanju. Osim toga u slobodnom razgovoru učenici su pitali o planiranim aktivnostima u narednom periodu, gdje ih je direktor Nanić upoznao s projektom izrade Info-biltena koji je trenutno u izradi. Također učenici su upoznati i sa predstavama koje će biti održane.

IN MEMORIAM HAMDİJA MUSTAFIĆ 1959. - 2017.



Hamdija Mustafić, penzionisani brigadir, a u ratu komandant jurišnog bataljona i zamjenik komandanta 505. viteške bužimске brigade rođen je 08. augusta 1959. godine u Bužimu. Osnovnu školu Bužim završio je 1974., a srednju u sklopu SŠC "Safet Krupić" Bosanskoj Krupi 1979. godine. Više obrazovanje stekao je na Univerzitetu u Bihaću 1998. godine. Od 1988. do 1992. nalazio se na dužnosti rukovodioca vazduhoplovnih sredstava u sklopu Jugoslavenске narodne armije (JNA).



Početkom aprila 1992. pristupio je Štabu teritorijalne odbrane Bužim, gdje je izabran za komandira sektora Dobro Selo, Ravnice, Kekići i Stabandža. Od oktobra 1992. do januara 1994. godine obavljao je dužnost komandanta bataljona. Nakon toga, izabran je na poziciju zamjenika komandanta 505. bužimске viteške brigade. Na poziciji zamjenika generala Izeta Nanića i njegovog najbližeg saradnika ostao je do januara 1995. godine, nakon čega je prešao u komandu 5. korpusa Armije RBiH. U toku rata, ranjavan je dva puta. Za ratni doprinos i zasluge odlikovan je ratnim priznanjem Srebreni štit, te je pet puta pohvaljivan od komandanta Armije RBiH i komandanta Petog korpusa. Nakon rata, u Vojsci FBiH Mustafić je obavljao dužnost načelnika odsjeka u Štabu 5. korpusa i komandanta Komande za razvoj, odakle je otišao u penziju 2004. godine, stekavši čin brigadira.

Telegram saučešća porodici Mustafić stigao je i od člana Predsjedništva BiH Bakira Izetbegovića u kojem je naglašeno da će Hamdija Mustafić upamćen kao čvrst i odlučan ratnik koji je u najtežim vremenima bio prvak bužimskih "Gazija", ali i kao čovjek koji je u miru ugradio svoje nesebično znanje i iskustvo u razvoj Oružanih snaga BiH.

Premинуo je 16.05. 2017. godine u porodičnoj kući u Bužimu u 58. godini. Dženaza i ukop obavljani su na porodičnim mezarjima na Brigovima, uz najviše vojne počasti i u prisustvu rodbine, predstavnika javnog, političkog i kulturnog života u BiH, saboraca, prijatelja i građana. Dženazu namaz predvodio je njegov brat Izan Mustafić. Tijelo sa tabutom ispred kuće do mezarja na rukama su nosili rodbina i prijatelji. Prije samog klanjanja dženaze-namaz prisutnim se obratio i general Atif Dudaković koji je na kraju poklonio zastavu BiH sinu r. Hamdije.



POLJO - SEMENTI BUŽIM



Kontakt telefoni: +387 37 410 - 784
www.poljo-sementi.com

RADNO VRIJEME: Ponedjeljak - Subota od 08h do 18h
NEDJELJA I DRŽAVNI PRAZNICI NERADNI

OBILJEŽENA 24. GODIŠNJICA SLAVNE BITKE MUNJA '93



11. januar 2017.

Obilježavanje godišnjice jedne od najslavnijih i najsjajnijih pobjeda Armije Republike BiH, bitke "Munja '93" koju su izvojevali pripadnici 505. Viteške bužimске brigade 11. januara 1993. godine otpočelo je kako to i priliči ovom obilježavanju, učenjem Jasina u džamijama MIZ Bužim i prigodnim vazom i podsjetnikom na ovu slavnu pobjedu. Značajni datumi novije historije, Organizacioni odbor općine Bužim obilježava na najbolji mogući način, kroz sport, kulturu, vjeru, tribine, historiju. U subotu je održan sportski susret i tradicionalni 10. Međunarodni turnir u sjedećoj odbojci. Po ustaljenoj tradiciji u Domu MZ Zaradostovo odakle su i kretali bužimski vitezovi u mnoge uspješne bitke održano je druženja pripadnika Hamzi i Gazija. Danas je posjetom turbetu generala Izeta Nanića i šehida 505. Vbbr otpočelo obilježavanje ovog izuzetno značajnog datuma za općinu Bužim ali i cijelu Krajinu pa i državu Bosnu i Hercegovinu. Nakon posjete turbetu gdje su se okupili predstavnici političkog, društvenog, vjerskog i kulturnog života općine Bužim položeno je cvijeće i proučena Fatiha. U prostorijama Udruženja porodica šehida upriličen je prijem za zvanice. U isto vrijeme učesnici pješačenja "Ponosa i slave Munja '93" krenuli su prema poprištu slavne bitke i spomen-obilježju na Kedića glavici gdje su imami MIZ Bužim proučili Jasin i gdje je održan historijski čas i evocirane uspomene na slavnu bitku. Referat o ovoj slavnoj bitci, samom toku akcije pročitao je Edvin Šahinović sin r. Huseina Šahinovića jednog od sedamnaest vitezova koji su dali svoje živote u ovoj bitci. Prigodnim obraćanjem prisutnim su se obratili načelnik Duraković i general Ramiz Dreković. "Vrijeme prolazi ali rane ostaju. Nesmijemo zaboraviti naše borce koji su ugradili svoje živote u temelje naše Općine Bužim i države Bosne i Hercegovine. Moramo biti jedinstveni i ne može se dozvoliti da politikanstvo podijeli i razjedini kod ovakvih i sličnih obilježavanja. Ovdje moramo biti svi jedinstveni i složni jer borba za našu državu nije završena. Bužim je bio i ostao svijetli primjer kako se voli i brani država. Bitka Munja je bila prekretnica i moralni uspon svim borcima Petog korpusa. Današnji skup najbolji je pokazatelj da Bužimljani i danas znaju cijeniti ono za šta su nas zadužili naši šehidi", kazao je između ostalog general Dreković. "Bitka Munja je jedan od temelja naše Općine i zato današnji dan moramo obilježiti



kako to i dolikuje. Okupili smo se ovdje da se podsjetimo na slavnu pobjedu i neustrašivu borbu naših vitezova. Svjesni činjenice da se nismo tada odbranili od neprijatelja ne bi ni nas danas ovdje bilo, moramo još više zajedničkim snagama raditi na prosperitetnijem i boljem Bužimu za sve naše sugrađane", izjavio je načelnik Duraković. Prisutni pripadnici 505. Vbbr., prisjetili su se kako su vitezovi tog 11. januara 1993. godine, u dobro isplaniranoj i vođenoj akciji, ušli iza linija agresorske vojske te stvorili pomutnju u njihovim redovima. Oslobođeno je dosta teritorije te zarobljeno dosta tehnike i naoružanja. Zbog toga se u znak sjećanja na poginule branioce svakoga 11. januara okupe preživjeli kako bi odali počast poginulima za slobodu. Bitka "Munja '93" po opsegu, umijeću, hrabrosti, sistemu rukovođenja i komandovanja i realizaciji u mnogome je opredijelila karakter borbe i 105. kasnije 505. bužimskoj udarnoj brigadi donijela prepoznatljiv imidž, po kojem je u daljim bitkama postala jedna od najpoznatijih brigada Armije RBiH. U bitki su oslobođeni značajni strateški položaji, koji do kraja rata nisu više bili pomjerani, a u borbama život je izgubilo 17 pripadnika 505. Viteške bužimске brigade heroja, oslobodioca države BiH.


SVEČANOM SJEDNICOM I AKADEMIJOM OBILJEŽEN 20. FEBRUAR DAN OPĆINE BUŽIM


20. februar 2017.

Tim povodom u Velikoj sali JU “Centra za kulturu, sport i informisanje” održana Svečana akademija i Svečana sjednica Općinskog vijeća povodom 20. februara Dana općine Bužim. Samo obilježavanje 22. rođendana Općine Bužim otpočelo je svečanim prijemom u sali općine Bužim, nakon kojeg je delegacija obišla Turbe generala Izeta Nanića i poginulih boraca-šehida 505. Viteške bužimske brigade, gdje je položeno cvijeće i proučena fatiha, a nakon toga delegacija je posjetila i Muzej sobu 505. Vbbr. Svečanu akademiju i Svečanu sjednicu Općinskog vijeća uveličali su zastupnici državnog parlamenta, kantonalni zastupnici, vijećnici u općinskom vijeću, gradonačelnik grada Bihaća, načelnici općina Visoko, Bos. Petrovac, Stari Grad, Kalesija, Cazin, Kočevje iz R. Slovenije te ostale mnogobrojne zvanice ali i predstavnici kulturnog, sportskog, vjerskog života i mnogobrojni građani. Na samom početku Svečane akademije i Svečane sjednice Općinskog vijeća prisutnima se obratio predsjedavajući Općinskog vijeća Safet Ljubijankić, a kasnije se prisutnima obratio i općinski načelnik Duraković.

“Kroz historiju Bužimljani su nekoliko puta gubili status općine iz političkih razloga i političkog nejedinstva naših predstavnika u tadašnjim strukturama vlasti. Ovom prilikom želim pozvati sve odgovorne osobe na svim funkcijama, koji su izabrani ili imenovani ispred naše lokalne zajednice, da zajednički sa Općinskim načelnikom i Općinskim vijećem usaglašavamo djelovanje prema višim nivoima vlasti, kako bi unaprijedili razvoj naše općine i povratili jedinstvo koje nas je oduvijek krasilo. Ovom prilikom želim se zahvaliti svim općinskim vijećnicima predsjedavajućim općinskih vijeća i općinskim načelnicima na onome šta su učinili na razvoju i unapređenju naše lokalne zajednice. Zahvalnost želim iskazati našim građanima, predstavnicima privatnog sektora, predstavnicima nevladinog sektora, kulturnim, sportskim i prosvjetnim radnicima koji su svojim aktivnostima pomogli razvoju i unapređenju naše općine “ kazao je između ostalog predsjedavajući OV Safet Ljubijankić.

“Prije dvadeset i dvije godine udareni su temelji današnje općine Bužim. Bitno je istaći da nam taj status niko nije





Nagrada "20. FEBRUAR" dodijeljena je firmi doo "AMIR" Bužim za doprinos, rezultate rada, nova zapošljavanja, proširenje privredne djelatnosti i koja je donator u brojnim kulturnim, vjerskim i humanim aktivnostima na prostoru Općine Bužim.




poklonio nego je on rezultat herojske borbe boraca i stariješina 505. Viteške bužimske brigade što nikada nasmijemo zaboraviti. Zato je na nama da ovdje u Bužimu izgradimo što veći stepen našeg jedinstva radi koncentracije i pozitivne energije usmjerene na ekonomski rast i razvoj. S toga ću nastojati kao i do sada biti načelnik sviju Bužimljana i onih u domovini ali i onih koji žive izvan naših granica. Moj cilj jeste da budem osoba koja će povezivati i usmjeravati na zajedništvo", kazao je između ostalog načelnik Duraković.

Najveća općinska priznanja i nagrade pripale su najzaslužnijim, za značajan doprinos u razvoju općine Bužim u raznim oblastima društvenog života i rada dodijeljena je nagrada „20. FEBRUAR“ firmi doo "AMIR" Bužim za doprinos, rezultate rada, nova zapošljavanja, proširenje privredne djelatnosti i donator u brojnim kulturnim, vjerskim i humanim aktivnostima na prostoru općine Bužim. Firma d.o.o „AMIR“ Bužim već duži niz godina posluje na području općine Bužim, zapošljava 10 radnika i trenutno je u velikoj investiciji izgradnje novog poslovnog objekta sa 4600 m², gdje u skorijoj budućnosti planira pokretanje proizvodnje namještaja i otvaranje novih radnih mjesta. Firma redovno izmiruje sve obaveze prema radnicima, te uredno plaća sve obaveze prema općini, kantonu, entitetu

i državi. Zahvalnicu Općinskog načelnika dobili su učenici generacije: Kudelić Sumeja, Veladžić Alija, Šahinović Edin, Jusić Ilvana i Duraković Amar. Javno priznanje, zahvalnicu Općinskog vijeća ove godine su dobili: Kolektiv OŠ "Čavnik", Ismet Erdić, dr. Rifet Šahinović, Haris Suljadžić, Zuhdija Ičanović, Behar bend, Omer Bajrić, Omer Porić, Vahid Alešević i Hajro Vojić. Ovogodišnji dobitnici plaketa su: dr.Irfan Ljubijankić (posthumno), Turska agencija TIKa, Vahid Alešević, Jasmin Veladžić i Fikret Hajrudinović.

Pristutnim su se obratili i uputili čestitke načelnica Općine Visoko Amra Babić, načelnik Općine Kočevje Vladimir Prebilič, gradonačelnik Grada Bihaća Šuhret Fazlić. "Iz izlaganja koje sam čuo od svojih predhodnika mogu reći da se i naša općina prije 7 godina nalazila u istom položaju. Nismo imali podršku od Ljubljane i viših nivoa vlasti. "Zatekao sam veliki deficit, nezaposlenost, neuređen sistem itd. Ali sada nakon mukotrpnog i ustrajnog rada uspješni smo smanjiti nezaposlenost i povećati budžet za 250% i riješiti mnoge probleme. I vama predstoji težak put ali znajte da na tom putu imate iskrene prijatelje, nas iz Kočevja" kazao je Vladimir Prebilič. U kulturno-zabavnom programu učešće su uzeli Ženski gradski hor, i učenici Osnovne muzičke škole.



SVEČANOM AKADEMIJOM I KULTURNO-ZABAVNIM PROGRAMOM OBILJEŽEN DAN NEZAVISNOSTI BiH



01. mart 2017.

Samo obilježavanje ovog značajnog datuma za sve građane Bosne i Hercegovine u Bužimu je otpočelo obilaskom Turbeta generala Izeta Nanića i boraca-šehida 505. Viteške bužimske brigade gdje je polaganjem cvijeća i učenjem Fatihe odata počast svima onima koji su utkali svoje živote u kreiranju današnje Bosne i Hercegovine. Cvijeće su položili delegacija općine Bužim, predsjedavajući Općinskog vijeća, delegacija državnog i kantonalnog nivoa, te delegacija Koordinacije boračkih udruženja. U JU “Centra za kulturu, sport i informisanje” održana je Svečana akademija posvećena Danu nezavisnosti Bosne i Hercegovine na kojoj su prigodnim obraćanjima o značaju jednog od najvećih praznika BiH govorili Općinski načelnik i predsjedavajući Općinskog vijeća. Svečanoj akademiji prisustvovali su brojni predstavnici političkog, javnog, kulturnog i vjerskog života ali i brojni građani općine Bužim koji su ispunili salu gotovo do posljednjeg mjesta.

Svečana akademija počela je čitanjem referata o Danu nezavisnosti BiH kojeg je pročitao referent za kulturu u općini Bužim Sead Emrić.

Nakon toga uslijedilo je kratko obraćanje i čestitka Općinskog načelnika Zikrije Durakovića i predsjedavajućeg Općinskog vijeća Općine Bužim Safeta Ljubijankića, koji su između ostalog konstatovali da su se u Bužimu uvijek znali prepoznati ključni trenuci za opstojnost države što dokazuje i 506 šehida koji su položili svoje živote u temelje nezavisne i suverene BiH. U kulturno-zabavnom programu učešće su uzeli Ženski gradski hor i KUD “Sevdah” Bužim. Sa ovom svečanošću obilježavanja Dana nezavisnosti završeni su ovogodišnji Dani općine Bužim.

U BUŽIMU OBILJEŽENA 25. GODIŠNJICA FORMIRANJA ARMIIJE RBiH

14. april 2017.

Nizom prigodnih sadržaja na području Unsko-sanskog kantona obilježava se 25. godišnjica od formiranja Armije Republike Bosne i Hercegovine. Tako je u sklopu pomenutog programa u Bužimu upriličen



službeni prijem na kojem su prisustvovali predstavnici općinskog i kantonalnog nivoa vlasti te predstavnici boračkih udruženja. Nakon prijema delegacija je posjetila Turbeta generala Izeta Nanića i boraca-šehida 505. Viteške bužimske brigade gdje je položeno cvijeće i proučena Fatiha svim poginulim pripadnicima Armije RBiH koji su dali ono najvrijednije za slobodu koju danas uživamo. Aktivnosti na obilježavanju 25. godišnjice otpočele su jučer 13. aprila a završavaju svečanom akademijom, koja će biti održana 15. aprila u Bosanskoj Krupi. Armija Republike BiH priča je o znanim i neznanim junacima, o hiljadama heroja, o našim šehidima, palim borcima, o našim invalidima i svima onima koji su utkali dio sebe u opstanak Bosne i Hercegovine.



STOLARIJA IČANOVIĆ“ - PRAVI IZBOR ZADOVOLJNIH KUPACA

Firma “Stolarija Ičanović“ na tržištu postoji već nekoliko godina, a njen razvojni put od male stolarske radnje u Bužimu do vrlo prepoznatljive firme na Unsko-sanskom kantonu i šire, poznat je po kvalitetu i širokom asortimanu proizvoda koje ova firma nudi. Prepoznatljiva po visokokvalitetnim proizvodima izrađenim od drveta, asortiman firme “Stolarija Ičanović“ svoje kupce je pronašao na tržištu Bosne i Hercegovine ali i inostranstva gdje ova firma izvozi 70% svojih proizvoda. Djelatnosti firme su proizvodnja, prodaja i montaža različitih drvnih elemenata.

Dugogodišnje iskustvo koje stoji iza vrijednih uposlenika “Stolarije Ičanović“ stavlja ih u red eksperata za izradu sobnih vrata svih dimenzija i različitih dizajnerskih rješenja. Stručni tim firme ispunjava sve individualne zahtjeve i nudi rješenja za ugodnost i prepoznatljivost vašeg doma. Visoko zadani ciljevi kao što su garantiran kvalitet, prihvatljive cijene, profesionalan pristup poslu i sigurna isporuka i montaža u unaprijed dogovorenom roku sigurno “Stolariju Ičanović“ izdvajaju od ostatka konkurencije.

Pored standardne izrade i ponude različitih sobnih vrata “Stolarija Ičanović“ ponudit će vam uređenje vašeg poslovnog ili stambenog prostora od različitih vrsta drveta i furnira uz bojenje visokokvalitetnim poliuretanskim lakovima. Ova mala, ali svojim obimom posla velika, firma trenutno zapošljava osamnaest radnika. S obzirom na sve veću potražnju različitih proizvodnih i ugradbenih elemenata firma planira i nova upošljavanja. Neosporno, kvalitet je učinio svoje i firmu “Stolarija Ičanović“ plasirao u sami vrh branše u kojoj posluje. Dokaz za ove tvrdnje nije teško pronaći jer će vam mnogi zadovoljni klijenti upravo preporučiti “Stolariju Ičanović“ kao pravi i jedini izbor .



“Stolarija Ičanović“ poznata je i po svom društvenom angažmanu. Rukovodstvo firme redovno učestvuje u brojnim humanitarnim akcijama koje imaju za cilj životno zbrinjavanje sugrađana kojima je pomoć potrebna. Ulazna i sobna vrata, prozori i ostali ugradbeni dijelovi samo su neki od elemenata koje je ova firma donirala tokom različitih humanitarnih aktivnosti.

Sve pobrojano dovodi do zaključka da firmu “Stolarija Ičanović“ vrijedi posjetiti u ulici Asima Bajrektarevića broj 17. Uz društveno odgovoran angažman nude povjerenje, kvalitet i prihvatljive cijene.



Kontakt telefoni: +387 61 277 - 845
+387 37 410 - 780

RADNO VRIJEME: Ponedjeljak - Nedjelja od 08h do 16h
PETAK, BAJRAMSKI I DRŽAVNI PRAZNICI NERADNI

OBILJEŽENA PRVA ORUŽANA BITKA I NAPAD NA BUŽIM



12. juni 2017.

U organizaciji Organizacionog odbora za obilježavanje značajnih datum `92-`95 obilježena 25. godišnjica od prvog napada na Bužim i prve oružane bitke koja se desila 11. juna 1992. godine u širem reonu MZ Bučevci i dijelu rejona općine Velika Kladuša. Kako su učesnici bitke kazali cilj neprijatelja je bio da na prvi dan Bajrama zauzme selo Bučevci i produži napadom prema Bužimu gdje je agresor poručio da će u Bužimu proslaviti Bajram. U svome obraćanju načelnik Duraković je kazao:



“Odlukom Općinskog vijeća definisano je pet značajnih datuma za područje općine Bužim iz perioda agresije na Bosnu i Hercegovinu, jedan od tih datuma je 11. juni odnosno obilježavanje Bitke na Bučevcima. Mi smo danas u organizaciji Organizacionog odbora za obilježavanje značajnih datuma upriličili obilježavanje bitke na samoj lokaciji. Dan je protekao u sjećanju i evociranju svih uspomena učesnika bitke i općina Bužim i ja kao Općinski načelnik smo tu da damo svoju podršku, kako danas, tako i u budućnosti u obilježavanju ove ali i drugih bitaka. Naše hrabre patriote su prozele namjeru neprijatelja i hrabro ih dočekale u širem reonu Kekića i Ramine glavice i na Radoču te su im nanijeli gubitke u živoj sili i materijano-tehničkim sredstvima te vratili ih na polazne položaje u Žirovac”.



O samoj bitci govorili su učesnici. Jedan od učesnika, Agan Elkasović je kazao:

“Na današnji dan ratne `92 godine, na Bajram, ovdje se desila jedna velika bitka i prvi napad na Bužim. U to vrijeme mještani su se organizirali i imali seoske straže, i taj dan kad je izvršen napad iz sela Žirovac, iz pravca Dvora na Uni, mi smo se suprotstavili neprijatelju, odbili napad i kasnije smo uspostavili čvrste linije koje nisu do kraja rata pomjerane. Borbe su bile žestoke tog dana i neprijatelj je imao velike gubitke. Da je taj dan izvršen prodor prema Bužimu pitanje je gdje bi linija ponovo bila uspostavljena, zato je ovo veoma značajna bitka u kojoj se odbranio Bužim “.

“Moram reći da su u toj bitci prevagu napravili dobrovoljci koji su kupili svoje naoružanje i stavili se na raspolaganje, jer još uvijek nije bila definitivno ustrojena Teritorijalna odbrana niti bilo koja jedinica, već su to bili dobrovoljački vodovi po mjesnim zajednicama koji su bili u funkciji. Jedan od tih vodova je bio i moj vod iz Varoške Rijeke koji je došao ovdje na Bajram da pomogne odbranu ovog dijela zajedno sa mještanima, i vodom iz Zaradostova, vodom iz Bužima i sa protivdiverzantskim vodom uspjeli smo odbraniti Bužim” kazao je okupljenima Šefik Veladžić.

“Ovo je sigurno jedan od najznačajnijih datuma za Bužim. Tu smo uspjeli zaustaviti neprijatelja a bili su nam poručili da će peći prase na Bajram u Bužimu, i tu je proradio taj Bošnjački inat i hvala Bogu uspjeli smo se odbraniti i od tada je ta linija bila mirna. Činjenica je da nije bilo ove bitke, Bužim ne bi imao brigadu, jer je bila politika tadašnje općine Bos. Krupa da Bužim ima samo bataljon, ali poslije te bitke sve se promijenilo i svi su nas uvažavali i dali podršku”, kazao je Esad Velić.

Nakon historijskog sata koji je održan na samom stratištu održavanja bitke upriličen je iftar za sve učesnike i zvaničnike.

U BUŽIMU SVEČANO OBILJEŽEN 12. JUNI DAN POLICIJE USK



12. juni 2017.

U Velikoj sali Centra za kulturu, sport i informisanje u Bužimu uz prisustvo predstavnika zakonodavne i izvršne vlasti Federacije BiH i USK-a, predstavnice policijskih agencija iz BiH predvođene direktorom Federalne Uprave policije Draganom Lukačom, predstavnice međunarodne zajednice u BiH, kao i predstavnici političkog, kulturnog i vjerskog života USK-a, obilježen je Dan policije. Po prvi put općina Bužim je bila domaćin obilježavanja Dana policije koja se jednom godišnje obilježava i sad već po tradiciji svake godine u drugoj općini USK-a. Ove godine obilježavanje je započelo 05.06.2017. godine akcijom dobrovoljnog darivanja krvi uposlenika MUP-a USK koje je provedeno u KB Dr. Irfan Ljubijankić u Bihacu i Općoj bolnici u Sanskom Mostu. Ukupno se odazvalo oko 60 pripadnika MUP-a. Također, evocirane su uspomene i na području svih općina položeno je cvijeće na spomen obilježja u znak sjećanja na sve poginule i umrle pripadnike MUP-a USK. Tokom prošle sedmice održan je i turnir u malom nogometu, te tradicionalno posjećene socijalno ugrožene porodice na području općine obilježavanja. U ime domaćina prisutnim se obratio Općinski načelnik, uputivši čestitke i zahvalu za sve ono što rade Policijci i Ministarstvo unutrašnjih poslova USK-a. Prisutnim se obratio i premijera Vlade USK Rošić Husein, ministra MUP-a USK Anela Ramića. Koliko su policajci bili uspješni u protekloj godini, ali i o izazovima koji im predstoje govorio je policijski komesar Mujo Koričić. Uz prigodna obraćanja na današnjoj svečanoj akademiji podjeljena su i priznanja i pohvale kako pojedincima tako i kolektivima. Ovogodišnja "Zlatna značka" pripala je inspektoru Dijani Brkić, a "Srebrna značka" starijem policajcu Elviru Piralicu. Ove godine obilježava se 20. godišnjica Dana policije USK. Inače, proglašenjem Ustava USK-a 1995. godine i uspostavljanjem Kantona 1. formirano je i Kantonalno ministarstvo policije koje u svom sastavu imalo svega 69 aktivnih policajaca u osam stanica javne bezbjednosti i samom sjedištu Ministarstva. Godine 1997. godine Ministarstvo policije mijenja naziv u Ministarstvo unutrašnjih poslova USK-a, a stanice javne bezbjednosti u Policijske uprave. No, iako se nazivi mijenjaju zadaci i misija policijskih službenika ostaje ista, a to je kao i uvijek što kvalitetnije i profesionalnije služenje javnosti koje se ogleda u zaštiti života i imovine građana, sprečavanju izvršenja kriv-



ičnih djela kao i njihovo istraživanje te održavanje javnog reda i mira. Prema ocijenama rukovodećih struktura Federalne uprave policije, ali i prema prikupljenim informacijama sa terena MUP USK-a, naše Ministarstvo jedno je ako ne i najbolje na području Federacije BiH. Podrška Vlade USK-a neophodna je iako ne uvijek onakva kakva bi trebala, primjetna su poboljšanja u materijalno-tehničkim sredstvima, ali i u primanjima ne samo policije nego svih budžetskih korisnika. Jedinica za podršku osvojila je ovogodišnji malonogometni turnir, član pobjedničke ekipe Amel Selmanović je najbolji igrač dok je Almedina Čatić iz PS Ključ ponijela titulu fer play igrača turnira.

ODRŽANO PRVO POSLIJERATNO DRUŽENJE “ŽUTIH MRAVA”



30. juli 2017.

UBužimu je na izletištu “Svetinja” nedaleko od nekadašnjih prvih borbenih linija održano druženje bivših pripadnika “Drugog jurišnog bataljona” popularnog ratnog naziva “Žuti mravi”. Bilo je to prvo druženje bivših pripadnika ove jedinice nakon 22 godine, a mnogi od njih se nisu ni vidjeli od završetka rata. Inače Drugi jurišni bataljon je formiran 1994. godine prvobitno kao “4. Omladinsko-inženjerski bataljon”, da bi odlukom rahmetli k-danta 505. Viteške brigade Izeta Nanića već postojeći “Drugi jurišni bataljon” uz četvu za specijalne namjene “Hamza” oformljen u “Bataljon za specijalne namjene “Hamza” a dotadašnji 4. Bataljon 505. Brigade oformljen u Drugi jurišni bataljon. Ono što je bilo specifično za ovu jedinicu je činjenica da su njeni pripadnici bili najmlađi borci koji su rat dočekali maloljetni, te u toku rata regrutovani i obučavani u Nastavno regrutnom centru. Krasile su ih žute uniforme po kojima su dobili naziv “Žuti mravi”. Poznate su predaje o ovoj jedinici da se ista nije “znala” povući i u najtežim uvjetima ratovanja. Na žalost 57 pripadnika ove jedinice je položilo svoje živote za odbranu jedine nam domovine. Ovo druženje će biti organizovano narednih godina zadnjeg vikenda u julu mjesecu, te postati tradicionalno.

“Danas smo se okupili ovdje povodom druženja bivših pripadnika Drugog bataljona 505. Viteške brigade, evocirali smo uspomene na ratni put bataljona, koji je bio jedan od boljih u 505. Viteškoj brigadi, mada ni za jedan bataljon 505. Viteške brigade ne možemo reći da je bio lošiji, ali ovaj je bataljon bio specifičan po tome što su to bili mladići

od dvadesetak godina, i on je dao posebno veliki doprinos u operaciji “Sana” kao i u mnogim drugim operacijama. Teško je stanje ove populacije, jedni su zaposleni dok drugi nisu, ali zajedno možemo jedni drugima pomoći i meni je čast što sam bio k-dant II jurišnog bataljona u tom period” kazao je Edham Eminić.

“Mi smo se kao jedinica odnosno njeni bivši pripadnici nakon 22 godine po prvi put okupili ovdje na Svetinji, mjestu nedaleko od nekadašnjih prvih borbenih linija, na kojima su ovi momci krvarili za odbranu jedine nam domovine. Naš bataljon je formiran ratne 1994. godine, u najtežim vremenima za naš opstanak na ovim područjima. Tad smo osnovani kao 4. Omladinski inženjerski bataljon, da bi '95. godine k-dant Izet Nanić stare jurišnike Drugog bataljona i četvu za specijalne namjene “Hamza” oformio u Bataljon za specijalne namjene “Hamza”, a mi kao jedinica smo ponijeli naziv Drugog jurišnog bataljona. Ipak bez obzira na sve to mi smo ostali prepoznatljivi po svojim žutim uniformama i po nazivu “Žuti mravi” koji nam je dodijelio naš rahmetli komandant”, kazao je Muhidin Veladžić.

OTVORENA 22. MANIFESTACIJA SLOBODARSKI DANI VITEŠKOG GRADA BUŽIMA




04. august 2017.

Slobodarski dani viteškog grada Bužima je manifestacija koja već 22. godine čuva sjećanje na više od 500 poginulih boraca-šehida i hrabru borbu bužimskih vitezova u odbrani jedine nam domovine Bosne i Hercegovine. To je manifestacija koja simbolizira hrabrost, čast i dostojanstvo, i s druge strane tugu i žalost što je upravo u ovom mjesecu poginuo ratni heroj, general Izet Nanić. Kao i ranijih godina, manifestacija je započela svečanim prijemom u općini Bužim, te posjetom Muzej sobi i turbetu generala Izeta Nanića i poginulim borcima 505. Viteške brigade gdje je proučen Jasin i klanjan akšam-namaz. Nakon toga na platou Osnovne škole "Bužim" upriličena je svečanost otvorenja manifestacije koju je otvorio Općinski načelnik. Na ovogodišnjoj Večeri Kur`ana učešće je uzelo deset učača koji su svojim melodičnim glasovima učili odlomke iz Časne knjige. Ovogodišnje osvježanje otvorenja manifestacije bila je svakako promocija kaside "Devet heroja" koju je izveo Mustafa ef. Isaković, a nakon toga je premijerno prikazan i spot za istoimenu kasidu. Pristunim se obratio i bihački muftija Hasan ef. Makić, a prigodno predavanje u svojstvu izaslanika reisu-l-uleme održao je muderis Nezim ef. Halilović.



NIZOM SADRŽAJA OBILJEŽENA 22. GODIŠNJICA POGIBIJE IZETA NANIĆA



05. august 2017.

05. augusta nastavljeno je obilježavanje manifestacije Slobodarski dani viteškog grada Bužima. U jutarnjim satima službena delegacija posjetila je mjesto pogibije generala Izeta Nanića i Mehe Bašića gdje su proučili Fatihu i položili cvijeće. Na samom mjestu pogibije prisutnim se obratio Agan Elkasović učesnik bitke, koji je perenio svoje dojmove i doživljaje današnjeg dana.



U znak sjećanja na bužimске vitezove Udruženje mladih Bužim deseti put za redom u okviru manifestacije Slobodarski dani viteškog grada Bužima organizirali su pješački pohod "Put Bužimskih vitezova". U isto vrijeme po prvi put BK "Bužim" je organizirao biciklistički maraton "Uspón na Ćorkovaču" gdje su učešće uzeli brojni klubovi sa područja Unsko-sanskog kantona kako bi odali počast svim bužimskim vitezovima koji su ovu relaciju prelazili u ratnom periodu od 1992-1995. godine. U 13:00 sati nakon klanjanja podne-namaza imami MIZ Bužim proučili su Jasin i tevhid borcima-šehidima 505. Vbbr., te je održan i historijski sat "Sjećanja na heroje". Djeca poginulih šehida Aida Suljić i Elvis Muminović pročitali su biografije poginulih boraca u ovoj akciji. Nakon toga prisutnim se obratio Općinski načelnik koji je između ostalog kazao: "Mi se moramo truditi da čuvamo sjećanje na našu herojsku borbu i nasmijemo iznevjeriti ideale za koje su se borili naši borci i za koje su naši šehidi dali svoje živote. Moramo sjećanja prenositi na mlađe naraštaje."



Ispred 505. Viteške brigade obratio se Šefik Veladžić koji je govorio o spomen obilježju koje se gradi na Ćorkovači te simbolici istog ali i njegovom značaju. U svome govoru on se osvrnuo i na slavni put generala Izeta Nanića i 505. Viteške brigade. Pristunim su se obratili i premijer USK Husein Rošić te Federalni ministar za pitanje boraca Salko Bukvarević koji je kazao: "Mi nismo željeli rat i borbu. Ona nam je nametnuta od agresora koji je imao za cilj da uništi bošnjački narod i državu Bosnu i Hercegovinu. Mi moramo danas u miru da na ovako dostojanstven način očuvamo sjećanje na hrabru borbu i odbranu od agresora. Neka dušmani ove države znaju da mi i danas stojimo u stroju i da ćemo čuvati našu domovinu ako zatreba." Na samom kraju prigodno predavanje u svojstvu izaslanika reisu-l-uleme održao je muderis Nezim ef. Hal-



ilović koji je govorio o emanetu čuvanja sjećanja na šehide i sve pripadnike A RBiH. "Moramo učiti i podučavati mlađe naraštaje o dvije stvari koje su nam se desile, i koje nam se ne smiju nikada ponoviti a to su agresija i genocid. Zato nam trebaju ovakva obilježja. Ona ne trebaju šehidima nego nama da nas podsjećaju na ove dvije stvari i da nas sjećaju na našu obavezu i emanet prema našim šehidima da čuvamo našu državu Bosnu i Hercegovinu."

ODRŽANO VEČE ILAHIJA I SEVDAHA U BUŽIMU



13. august 2017.

U okviru manifestacije “Slobodarski dani viteškog grada Bužima”, pred nekoliko hiljada posjetitelja u Bužimu na platou OŠ “Bužim a u organizaciji hora duhovne muzike i sevdaha „Gazija“ održano Veče ilahija i sevdaha pod nazivom „Gazije i prijatelji“. U programu su pored domaćina hora Gazija učestvovali i hor Tesnim, Ženski gradski hor te kao specijalni gosti grupa „Merak“ iz Sapne. Ovo je sadržaj koji u sklopu manifestacije Slobodarski dani viteškog grada Bužima Gazije organiziraju već četvrtu godinu, i nastaviće to kako kažu dok im se bude pružalo povjerenje, jer su hor koji je ratnih godina upravo rahmetli general Izet Nanić pozivao na gotovo sve manifestacije koje su tad organizirane, te im to kako kažu ima poseban značaj.



ODRŽANO TRADICIONALNO DRUŽENJE PRIPADNIKA 105./505. VITEŠKE BRIGADE



15. august 2017.

Organizacioni odbor za obilježavanje manifestacije Slobodarskih dana viteškog grada Bužima i ove godine je organizirao druženje pripadnika 105./505. Viteške brigade. Ovogodišnje druženje održano je ispred zgrade JU “Centar za kulturu, sport i informisanje” Bužim gdje se okupio veliki broj pripadnika 105./505. Viteške brigade. Okupljenim bivšim borcima obratili su se predsjednik Oranziacong odbora Edham Eminić i Općinski načelnik. Za sve prisutne bio je organiziran paprikaš koji su prije zvaničnog početka druženja u okviru Treće paprikašijade pripremali kuhari u organizaciji lovačkog društva “Lovac” Bužim.



ZAVRŠENA OVOGODIŠNJA MANIFESTACIJA “SLOBODARSKI DANI VITEŠKOG GRADA BUŽIMA”



15. august 2017.

Svečanom akademijom pred preko 15.000 ljudi, završena 22. manifestacija “Slobodarski dani viteškoga grada Bužima”, kojom se obilježava 25. godišnjica osnivanja 505. viteške bužimske brigade. 15. augusta, na Dan formiranja 105./505. Viteške brigade, spuštenu je zavjesu na ovogodišnju 22. manifestaciju “Slobodarskih dana viteškog grada Bužima”. Protokol obilježavanja završnice Manifestacije i rođendan 505. viteške brigade počeo je svečanim prijemom zvanica u općini Bužim. Nakon prijema u općini Bužim, delegacija je posjetila Turbeta generala Izeta Nanića, gdje je odata počast, položeno cvijeće i proučena Fatiha a nakon toga je obišla Muzej sobu 505. viteške brigade. Druženje zvanica je nastavljeno uz “Krajišku sofru” ispred zgrade Centra za kulturu, sport i informisanje” koju je organiziralo Udruženje žena “Izvor” iz Bužima. Na platou Osnovne škole “Bužim” pred preko 15. 000 ljudi održana je završna svečanost gdje je Općinski načelnik zatvorio dvanaesto dnevnu manifestaciju “Slobodarski dani viteškog grada Bužima”. Ovom događaju su prisustvovali državni, federalni, kantonalni, općinskih i drugi predstavnici, kao i predstavnici Islamske zajednice,



boračkih populacija, vladinih i nevladinih organizacija, te posebno naši ljudi iz dijaspore, koji su svoje godišnje odmore uskladili sa ovom manifestacijom. Pored Općinskog načelnika prisutnim građanima su se obratili Edham Eminić predsjednik Organizacionog odbora, premijer USK-a Husein Rošić, gradonačelnik Grada Goražda Muhamed Ramović, pensionisani pukovnik Hrvatske vojske Fahrudin Jašarević, general Ramiz Drekić, te u ime domaćina načelnik Općine Zikrija Duraković koji je zvanično i zatvorio ovogodišnje “Slobodarske dane viteškog grada Bužima”. Nakon zatvaranja manifestacije prisutni su mogli uživati u vatrometu koje je Organizacioni odbor pripremio za sve posjetioce. Nakon toga uslijedio je kulturno-zabavni program gdje je nastupio ratni bend “Behar” koji je zabavljao publiku do kasno u noć. I ove kao i prethodne 22. godine Bužim je bio centar kulture, sporta i patriotizma. Na svim sadržajima ovogodišnje manifestacije istaknuto je da se ovakvim manifestacijama i sadržajima mladi uče historiji i čuvaju sjećanja na heroje BiH.





Autodijagnostika je danas posebna grana u dijagnostici kvarova na automobilima, ali također i kada se radi o rezervnim dijelovima za vozila. Autodijagnostika se najviše povezuje s paljenjem i pokretanjem vozila, mada se u nju ubraja još niz drugih stvari.

Autodijagnostika "Mersilio" sa sjedištem u Varoškoj Rijeci vodi brigu o elektropokretačima i alternatorima te akumulatorima, ugradnji radijskih prijemnika, ugradnji daljinskog i centralnog zaključavanja, ugradnji senzora za parkiranje te servisu i punjenju autoklime.

Kao što se i može zaključiti, autoelektrika je širok pojam, ali moderna vozila jednostavno ne mogu funkcionirati, a vožnja ne može biti udobna ako nešto iz ovog polja djelovanje nije dobro i pravilno podešeno.

Zato je tu autodijagnostika "Mersilio", stoga Vam predlažemo da ih posjetite i uvjerite se u profesionalnost svog posla.



AUTODIJAGNOSTIKA "MERSILIO"



**AUTOELEKTRONIKA
"MERSILIO"**

Kontakt telefoni: +387 61 920- 985

**RADNO VRIJEME: SVAKIM RADNIM DANOM od 08h do 17h
PETAK I DRŽAVNI PRAZNICI NERADNI**

OBILJEŽENA NAJSLAVNIJA BITKA BREZA '94



12. septembar 2017.

UBužimu je obilježena 23. godišnjica slavne bitke Breza '94, godišnjica slamanja jedne od najvećih neprijateljskih operacija. Svečanost je počela polaganjem cvijeća i učenjem Fatihe na turbetu generala Izeta Nanića i šehida 505. Viteške brigade, a nakon toga je u rejonu "Križa" održan historijski sat uz prisustvo nekoliko stotina posjetitelja. Skupu su se kratko obratili predsjednik Organizacionog odbora za obilježavanja značajnih datuma iz perioda 92-95 Edham Eminić, kao i predsjedavajući Općinskog vijeća. Referat o detaljima bitke je pročitao Almedin Porić. Breza '94 je naziv za vojnu operaciju koju je pokušao izvesti 1. Krajiški korpus VRS u vremenskom periodu od 4. do 12. septembra 1994. godine. Operaciju



je lično vodio general VRS Ratko Mladić. Glavni napadi VRS su počeli u ranim jutarnjim satima 4. septembra 1994. godine na pravcu Sip-Radoč. Na prve linije odbrane 505. Viteške bužimske brigade neprijatelj je krenuo svom žestinom i svim raspoloživim sredstvima, međutim 505. Viteška bužimska brigada nije popuštala uprkos silovitim napadima VRS. Pod briljantnim vodstvom komandanta 505. Viteške bužimske brigade generala Izeta Nanića izvršen je kontra napad koji će se još dugo komentarisati i pominjati u vojnim analizama. Faktor iznenađenja i ulazak snaga 505. Viteške iza neprijateljskih linija bili su odlučujući u slamanju i zaustavljanju ofanzive u kojoj je ranjen i njen glavnokomandujući Ratko Mladić.

TRIBINOM I OTVORENJEJEM MULTIMEDIJALNE IZLOŽBE "UPOZNAJ ALLAHOVA POSLANIKA S.A.V.S" OBILJEŽENA NOVA 1439. HIDŽRETSKA GODINA



21. septembar 2017.

Uorganizaciji Medžlisa IZ Bužim i Općine Bužim, uz prisustvo velikog broja vjernika, tribinom i otvorenjem multimedijalne izložbe "Upoznaj Allahova Poslanika s.a.v.s", autora Esmira Halilovića, obilježena Nova 1439. hidžretska godina. Organizatori su ovaj put željeli na drugačiji način obilježiti Novu hidžretsku godinu, na način da pruže priliku svima onima koji žele naučiti više o životu i djelima Poslanika Muhameda a.s. U ime Medžlisa IZ Bužim čestitku su uputili predsjednik mr. Eniz ef. Veladžić,

kao i glavni imam Mehmed ef. Harčević. Muftija bihački Hasan ef. Makić takođe je čestitao svim vjernicima nadolazeću 1439. hidžretsku godinu, a u ime Općine Bužim istu je uputio Safet Ljubijankić, predsjedavajući Općinskog vijeća Općine Bužim. Izložba je dio jedinog pokretnog Muzeja o Allahovom Poslaniku u svijetu. Autor Esmir Halilović, inače profesor Islamskog pedagoškog fakulteta u Zenici, naveo je da se izložba sastoji od sadržaja i stvari koji možda nisu toliko poznati.

"Imamo makete od kojih su tri pravljene u Saudijskoj Arabiji, zatim tu su i edukativni panoi sa historijski solidnim uvidom od rođenja pa do poslije njegove smrti. Izloženi su i eksponati poput pokrivača ili posude iz kojeg je Poslanik a.s. uzimao abdest, te replika Kur'ana starog 1.200 godina. Osim toga, jedan segment postavke je virtualna stvarnost, pa oni koji možda nisu imali priliku da posjete sveti grad Meku, mogu "prošetati" njegovim ulicama i unutar džamija", rekao je Halilović.

Prema njegovim riječima u planu je i stalna postavka muzeja o Allahovom Poslaniku najvjerovatnije u Sarajevu. Koliko je bitan ovaj projekat govori i činjenica da hadžije iz naše zemlje kada hodočaste sveta mjesta uglavnom ne posjete ove historijske lokacije, te je izložba jedinstvena prilika da dopune svoja znanja o životu i djelima Allahova Poslanika Muhameda s.a.v.s. Izložba je rezultat osmomjesečnog rada, a do sada je predstavljena u 17 gradova, u četiri države i pogledale su je o 44.000 posjetitelja.

OBILJEŽENA 24. GODIŠNJICA MJEŠOVITE SREDNJE ŠKOLE BUŽIM



02. oktobar 2017.

U Mješovitoj srednjoj školi "Bužim" svečano obilježen Dan Mješovite srednje "Bužim" i 24. godišnjica postojanja ove obrazovne ustanove. Prisutnim gostima u svojstvu domaćina obratio se direktor Mehmed Talić, te čestitao Dan škole. Svojim prigodnim obraćanjem svečanost je uvećao i čestitke uputio i Općinski načelnik. Svojim prisustvom svečanost su uvećali i direktori, pedagozi javnih ustanova i osnovnih škola sa područja općine Bužim te druge zvanice iz političkog i društvenog života. Nakon obraćanja domaćina i gostiju uslijedio je kulturno-zabavni program kojeg su izveli učenici ove odgojno-obrazovne ustanove. Srednja škola u Bužimu osnovana 16. oktobra 1993. godine, u samom jeku rata. Do izgradnje novog objekta nastava je izvođena u staroj zgradi Osnovne škole "Bužim". Godine 1995. započela je izgradnja novog objekta srednje škole u kojem je nastava krenula školske 1999./2000. Na prijedlog Ministra obrazovanja nauke, kulture i sporta Federacije Bosne i Hercegovine, Enesa Karića, izgradnju Srednjoškolskog centra finansirao je Visoki saudijski komitet.



MALIŠANI DJEČIJEG VRTIĆA BUŽIM OBILJEŽILI DJEČIJU NEDJELJU



09. oktobar 2017.

Prva sedmica oktobra, svake godine, tradicionalno je posvećena obilježavanju "Dječije nedjelje". "Dječija nedjelja" koja se ove godine obilježava od 5. do 10. oktobra je vrijeme promocije prava djeteta, poboljšanja društvene brige za djecu i jačanja odgovornosti svih nas u poštivanju dječjih prava garantiranih Konvencijom o pravima djeteta. Tim povodom danas su najmlađi stanovnici općine Bužim prošetali svojom čaršijom te uz ples i recitaciju ispred Fiskije u samom centru Općine obilježili na sebi svojstven način. Iako Konvencija o pravima djeteta postoji gotovo dvadeset i šest godina, svakodnevno se djeci uskraćuju njihova prava. Djeca u svijetu umiru od gladi i od bolesti koje su se mogle spriječiti, ne idu u školu, te svakodnevno trpe nasilje, zlostavljanje i iskorištavanje. Put do potpunog ostvarenja dječjih prava je dug i zato je važno da se kontinuirano radi na tome da se svakom djetetu, a naročito djeci bez roditeljskog staranja osigura najbolje. Odjel za praćenje prava djece Institucije ombudsmena u BiH godišnje primi oko 160 žalbi zbog kršenja prava djece. Najčešće su to posljednične situacije nakon razvoda roditelja i predmeti koji se tiču zdravstvene zaštite djece i njihovog školovanja.



U BUŽIMU ODRŽAN HISTORIJSKI SAT O RATNOM PUTU PETOG KORPUSA ARBIH



19. oktobar 2017.

Učenici Mješovite srednje škole Bužima danas su slušali historijski sat o formiranju i ratnom putu Petoga korpusa Armije Republike BiH, koji je upriličen povodom njegove dvadeset i pete godišnjice. O ulozi Petoga korpusa u odbrani ovoga dijela BiH od agresije i oslobađanju okupiranih teritorija, te ratnom putu, srednjoškolicima su govorili predstavnici Koordinacije boračkih udruženja Općine Bužim, Edham Eminić, Agan Elkasović i Šefik Veladžić ratne starješine 505. viteške brigade Petoga korpusa A RBiH. “U okviru obilježavanja 25. godišnjice formiranja 5. korpusa, najboljeg korpusa Armije RBiH danas smo održali historijski čas u MSS “Bužim”, za koje nam je odobrenje dalo Ministarstva za obrazovanje. Upoznali smo učenike o značaju odbrane Bosne i Hercegovine, o ulozi 5. korpusa Armije RBiH i o značaju obilježavanja naših značajnih datuma. Bila je ovo prilika da ih

upoznamo i o značajnim datumima u našoj Općini, kao i o značaju i ulozi 505. viteške brigade koja je bila u sastavu 5. korpusa Armije RBiH, uz poseban naglasak učenicima da dobro uče i da se nikad ne ponovi izdaja i da ne budu oni morali ratovati kao što smo mi” kazao je predsjednik Koordinacije boračkih udruženja Edham Eminić. Dvadeset i prvoga oktobra nizom sadržaja bit će prigodno obilježena, jubilarna, dvadeset i peta godišnjica od formiranja 5. korpusa Armije Republike BiH čiji su pripadnici branili i odbranili našu domovinu i oslobodili njene okupirane teritorije. Bužimski srednjoškolci u to vrijeme nisu bili ni rođeni a o 5. korpusu i njegovim pripadnicima slušali su i ponešto naučili od svojih roditelja i starijih. Danas su to znanje imali priliku proširiti. Pripadnici Petoga korpusa Armije RBiH su, kako je istaknuto, učinili sve što su mogli da BiH odbrane od agresije i učine je boljim mjestom za život.

POVODOM OBILJEŽAVANJA GODIŠNJICE FORMIRANJA 5. KORPUSA DELEGACIJA POSJETILA TURBE GENERALA IZETA NANIĆA



20. oktobar 2017.

U Bužimu je danas u sklopu manifestacije obilježavanja 25. godišnjice od formiranja 5. korpusa Armije Republike Bosne i Hercegovine, u kabinetu Općinskog načelnika održan svečani prijem kojem su prisustvovali predstavnici zakonodavne i izvršne vlasti sa područja općine Bužim, kantonalni zastupnici, općinski vijećnici, u ime Vlade USK ministar Privrede USK Samir Sedić, članovi Organizacionog odbora manifestacije 25. godišnjice obilježavanja 5. korpusa Armije R BiH, kao i predstavnici Koordinacije boračkih udruženja sa područja Općine Bužim. Kratko je razgovarano o problematici boračkih populacija, a nakon prijema delegacija je posjetila mezar i proučila Fatihu Safetu Kaukoviću istaknutom borcu 505. viteške brigade, čija je godišnjica smrti upravo danas. Nakon toga delegacija je posjetila turbete generala Izeta Nanića i šehida 505. viteške brigade gdje je položeno cvijeće i proučena Fatiha. U okviru obilježavanja godišnjice, koje je planirano za 21. oktobar, između ostalog upriličit će se odavanje počasti šehidima i poginulim braniocima uz prigodan vjerski program, zatim posjeta kasarni Adil Bešić, u kojoj je tokom rata bila smještena Komanda Korpusa, a u večernjim satima u dvorani Luke održat će se svečana akademija i bogat zabavni program.

OBILJEŽANA PETA GODIŠNJICA DJEČIJEG VRTIĆA BUŽIM



01. novembar 2017.

Najmlađa odgojno-obrazovna ustanova na području općine Bužim pa i Unsko-sanskog kantona Dječiji vrtić Bužim danas je obilježio svoju petu godinu postojanja, odnosno peti rođendan. Tim povodom danas je u prostorijama Dječijeg vrtića organiziran kulturno-zabavni program kojeg su izveli mališani Dječijeg vrtića. Roditelji, brojni građani, predstavnici izvršne i zakonodavne vlasti kao i predstavnici kulturnih, odgojno-obrazovnih ustanova sa područja naše Općine uživali su u izvedenom programu. Općinski načelnik Zikrija Duraković u svome obraćanju čestitao je petu godinu postojanja ove odgojno-obrazovne ustanove, pohvalio upravu i odgajatelje koji daju krajnje napore kako bi nadomjestili sve one nedostatke sa kojima se susreću u svakodnevnom radu zbog nedostatka adekvatnih uslova, ali da i unatoč tome Dječiji vrtić Bužim ostvaruje rezultate na kojima mogu zavidjeti i druge javne ustanove ovog tipa sa višedecenijskim iskustvom te dodao da je krajnje vrijeme da se najozbiljnije pristupi rješavanju objekta Dječijeg vrtića.

U svome obraćanju direktorica Dječijeg vrtića Alma Sijamhodžić je kazala: "Djeca nisu samo budućnost, ona su prije svega sadašnjost u koju trebamo ulagati ljubav, pažnju i vrijeme. Mi smo tu da im budemo nepokolebljiva podrška i podstrek u ostvarivanju njihovih želja i ciljeva. Nadam se da ćemo zajedničkim snagama u narednom periodu poboljšati stanje u predškolskom obrazovanju". Krajem jula 2012. godine Skupština USK donijela je jednoglasnu odluku o osnivanju JU "Dječiji vrtić Bužim" da bi nakon upisa u sudski registar na današnji dan 2012. godine, i ispunjavanja svih preduslova vrtić sa radom zvanično krenuo 01. septembra 2013. godine. Ove godine je upisana šesta generacija koja broji preko pedesetero djece koji su podijeljeni u tri uzrasne grupe.



U BUŽIMU PROMOCIJOM KNJIGE “RELOAD – PRIČE IZ ŽIVOTA” AUTORA AKIFA AGIĆA SVEČANO OBILJEŽEN DAN DRŽAVNOSTI BIH



25. novembar 2017.

Općina Bužim i JU “Centar za kulturu, sport i informisanje” i ove godine su pripremili prigodan program kojim je obilježen 25. novembar – Dan državnosti BiH. Nakon svečanog prijema kojeg je u sali Općine Bužim organizirao načelnik Duraković, delegacija je posjetila Turbe generala Izeta Nanića i boraca-šehida 505. Viteške brigade, gdje je proučena Fatiha i položeno cvijeće. Nakon kratkog referata kojeg je pročitao referent za kulturu Sead Emrić, prigodnim obraćanjem prisutnima se obratio načelnik Duraković, koji je uputio čestitku povodom ovog značajnog datuma za sve građane Općine Bužim.



Nakon toga promovisana je knjiga “Reload-priče iz života”, autora Akifa Agića, koja je kompilacija priča iz života, a nosi naziv “Reload – Zlatna knjiga priče iz života autora”. Ulogu moderator preuzeo je referent za kulturu Sead Emrić dok je promotor bila kćerka autora, Ismihana Agić. Promociju su uveličale članice Ženskog gradskog hora Bužim izvođenjem sevdalinki.

“Prvi put sam u Bužimu, a kao da sam često bio ovdje. Vidio sam one čuvare Bosne otprilike kakve sam i očekivao i izuzetno mi je drago što je bio veliki broj posjetilaca na promociji, kao i što mi je pripala čast da u herojskom Bužimu budem za Dan državnosti Bosne i Hercegovine. Zlatna knjiga je specifična po samoj formi. Ona je rađena da kad se je pročita, da se ponovo čita i to je jedna univerzalna vrijednost koja je postignuta sa “Zlatnom knjigom”. Zlatna je ona iz jednog osnovnog razloga što piše o zlatnim ljudima. To su ljudi koji su bolji od njih, bolji od mene, bolji od nas, ljudi koji su napravili ovo što imamo, slobodu i državu Bosnu i Hercegovinu”, kazao je nakon promocije Akif Agić.

“Osim tih ratnih dešavanja kojima je protkana knjiga, i tragična sudbina Akifove porodice, ova knjiga ima duboku moralnu poruku koja govori o vjeri u bolju budućnost. Sve to je moguće samo ako ne zaboravimo prošlost, uz prisjećanje na ljude koji su dali život za BiH. Cijela knjiga zapravo ima kružni tok i govori o jednom umiranju da bi se nešto ponovo rodilo” kazala je Ismihana.

ODRŽAN RADNI SASTANAK ZA REALIZACIJU USVOJENE INICIJATIVE ZA REORGANIZACIJU MUZEJ SOBE 505. VBBR I ZAVIČAJNOG MUZEJA



03. mart 2017.

Inicijativa članova BZK “Preporod” Bužim prema čijem elaboratu bi se stari objekat Osnovne škole “Bužim” adaptirao i u njega bili smješteni Muzej grada Bužima u sklopu koga bi postojale Muzej soba 505. Vbbr., i Zavičajna zbirka usvojena je na sjednici Općinskog vijeća u oktobru 2015. godine. Kako se do danas malo uradilo na realizaciji ove inicijative Općinski načelnik i direktor Centra za kulturu, sport i informisanje Mersudin Nanić danas su organizirali radni sastanak na kojem su bili prisutni predsjedavajući Općinskog vijeća, kantonalni zastupnici u Skupštini USK-a Nisvet Jusić i Samira Abazović, predstavnici Koordinacije boračkih udruženja sa područja općine Bužim, direktorica OŠ “Bužim” Jasmira Mehić zajedno sa pedagogom i sekretarom škole kao i predstavnici Školskog odbora OŠ “Bužim”, te autori ovog elaborata i inicijative profesori Amir Sijamhodžić i Haris Suljadžić. Naime, Općinsko vijeće na svojoj redovnoj sjednici održanoj 30.10. 2015. godine usvojilo je Inicijativu za reorganizaciju Muzej sobe 505. Vbbr., i njeno pretvaranje u Muzej grada Bužima u sklopu koga bi postojale Muzej soba 505. Vbbr. i Zavičajna zbirka, a koji bi bio smješten u prostorijama objekta stare OŠ „Bužim“. Cilj sastanka je bio da se zauzme jedinstven stav svih aktera po pitanju daljih koraka ka realizaciji inicijative. S obzirom na to da je riječ o školskom objektu koji je još uvijek dijelom u upotrebi, svoje mišljenje će morati dati i upravni odbor OŠ “Bužim”, ali i Ministarstvo obrazovanja, nauke kulture i sporta USK. Na koncu, Skupština USK će donijeti konačnu odluku. Za realizaciju ovog projekta već ima osiguran dio sredstava tačnije 100.000 KM koje se nalaze na budžetu općine Bužim te 200.000 KM koje se nalaze na trezoru budžeta USK, a iz Koordinacije boračkih udruženja se nadaju da će ovaj projekt biti realiziran zajedničkim snagama u 2018. godini. Profesor Amir Sijamhodžić tvrdi da je ovo epohalno pitanje za grad Bužim, jer razna arhivska građa koja bi trebala biti sačuvana propada zbog nepostojanja institucije koja bi se trebala o njoj svakodnevno brinuti. “Rekao bih da je ovo za sve Bužimljane vrlo važno, epohalno pitanje. Inicijativa čiji je autor BZK “Preporod” Bužim, i za koju su saglasnost dale sve boračke organizacije je usvojena na sjednici Općinskog vijeća u oktobru 2015. godine, nažalost kasnimo ali se nadam da će nakon ovog sastanka krenuti



i dalje aktivnosti i koraci prema školskom odboru, Ministarstvu obrazovanja i na koncu vjerujem da će Skupština USK pozitivno odgovoriti na zahtjeve koje im uputimo”, kazao je Amir Sijamhodžić. I načelnik Općine vjeruje da je ovo odlična inicijativa i nada se kako kaže da će realizacija iste nakon pomenutih procedura ubrzo otpočeti.

“Prije ovog sastanka smo preduzeli određene aktivnosti prema resornom Ministarstvu i Vladi USK, a sa ciljem konkretizacije i realizacije same inicijative i svega onog što bi ona trebala donijeti u narednom preiodu. Smatram da je inicijativa vrlo korisna stvar za naš Bužim. Zauzeli smo određene stavove i dogovorili dalje aktivnosti za naredni period i nadam se da će konkretna realizacija projekta ubrzo otpočeti”, riječi su načelnika Durakovića.

Predsjednik Koordinacije boračkih udruženja Općine Bužim Edham Eminić nakon sastanka kazao je: “Održali smo jedan konstruktivan sastanak sa upravom OŠ “Bužim”, boračkim populacijama, načelnikom Općine Bužim, predsjedavajućim OV Bužim, profesorima Sijamhodžićem i Suljadžićem u vezi smještaja muzeja 505. Viteške bužimске brigade i postavke Muzeja grada Bužima. Boračka udruženja i koordinacija boračkih populacija Općine Bužim podržavaju ovaj elaborat i inicijativu, te se nadamo da ćemo zajedničkim snagama u 2017. godini otpočeti realizaciju ovog projekta.”

Na kraju sastanka usvojeni su zaključci kojima su definisane dalje aktivnosti oko usvojene Inicijative: u narednom periodu oformiti radnu grupu koja će raditi na realizaciji ovog projekta, dostaviti usvojenu Inicijativu svim relevantnim institucijama i pojedincima, dogovoriti sastanak u Ministarstvu obrazovanja, nauke kulture i sporta USK-a.

ZAMJENIK MINISTRA ODBRANE BIH U ZVANIČNOJ POSJETI OPĆINI BUŽIM



13. mart 2017.

U općini Bužim danas je službeno boravio zamjenik Ministra odbrane za politiku i planove BiH Sead Jusić. Tom prilikom u sali općine Bužim na inicijativu Koordinacije boračkih udruženja održan radni sastanak kojem su prisustvovali predsjednici temeljnih boračkih udruženja općine Bužim, kao i predsjednici Skupština temeljnih boračkih udruženja, te Općinski načelnik i predsjedavajući Općinskog vijeća. Na sastanku je bilo govora o angažovanju Oružanih snaga BiH 9. januara u Banja Luci, obilježavanju značajnih datuma iz perioda '92-'95, izgradnji spomen obilježja na Ćorkovači te učešću Oružanih snaga na izgradnji puta Čava-Ćorkovača. Kako je sastanak bio zatvoren za medije, nakon sastanka prisutni su dali izjave za javnost. "Smatram kao zamjenik Ministra odbrane BiH da je neophodno da svako od nas dužnosnika kada dobije poziv da pruži određene informacije o svim aspektima koji su u nadležnosti Ministarstva odbrane BiH posebno ja imam jedan poseban odnos s obzirom da sam vezan za Bužim i našu nedavnu historiju. Stoga mi smo danas ovdje obradili nekoliko važnih tema, jasno da je bilo važno i mojim saborcima da imaju iz prve ruke informaciju o dešavanjima 9. januara o prisutstvu Oružanih snaga BiH u Banja Luci.


U tom smislu smo pružili adekvatne informacije u kontekstu i zakona i pravila i procedura, sve što je ovo pratilo i koje su naše naučene lekcije u ovom kontekstu u Ministarstvu odbrane sa jednom snažnom porukom da je jako važno da je u ovom procesu sačuvana linija komandovanja i rukovođenja Oružanim snagama, demokratska linija, dakle da su zahtjevi vrhovne komande i Predsjedništva i sve ostale pojedinosti ispoštovane sa važećim procedurama. Naravno očigledno je da ima određenih nedostataka koje mi kroz analize u Ministarstvu odbrane otklanjamo i biće otklonjeni. U svim drugim aspektima ova priča doživjeće svoj politički pa i procesni epilog i mi poštujemo demokratske institucije države, poštujemo da ima pravo neko podnijeti i krivičnu prijavu i zahtijevati smjene i ostavke, ali ja lično odgovorno tvrdim da sve ono što smo radili i Ministrica i ja i druge kolege da smo uradili u skladu sa pozitivnim popisima koji ovu oblast prate. A ako je bilo nekog kršenja na istražnim organima je da to ili potvrde ili demantuju. Ovdje smo upoznati i o drugim pitanjima, o obilježavanju

značajnih datuma na prostoru općine Bužim iz bliske i dalje prošlosti, o određenim infrastrukturnim projektima gdje Oružane snage BiH u okviru svog programa civilno-vojne saradnje mogu dati kvalitetan doprinos, neke stvari su već u toku oko čega će se načelnik općine Bužim zajedno sa našim predstavnicima usuglasiti u smislu daljih procedura" kazao zamjenik Ministra odbrane za politiku i planove BiH Sead Jusić.

"Ovo je bila prilika da čujemo sve ono što je koordinaciju boračkih udruženja interesovalo po pitanju djelokruga rada i zamjenika Ministra odbrane BiH i Ministarstva odbrane, a s druge strane prilika nama da razmijenimo iskustva i načine kako unaprijediti saradnju sa istima. Meni je izuzetna čast da se zahvalim zamjeniku Ministra odbrane na svemu onome što je uradio na konkretnim projektima koji su pred nama u realizaciji putem inženjerskog dijela Oružanih snaga u narednom periodu. Ti projekti se tiču prvenstveno regulacije potoka Bužimnice ali i drugih infrastrukturnih projekata kad je u pitanju putna mreža na području Općine Bužim" kazao je Općinski načelnik Zikrija Duraković.

Hamdija Mustafić predsjednik Skupštine udruženja 505. Viteške bužimske brigade je kazao nakon sastanka: "Na osnovu zaključaka skupštine udruženja 505. Viteške brigade tražili smo službeni razgovor sa zamjenikom Ministarstva odbrane BiH a u cilju rješavanja određenih problema i Općine Bužim i boračke populacije. Izuzetno je bitno istaći da nam je zamjenik Ministarstva pojasnio situaciju kako ne bi bilo nedoumica kod boračke populacije kad je riječ o angažmanu Oružanih snaga 9. januara u Banja Luci. Izuzetno bitna informacija, i rukovodeći se s tim, mi imamo obavezu da prenesemo svoj boračkoj populaciji pravu istinu, i smatram da će to sada biti sasvim druga slika i priča šta naš zamjenik Ministra odbrane gore radi sa svojim timom. I kao što sam zamjenik Jusić reče da nije bilo takvog postupanja ko zna šta bi se dalje desilo i da li bi danas imali Oružane snage BiH u ovom obliku. Kad je riječ o ostalim pitanjima Ministarstvo oružanih snaga BiH ima određene aktivnosti i mi ćemo nastojati da svoje projekte u saradnji sa Općinom Bužim zajedno realizujemo".

DELEGACIJA OPĆINE BUŽIM POSJETILA MIZ BUŽIM I ZAVRŠNE RADOVE NA IKC-U



13. april 2017.

Delegacija općine Bužim koju je predvodio Općinski načelnik zajedno sa predsjedavajućim Općinskog vijeća, dopredsjedavajućom Općinskog vijeća i direktorom Centra za kulturu, sport i informisanje, posjetila je Medžlis islamske zajednice Bužim. Domaćini su bili glavni imam MIZ Bužim, predsjednik MIZ Bužim. Na početku sastanka pozdravnu i riječi dobrodošlice uputio je predsjednik MIZ Bužim, te upoznao prisutne o projektu izgradnje Islamskog kulturnog centra od samog početka izgradnje pa sve do danas. On je još kazao da su u toku finalni radovi izgradnje i da će do 29. aprila za kada je zakazano svečano otvorenje biti sve na vrijeme završeno. "Imate reprezentativan objekat koji će u budućnosti služiti svojoj svrsi. Drago mi je da smo danas razmijenili mišljenja i da ste nas upoznali sa svim detaljima izgradnje IKC kako bi




imali cjelovitu i kompletnu sliku. Nastojat ću kao i do sada da pružim podršku u skladu sa našim mogućnostima. Ovaj događaj koji nam predhodi je ogledalo sviju nas i moramo se potruditi da prođe u najboljem redu kako bi gosti ponijeli najljepšu sliku o nama i našoj općini", kazao je između ostalog načelnik Duraković. Na sastanku je razgovarano i o drugim projektima, konkretnije o rješavanju dotrajalog objekta koji se nalazi odmah do novoizgrađene zgrade IKC-a te drugim projektima koje provodi MIZ Bužim. Glavni imam MIZ Bužim uručio je pozivnice prisutnima te pozvao sve predstavnike izvršne i zakonodavne vlasti, ali i sve naše sugrađane na svečanost otvorenja Islamskog kulturnog centra u Bužimu. Nakon sastanka delegacija je zajedno sa domaćinima obišla novoizgrađenu zgradu IKC-a gdje su se upoznali sa namjenom izgrađenih prostorija.

USPJEŠNO REALIZIRANA AKCIJA ČIŠĆENJA STAROG GRADA BUŽIMA



22. april 2017.

Svjetski Dan Planete Zemlje u Bužimu je obilježen nizom aktivnosti. U jutarnjim satima kako smo i ranije najavili otpočela je akcija čišćenja Starog grada. Ovoj akciji koju je organizirala općina Bužim u suradnji sa JKP "KOMB" Bužim, nevladinim udruženjima, odazvali su se i brojni građani naše općine koji su na ovaj način željeli poslati poruku da im je stalo do najstarijeg simbola grada Bužima. Učenici osnovnih i srednjih škola uzeli su učešće u globalnoj akciji "Let's do it" i očistili ulice i prostor oko svojih škola. Prema riječima načelnika Durakovića, općina Bužim je utvrdivši u kakvom je stanju ovaj nacionalni spomenik odlučila da krene sa prvim koracima ka uljepšavanju i dostupnosti istog. Iako je riječ o spomeniku pod zaštitom Države neke stvari se mogu pokrenuti, bar da bude čist i pristupačan, iako se kako kaže nada da će



se u budućem periodu Država značajnije pozabaviti ovim spomenikom. Istog su mišljenja i mladi koji su sudjelovali u akciji, kako kažu, simbol grada Bužima, samim time i njihova je stara bužimska tvrđava i ako se oni ne pobrinu bar da je ona čista i dostupna niko drugi neće. Inače Srednjovjekovni grad Bužim sazidan je u 12. stoljeću. Bio je najveći srednjovjekovni grad u Krajini nakon Bihaća. Grad je renesansna građevina koja je bila vojna utvrda i plemićki dvorac. Tvrđava Bužim i obližnja stara drvena džamija predstavljaju zaštićena spomen obilježja i kao takvi su proglašeni kao zaštićeni nacionalni spomenici u BiH. Međutim obnova i restauracija istog ide poprilično sporo, neobnovljeni dijelovi su prepušteni zubu vremena tako da su prilazi ka istom zarasli, a kompletan kompleks Starog grada Bužim je za eventualne turiste i posjetitelje bio gotovo nepristupačan.

BUŽIM U POVODU DANA PLANETE ZEMLJE DOBIO PARK



23. april 2017.

Ovogodišnje obilježavanje 22. aprila Dana Planete Zemlje ostat će duboko upamćen kod svih Bužimljanki i Bužimljana. Kako smo već ranije pisali nizom aktivnosti i volonterskih akcija poput čišćenja Starog grada i akcije Let's do it obilježen je ovaj dan. Da bi se upotpunio ovaj dan potrudili su se iz Udruženja mladih Bužim koji su za ovaj dan upriličili svečano otvorenje eko parka "Borići" ili kako su ga oni nazvali UMB Park.

"Zahvaljujući entuzijazmu mladih ljudi iz Udruženja Mladih Bužim koji su uz pomoć Općine odradili odličan posao, danas smo se okupili da u okviru obilježavanja Dana Planete Zemlje upriličimo, odnosno, stavimo u funkciju uređeni park "Borići". Dobili smo jednu prelijepu lokaciju u samom centru grada za sve one građane koji vole prirodu. Cilj nam je u narednom periodu urediti još ovakvih lokacija u užem i širem dijelu naše Općine", kazao je načelnik Duraković.

Koordinator projekta ispred UMB Jasmina Krupić u svome obraćanju je kazala: "Prošle godine u mjesecu maju učestvovali smo na obuci za omladinske lidere, i u sklopu iste od strane Instituta za razvoj mladih KULT raspisan je interni poziv za lokalne građanske inicijative, aplicirali smo na taj poziv i dobili grant sredstva za uređenje ovog parka. Ovim putem želim da se zahvalim Institutu za razvoj mladih KULT, kao i općini Bužim koja nam je izašla u susret u vezi svih ovih aktivnosti". Svečano presjecanje vrpce upriličili su Općinski načelnik i članovi UMB. Nakon presjecanja vrpce prisutni su prošetali uređenim stazama.



OPĆINA BUŽIM NASTAVLJA DOBRU SARADNJU SA UNDP U BIH



19. maj 2017.

Današnjim potpisivanjem Protokola o saradnji nastavljena je dobra saradnja između Općine Bužim i UNDP-a BiH. Protokol su potpisali načelnik Duraković i voditeljica UNDP-ovog Projekta integriranog lokalnog razvoja (ILDP III) u BiH Aida Laković-Hošo. Sve lokalne zajednice i svi nivoi vlasti u BiH po agendi za pristup u članstvo EU trebaju do 2021. godine imati usvojene i razrađene nove razvojne strategije ili revidirane stare. Radi se o nastavku treće faze projekta koja ima za cilj proširenje i konsolidiranje znanja i sistema za upravljanje razvojem na lokalnom, kantonalnom i entitetskom nivou. ILDP će preuzeti


podršku širokom krugu partenra u cilju afirmiranja funkcionalnog sistema za planiranje i upravljanje razvojem, pojačavajući provedbu javnih politika, uključujući i one koje se odnose na integraciju u Evropsku uniju. Takođe, planirana je i podrška kantonima kada je u pitanju primjena Zakona o razvojnom planiranju i upravljanju razvojem FBiH, uključujući i podršku novom ciklusu planiranja za period iza 2020.godine. Trebat će mnogo vremena kako bi se ove strategije uvezale i činile jednu cjelinu na državnom nivou. Neophodno će biti imenovanje tima za procjenu, unijeti sve detalje u strateška akta, a jedan od zadataka na lokalnom nivou bit će i educiranje vijećnika po ovim pitanjima.

“Drago nam je da nastavljamo saradnju, iako su nas predstavnici UNDP-a upoznali da je naša Općina bila jedna od rijetkih koja je bila pred raskidom prethodno potpisanog protokola zbog neažurnosti razvojnog tima Općina Bužim i neispunjavanja preuzetih obaveza potpisanim protokolom. Mi smo u protekla dva mjeseca revitalizirali novi razvojni tim koji je reevidirao strategiju razvoja i samim tim popravili narušene odnose. U narednom periodu ići ćemo sa daljnjom procedurom usvajanja strategije te njene implementacije u saradnji sa UNDP-om i u skladu sa danas potpisanim protokolom. Svi ovi procesi su definisani i nedavno usvojenim Zakonom o razvojnom planiranju i upravljanju razvojem u Federaciji BiH, a koji svim nivoima vlasti Federacije pa i lokalnom određuje način planiranja razvoja kroz donošenje budžeta i ostalih strateških i planskih dokumenata.” kazao je načelnik Duraković.

ILDP je zajednička inicijativa Vlade Švicarske i UNDP-a u Bosni i Hercegovini koja se provodi od 2008. godine. U okviru prve faze ILDP-a (2008-2011), izrađena je Metod-

ologija za integrirano planiranje lokalnog razvoja (MiPRO) koja je standardizirala strateško planiranje na lokalnom nivou u oba entiteta. Kao rezultat prve i druge faze ILDP-a (2012-2016) preko 40 partnerskih jedinica lokalne samouprave je izradilo standardizirane strategije razvoja i iniciralo procese za sistemsko upravljanje lokalnim razvojem. Istovremeno, ILDP je podržao i 10 kantona u izradi kantonalnih razvojnih strategija, u skladu sa prethodno izrađenom metodologijom za strateško planiranje na kantonalnom nivou. Također, uspostavljeni su entitetski mehanizmi za finansiranje prioriteta lokalnog razvoja i okvir za strateško planiranje na entitetskom nivou. Treća faza ILDP-a (2017-2021) ima za cilj afirmaciju i konsolidaciju stečenih znanja i sistema za upravljanje razvojem, od lokalnog, preko kantonalnog do entitetskog nivoa. Općina Bužim je u prethodnom periodu saradivala sa ILDP-om u procesima izrade i provedbe Strategije razvoja, radeći na kreiranju održivog sistema za upravljanje razvojem.

ZAMJENIK ŠEFA DELEGACIJE EU U BIH, KHALDOUN SINNO U POSJETI OPĆINI BUŽIM



25. maj 2017.

Općinski načelnik Zikrija Duraković zajedno sa saradnicima u sali općine Bužim održao je sastanak sa zamjenikom šefa delegacije Evropske unije u BiH, Khaldoum Sinnom. Na sastanku se razgovaralo o važnoj ulozi lokalnih zajednica u socioekonomskom razvoju zemlje, posebice u rješavanju nezaposlenosti i ostalih ključnih pitanja za rast i kreiranje radnih mjesta na lokalnom nivou. Ovo je prvi put da je neko od zvaničnika u ime delegacije Evropske unije boravio u Bužimu. Razgovaralo se i o konkretnoj situaciji u općini Bužim, te je naglašena ključna



uloga općine Bužim na čelu sa načelnikom ali i Općinskog vijeća u procesu integracija Evropskoj uniji. Tokom posjete, zamjenik šefa Sinno posjetio je i farmu “Farmer” firmu “Vrganj promet” i protektirnicu guma “Kobar”. Da delegacija Evropske unije u BiH velike nade za budućnost ove zemlje polaže upravo u mlade pokazala je činjenica da je zamjenik šefa delegacije EU posjetio i prosotrije Udruženja mladih Bužim gdje se sastao i družio sa mladima Općine Bužim. Kako je upriličen koncert klasične muzike delegacija je iskoristila priliku da uživa u melodijama koje su izvodili učenici Osnovne muzičke škole u Bužimu.





HAMID LATAN

POGREBNE USLUGE

TRANSPORT IZ CIJELE EVROPE



+38761158-660; +38761239-427; +38737/410-481

Vršimo usluge 24 sata
www.hamid-latan.ba



Naša firma pogrebnim se uslugama bavi dvadeset godina. Najbolji smo pružatelji ove usluge u Bužimu i na području Unsko-sanskog kantona, ali i cijele Bosne i Hercegovine. Navedeni brojevi dostupni su u bilo koje vrijeme (od 0:00 do 24:00) i u svim danima u godini. Nudimo kompletnu pripremu i opremu za dženazu:

- Rješavanje dokumentacije u zemlji i inostranstvu;
- Usluge prevoza pogrebnim vozilom vršimo u zemlji i inostranstvu;
- Obavijesti o smrti, izradu smrtovnica i medijsko oglašavanje putem web i facebook stranice
- Opremanje umrlog po vjerskim običajima;
- Zbrinjavanje umrlog na određeni vremenski period, u slučaju dužeg čekanja na dženazu;
- Dostava opreme;
- Priprema mezarlika za ukop umrlog.

Nudimo kompletnu pogrebnu opremu:

- Hrastove daske različite debljine;
- Tabut;
- Nišan ili privremeno obilježje umrlog;
- Nosači;
- Čefini (bijelo platno sa svim potrebnim sadržajima).

Svi zahtjevi za ovom uslugom, kako od fizičkih lica tako i od državnih institucija – Ministarstva zdravstva i socijalne politike USK-a, Općine Bužim, MUP-a, JU Centra za socijalni rad općina širom Unsko-sanskog kantona, realizovani su bez primjedbi. Pored navedenih usluga posjedujemo Ured na carinskom terminalu u Velikoj Kladuši za rješavanje dokumentacije za uvoz i izvoz svi vrsta vozila i roba.

Silne godine iskustva i veliki broj obavljenih usluga su garancija kvalitete naše usluge.

GRAĐANSKA INICIJATIVA: “UGRADIMO SE U TRAJNO DOBRO I BUDIMO DIO NAJVEĆEG PROJEKTA NA PODRUČJU OPĆINE BUŽIM”



02. juni 2017.


Grupa građana sa područja općine Bužim, prateći način realizacije dosadašnjeg projekta izgradnje zaobilaznice u Bužimu koja traje preko 20 godina, došla je na ideju da pokrene inicijativu kojom bi na neki način građani sa područja naše općine (oni koji to žele i mogu), zajedno dali podsticaj i podršku Općini Bužim i ostalim institucijama koje učestvuju u ovom stoljeća vrijednom i bitnom projektu. Tim povodom na inicijativu grupe građana u sali Općine Bužim održan je inicijativni sastanak kojem su prisustvovali podnosioci inicijative i općinski načelnik Zikrija Duraković. Na sastanku je dogovoreno da se do narednog sastanka pripremi sporazum kojim bi se definisala prava i obaveze, način otvaranja računa, način vršenja uplata i isplata sa računa, te način informisanja javnosti o prikupljenim sredstvima.

Kako je kazano na sastanku inicijativa je nazvana: “UGRADIMO SE U TRAJNO DOBRO I BUDIMO DIO NAJVEĆEG PROJEKTA NA PODRUČJU OPĆINE BUŽIM”, upravo iz razloga što je to trajno dobro koje ostaje iza nas generacijama koje dolaze, ali i služi svima nama koji živimo u našoj općini. “Želimo da se na transparentan način organiziramo i da pokušamo svi zajedno dati svoj doprinos za našu zaobilaznicu i prikupiti sredstva od svih onih koji žele hajr i opće dobro, te da naš Bužim u pravom smislu bude grad. Iskreno se nadamo, ako uspijemo zajednički ovu ideju pokrenuti i animirati sve naše građane, da će se u ovaj projekt uključiti i sva naša dijaspora, svi naši strani penzioneri, naši privrednici, svi uposlenici koji rade po državnim ustanovama, ali i naši prijatelji koji navrate u Bužim. Mislimo da je došlo vrijeme za ovakav način izgradnje naše zaobilaznice, jer uvijek kad se na dobru sastanemo možemo se dobru i nadati”, kazali su okupljeni oko spomenute inicijative.

“Prije nekog vremena grupa građana sa područja općine Bužim obavila je konsultacije samnom a u vezi sa njihovom idejom da pokrenu jednu ovakvu inicijativu. Danas su to formulisali kroz pismenu inicijativu upućenu prema Općini Bužim i naravno mi nismo ni jedne sekunde dvojili da trebamo posvetiti pažnju i skoncentrisati se na njihovu ideju i uraditi sve što je do općine Bužim i mene kao načelnika da bi ta inicijativa zaživjela. Želim se zahvaliti ovim ljudima koji su pokrenuli ovu inicijativu, posebno u mjesecu Ramazanu da su istakli i taj moment da čine dobro djelo, da čine nešto za svoju zajednicu, da žele unaprijediti život u svojoj općini i uljepšati je i učiniti boljom za generacije koje dolaze, a izgradnja naše zaobilaznice koja se radi dvadesetak godina jeste prioritet kojem svi trebamo posvetiti izuzetnu pažnju. Ne sumnjam u uspjeh ove inicijative i naravno u narednom periodu, kao općinski načelnik a i sve službe u okviru općine će stati iza ovog projekta i uraditi sve što je do općine”, kazao je načelnik Duraković.

“Mi građani općine Bužim došli smo na ideju da se ubrza izgradnja zaobilaznice u Bužimu koja traje zapravo od 1980. godine sa nastavkom od 1996. godine, sa ciljem da pomognemo nadležnim organima i nadležnim investitorima da sa vlastitim sredstvima učestvujemo u izgradnji zaobilaznice, i da se ubrza izgradnja njenog preostalog dijela kako bi Bužim imao bolju saobraćajnu mrežu pogotovo u ovom užem dijelu Bužima”, kazao je Nuriya Bajrektarević, jedan od potpisnika inicijative.

ODRŽAN SASATANK PREDSTAVNIKA LOKALNE UPRAVE I ČLANOVA PARTNERSKE GRUPE U PROCESU REVIDIRANJA STRATEGIJE RAZVOJA OPĆINE BUŽIM



09. juni, 2017.

U Maloj sali Centra za kulturu, sport i informisanje Bužim održan je sastanak predstavnika lokalne uprave i članova partnerske grupe u procesu revidiranja strategije razvoja općine Bužim. Sastanak se odnosio na revitalizaciju Partnerske grupe i dešavanja u periodu kada je izvršena srednjoročna evaluacija strategije za period 2011. – 2015. godina, pri čemu je nastavljeno ranije, već uspostavljeno, partnerstvo između predstavnika lokalne samouprave i članova Partnerske grupe. Na

sastanku su pored Općinskog načelnika i predstavnice UNDP Nermine Alibegović prisustvovali i predstavnici mjesnih zajednica, javnih ustanova, političkih partija, i nevladini organizacija Općina Bužim je, uz podršku Projekta integriranog lokanog razvoja (ILDP), Razvojnog programa Ujedinjenih naroda (UNDP) izradila Strategiju integrisanog razvoja općine za period 2011 – 2020. godina. Partnerska grupa je imala jasnu i aktivnu ulogu u procesima strateškog planiranja koji su se odvijali u periodu 2008 – 2016. godine. Važno je spomenuti da uloga Partnerske grupe nije prestala sa završetkom

procesu strateškog planiranja i usvajanjem strategije. Partnerska grupa treba da preraste u svojevršno razvojno partnerstvo sa važnom i ključnom ulogom u procesu implementacije strategije, koja je nastala na participatorni način i uz puno učešće svih grupa građana. Učešćem Partnerske grupe u implementaciji strategije omogućava se pravovremen i kontinuiran protok informacija prema građanima o ostvarenom napretku njihove lokalne zajednice u odnosu na zacrtanu stratešku viziju, ciljeve i prioritete.

POD POKROVITELJSTVOM TURSKOG GRADA KAHRAMANMARAŠ U ČAVI ORGANIZIRAN IFTAR ZA 1000 POSTAČA



24. juni 2017.

Zajednički iftari na otvorenom već nekoliko godina postali su tradicionalni za brojne džemate širom BiH. Jedan od onih koji plijene pažnju je „Džematski iftar“ u džematu Čava, na kome pored džematlija ovog džemata, iftare i postači iz drugih okolnih džemata. Iftar se priprema na platou ispred spomen-obilježja „Šehidska česma poginulim pripadnicima 505. viteške brigade“, u blizini džamije. Ove godine, 27. dan ramazana, upriličen je iftar za preko 1000 postača. Organizator iftara je bio Džematski odbor džemata Čava, a pokrovitelj istog je bio grad Kahramanmaraš iz Republike Turske. Pored brojnih domaćih zvanica Općinskog načelnika i gradonačelnika grada Cazina, zamjenika ministra odbrane BiH, i muftije bihačkog, iftaru je prisustvovala i delegacija iz pomenutog grada iz Republike Turske koju su predvodili gospodin Fatih Mehmet Erkoč, gradonačelnik grada Kahramanmaraša, gospodin Imran Kilič, zastupnik u Parlamentu Republike Turske, te profesor Osman Nalbant, organizator kurseva turskog jezika u BiH. U svom obraćanju, u svojstvu domaćina, obratio se načelnik općine Bužim, gospodin Zikrija Duraković, koji nije skrio svoje zadovoljstvo što prisustvuje ovom iftaru, čestitao je džematlijama džemata Čava na odličnoj organizaciji, te se zahvalio našoj braći grada Kahramanmaraša na posjeti našoj općini i pomoći koju su pružili pri organizaciji ovog iftara. Selame



turskog naroda i predsjednika Redžepa Tajipa Erdogana prenio je gradonačelnik grada Kahramanmaraša, gospodin Fatih Mehmet Erkoč, koji je u svom obraćanju naglasio da Krajišnike i stanovnike ovog grada vezuje dosta sličnosti, a u prvom planu to je vjera Islam i velik broj šehida sa obje strane. Zastupnik u Parlamentu Republike Turske, gospodin Imran Kilič je istakao da je ovo jedan od najljepših iftara kojima je prisustvovao, te na kraju u svojstvu musafira kojem se najviše prima dova proučio iftarsku dovu. Na samom kraju, načelnik općine Bužim je uručio skromne poklone za trojicu spomenutih članova turske delegacije. Recimo samo na kraju da je Kahramanmaraš grad na jugoistoku Turske i administrativno sjedište istoimene provincije. Okolno područje je između ostalog poznato po specifičnoj lokalnoj vrsti sladoleda – dondurma, koji je bio i specijalitet ovog iftara.

OBILJEŽEN DAN ŠEHIDA I ODRŽAN BAJRAMSKI KONCERT



27. juni 2017.

Bajrami se u Bužimu tradicionalno obilježavaju različitim prigodnim programima i svečanostima. Tako je i ove godine drugi dan Ramazanskog bajrama koji se tradicionalno obilježava kao Dan šehida u cijeloj Bosni i Hercegovini obilježen i u općini Bužim učenjem Jasina na turbetu generala Izeta Nanića pred duše preko 500 poginulih boraca 505. Bužimske viteške brigade. Dan šehida je dan sjećanja na sve one koji su se svojim hrabrim podvizima i plemenitošću u odbrani Bosne i Hercegovine uzdigli do najsvjetlijih primjera boraca za pravdu, istinu, vjeru i dostojanstvo. Dan šehida u BiH ustanovljen je odlukom Rijaseta Islamske zajednice u BiH 23. januara 1995. godine. Čini se da, kako vrijeme prolazi, ova odluka Rijaseta sve više dobiva na važnosti i značaju. U večernjim satima u Velikoj sali Centra za kulturu, sport i inforisanje u organizaciji Općine i Medžlisa upriličena je Bajramska svečanost. U uvodnom dijelu prisutnima su se obratili glavni imam Mehmed ef. Harčević, načelnik Općine Zikrija Duraković i muftija bihački Hasan Makić. Zatim je uslijedio program na kome su učešće uzeli: Ženski gradski hor, hor Tesnim i Mustafa Isaković iz Sarajeva. Nakon programa upriličen je i prigodan bajramski vatromet.



MISNISTAR RAMIĆ POSJETIO POLICIJSKU STANICU BUŽIM



02. august 2017.

UBužimu je u prostorijama Policijske stanice Bužim održan radni sastanak u vezi sa problematikom dotrajale zgrade policijske stanice. Sastanku su prisustvovali Ministar MUP-a USK Anel Ramić, Komesar MUP-a USK Mujo Koričić, zastupnik u Skupštini USK Nisvet Jusić, načelnik općine Bužim Zikrija Duraković, predsjedavajući Općinskog vijeća Safet Ljubijankić i komandir Policijske stanice Bužim Mehmed Kišmetović. Zgrada policijske stanice Bužim je i prošle sedmice usljed olujnog nevremena prokislila, što nije prvi put, a riječ je prema učesnicima sastanka o najneuslovnijoj zgradi policije na području USK. Na sastanku su doneseni određeni zaključci, a oni su da se hitno sanira krov objekta, da se pristupi kupovini parcele za izgradnju novog objekta Policijske stanice Bužim za koju već imaju planirana sredstava u Budžetu USK, te definirani koraci kako pozicionirati sredstva u Budžetu USK za 2018. godinu da Bužim dobije novi objekat moderne Policijske stanice po evropskim standardima. O novoj zgradi i rješavanju ovog problema se govori još od 2010. godine i svi akteri sastanka su mišljenja da je krajnje vrijeme da se pristupi gradnji novog objekata, te će u tom smislu svi u svom sektoru pokušati pomoći.

“Povod za ovaj sastanak je poplava odnosno havarija u prošloj sedmici koja se desila usljed obilnih kiša i to nije prvi put, ovaj objekat je dotrajavao i duži niz godina on je neuslovan za rad policijskih službenika. Ja izražavam svoje zadovoljstvo što smo na današnjem sastanku načelno

postigli dogovor kako u što skorije vrijeme riješiti pitanje samog krova i na taj način spriječiti dalja oštećenja objekta, ali i aktivnosti kako bi Bužim do kraja ove i u idućoj godini preduzeo konkretne korake i dobio novu zgradu policijske stanice” kazao je načelnik Duraković.

Hoće li novi objekat Policijske stanice u Bužimu biti rađen u narednim godinama, policijskim službenicima, administraciji, te kao krajnjim korisnicima usluga građanima općine Bužim ostaje da se nadaju. U svojoj izjavi ministar Anel Ramić je kazao:

“Danas smo se okupili ovdje u Policijskoj stanici Bužim, gdje smo donijeli niz zaključaka u vezi sa rješavanjem Policijske stanice Bužim koja je u vrlo teškoj stanju. Otakako sam ja ministar MUP-a USK već dvaput ova zgrada je prokišnjavala i neuslovna je za život i rad policijskih službenika. Dogovorili smo da krenemo sa rekonstrukcijom krova ove privremene zgrade. Vlada USK je obezbijedila određena sredstva za kupovinu zemljišta za izgradnju nove zgrade i nakon toga ostaje nam da idemo u planiranje Budžeta za 2018. godinu da krenemo u izgradnju nove, moderne evropske policijske stanice koja će ispunjavati sve evropske standarde koji se traže od nas.”

“Danas smo upriličili sastanak na najvišem nivou kako bismo operacionalizirali aktivnosti oko rješavanja problema vezanih za objekat Policijske stanice u Bužimu. Zaključci koje smo definirali su: hitno izvršiti sanaciju krova objekta, odmah pristupiti proceduri kupovine parcele za izgradnju novog objekta policijske stanice za čiju namjenu su amandmanom na Budžet USK za 2017. godinu obezbjeđena sredstva u iznosu 50.000 KM koja su operativna, te smo utvrdili sve ostale korake kako pozicionirati sredstva u Budžetu za 2018. godinu, a sve u cilju izgradnje novog objekta Policijske stanice sa svim onim elementima koje savremeni standardi zahtijevaju. U tom smislu svi akteri su se u potpunosti usaglasili sa hodogramom aktivnosti i koracima koje smo utvrdili i očekujemo da ćemo tokom ove i u narednoj godini intenzivno raditi na realizaciji ovog projekta koji ima širi društveni značaj” kazao je nakon sastanka zastupnik Nisvet Jusić.



POLICIJSKI SLUŽBENICI VOLONTERSKI SANIRAJU KROV POLICIJSKE STANICE BUŽIM



23. septembar 2017.

Zgrada policijske stanice Bužim zbog dotrajalosti usljed svake oborine prokišnjava i stvara probleme policijskim službenicima za obavljanje svakodnevnih poslova. Kako smo ranije pisali na nedavno održanom sastanku dogovorena je hitna sanacija krova objekta.

Pored toga usvojeni su zaključci da se pristupi kupovini parcele za izgradnju novog objekta Policijske stanice Bužim za koju već imaju planirana sredstva u Budžetu USK, te definirani koraci kako pozicionirati sredstva u Budžetu USK za 2018. godinu da Bužim dobije novi objekat mod-

erne Policijske stanice po evropskim standardima.

Ljudi koji su spremni nesebično raditi za opće dobro zaslužuju poštovanje i podršku. Tako su danas Policijski službenici koji rade u Policijskoj stanici u Bužimu volonterski radili na sanaciji krova policijske stanice.

Ako je suditi prema zaključcima koji su usvojeni na održanom sastanku i kako je već pristupljeno implementaciji istih nadati se da će uskoro, ako Bog da, biti završena kupovina zemljišta i stvoreni preduvjeti za izgradnju novog objekta policijske stanice. Građani Bužima i ovi vrijedni policijski službenici to zaslužuju.

U OPĆINI BUŽIM DESET VOLONTERA ZAVRŠILO PRIPRAVNIČKI STAŽ



03. oktobar 2017.

Deset volontera-pripravnika koji su u proteklih dvanaest mjeseci sticali znanje i iskustvo odrađujući svoj pripravnički staž, završili su sa volontiranjem 02. oktobra 2017. godine, čime su stekli pravo na polaganje ispita općeg znanja odnosno državnog ispita što otvara mogućnost prijavljivanja na konkurse sa jednogodišnjim radnim iskustvom. Tim povodom načelnik Duraković u sali općine je organizovao sastanak sa volonterima i šefovima službi u kojima su volonteri odrađivali pripravnički staž, na kome se načelnik Duraković obratio prisutnima i zahvalio na njihovom angažmanu u protekloj godini i doprinosu koji su dali u obavljanju raznih poslova i obaveza. Volonteri su izrazili zahvalnost što su bili dio ovog kolektiva i za to vrijeme stekli znanje, koje će im sigurno koristiti u narednom periodu. Pripravnici su za godinu dana imali priliku da obiđu sve općinske službe, gdje su mogli da steknu znanje i upoznaju se sa poslovima svake od službi.



BUŽIMSKI MALIŠANI OBRADOVANI DJEČIJIM PAKETIĆIMA

24. oktobar 2017.

U okviru svojih redovnih aktivnosti Centar za socijalni rad Bužim, ovaj put u saradnji sa Centrom za kulturu, sport i informisanje organizirao je projekciju crtića, radionicu, te podjelu paketića za mališane koji dolaze iz porodica koje se vode na evidenciji Centra za socijalni rad po raznim osnovama. Ovom podjelom nisu obuhvaćena samo djeca koja dolaze iz socijalnih kategorija nego i drugih koja svoja prava ostvaruju preko Centra za socijalni rad. Na samom početku mališani su uživali u crtićima, a nakon toga je Merima Račić održala radionicu sa mališanima, da bi se potom pristupilo podjeli paketića. Nakon podjele paketića, predstavnici Centra za socijalni rad zajedno sa direktoricom Mehić posjetili su mališane Davuda Muratovića i Naila Lelića, te im uručili paketiće. “Povodom dječije nedjelje koja se obilježava u prvoj sedmici mjeseca oktobra Centar za socijalni rad Bužim je napravio program obilježavanja, koji smo danas realizovali. Program podrazumijeva podjelu paketića za djecu i jedan edukativni dio kojeg je prezentirala naša saradnica Merima Račić ukazujući na to da cijelo društvo treba da štiti našu djecu. Zahvaljujući podršci kantonalnog nivoa uspjeli smo uključiti i obradovati i populaciju koja je na našoj evidenciji, prije svega samohrani roditelji, roditelji sa slabijim imovinskim stanjem, da i njima ukažemo da postoji dječija nedjelja i da je obilježimo skupa sa njima” kazala je direktorica Samra Mehić.



ODRŽANA PRVA BUŽIMSKA KESTENIJADA



30. oktobar 2017.

Na izletištu Svetinja Bužimljani i njihovi gosti su imali priliku za degustaciju krajiškog kestena. Ovo je bila prilika za okupljanje i dobro raspoloženje svih koji vole prirodu. Cilj manifestacije je promovisanje kestena, te očuvanje kestenove šume koju je posljednjih godina pogodila bolest lista, ali i već decenijama rak kestenove kore. Inače, rezultat je ovo prekogranične saradnje u okviru projekta INTERREG IPA finansirane iz fondova Evropske unije. Na samom početku prisutnim su se obratili Općinski načelnik Općine Bužim Zikrija Duraković koji je svečano i otvorio ovu jednodnevnu manifestaciju, načelnik Općine Kostajnica Drago Bundalo i direktor agencije “ARKA” Bužim Husein Ičanović, čija je agencija bila izvršilac usluga organiziranja kestenijade. Najpoznatiji krajiški brend, kada je o kestenu riječ je kestenov med. Jedan je od najskupocjenijih i najzdravijih produkata, stoga je brendiranje s jedne i očuvanje prirodnog bogatstva s druge imperativ. Da se od kestena može dobro zarađivati govori činjenica da u Sloveniji kilogram kestena košta oko šest eura, a kestenovog meda, kažu medari, ne može se proizvesti koliko je tražen na tržištu Evropske unije. Predstavnici Biotehničkog fakulteta Univerziteta u Bihaću održali su kratko predavanje o vrijednosti i značaju kestena za ovo područje, ali i opasnosti od bolesti koje prijete ovoj kulturi.



ODRŽANO PRVO OKUPLJANJE POČASNIH GRAĐANA OPĆINE BUŽIM



03. novembra 2017. godine u Hotelu Hills u Sarajevu, održano je prvo okupljanje dobitnika povelje Počasni građanin Općine Bužim. Okupljanju se ukupno odazvalo osam dobitnika: Edin Mušić, Ivo Komšić, Tatjana Ljujić-Mijatović, Stjepan Kljujić, Ejub Ganić, Mirko Pejanović, Ramiz Dreković i Atif Dudaković. Domaćini okupljanja bili su Općinski načelnik, predsjedavajući Općinskog vijeća zajedno sa predstavnicima političkih partija sa područja općine Bužim koje participiraju u Općinskom vijeću i predstavnicima Općine na višim nivoima vlasti.



Razgovarano je o trenutnom stanju općine Bužim, te o projektima i mogućnostima realizacije istih. U svojim izlaganjima počasni Bužimljani su konstatalirali da je Bužim dobio premalo od onog što je zaslužio te da će uvijek davati svoj doprinos u skladu sa svojim mogućnostima da pomognu pri realizaciji svih projekata koji su predloženi. Na kraju je dogovoreno da se naredno okupljanje održi u Bužimu gdje će biti pozvani svi dobitnici ove povelje.

Do sada je Općinsko vijeće Općine Bužim dodijelilo (16) šesnaest povelja od 2007. godine do danas a dobili su je: Roberto Lovato, generali Dreković Ramiz i Dudaković Atif, (2007.), Mušić Edin i Grahovac Gavril (2008.), članovi ratnog Predsjedništva BiH: Tatjana Ljujić-Mijatović, Stjepan Kljujić, Ejub Ganić, Mirko Pejanović, Ivo Komšić, Nijaz Duraković (2010.), akademik prof.dr. Enes Karić (2011.), Hamdija Lipovača (2013.), Adil Osmanović (2014.), Husein ef. Kavazović (2015.) i Nedžad Branković (2016.).

Povelja Počasni građanin Općine Bužim je izuzetno općinsko priznanje koje se dodjeljuje građanima Bosne i Hercegovine i stranim državljanima koji su naročito zaslužni za razvoj i opći napredak Općine Bužim, Unsko-sanskog kantona i Bosne i Hercegovine, za međunarodnu saradnju i mir u svijetu, za jačanje i razvijanje međunacionalnih odnosa, ljudskih prava i sloboda, demokratičnosti, humanosti, solidarnosti i tolerancije među ljudima različite nacije, vjere i kulture, te humanitarnim i drugim dobrotvornim aktivnostima. Zvanje počasnog građanina dodjeljuje se posebnom poveljom koja se upisuje u spomen-knjigu.



BRAMAC

Bramac Krovni Sistemi d.o.o
Skenderija 5/ III
71000 Sarajevo
Bosna i Hercegovina
Tel: 033 266 340
Fax: 033 213 211
e-mail:
bramacbih(@)bramac.com
web: bramac.ba

Pekara



KLAS

Tel: 062 / 979 - 835



VEREIN DER BOŠNIAKEN STEIERMARK
UDRUZENJE BOŠNJAKA ŠTAJERSKE GRAZ

**Bosniakische Kultusgemeinde Mitte der Islamischen
Glaubengemeinschaft in Österreich**

**BOSNISCH-ISLAMISCHES KULTURZENTRUM BOSNJAK
BOSANSKO-ISLAMSKI KULTURNI CENTAR BOŠNJAK
Džemat "BOŠNJAK" Graz**

A-8055 Graz Gmeinstrasse 22a
GZ VR-7847-2016 ZVR-Zahl 739721652
GZ VR-6277-2009 ZVR-Zahl 530204451
Steiermärkische SPARKASSE

IBAN: AT39 2081 5000 0195 9998 BIC: STSPAT2GXXX
IBAN: AT 04 2081 5000 4133 5159 BIC: STSPAT2GXXX

Telefon: + 43 (0) 650 647 0 111

udruzenjebosnjakstajerske@gmail.com / office@dzematbosnjak.at www.dzematbosnjak.at



HADŽIJSKI FOND AUSTRIJE ZUSAMMEN

HUMANITARNO UDRUZENJE
"HADZIJSKI FOND ZUSAMMEN"
ARNDTSTRASSE 28
A - 1120 WIEN
TEL./FAX: +43 (0)1 / 789 84 34
MOB.: +43 (0)699 / 109/395/21

HUMAN SOCIAL SOCIETY FOR LIFE

Human Social Society 4Life kako i sam naziv kaže, želi pomoći onima kojima život predstavlja patnju.

Cilj organizacije jeste pokazati da ima dobrih ljudi koji će tu patnju pretvoriti u sreću.

Oni žele pokazati da zajedno možemo sve. Da ciljevi dobra vode u pobjedu nad surovom realnošću.

Borimo se za život, zajedno!



Adresa: Leondinger Straße 12 Traun, Oberösterreich, Austria
Br. mobitela: 0660 2635000
E-mail: office@society4life.com

VKB-Bank
IBAN – AT401860000010449825
BIC – VKBLAT2L



[Human Social Society 4Life](https://www.facebook.com/HumanSocialSociety4Life)